


সম্পূর্ণ উপন্যাস

# কলাবতী, অপুর মা ও পঞ্চু

মতি নন্দী



ছবি : সুশীল মৈত্র



সিংহিবাড়িতে গুলতির প্রবেশে বড়ির ভূমিকা


কুল থেকে ফিরে কলাবতী স্কুলের ব্যাগটা—যেটাকে দাদু রাজশেখর মাঝে-মাঝে বলেন ‘গন্ধমাদন’ এবং কলাবতীকে ‘হনুমান’—টেবলে নামিয়ে রেখে চেয়ারে ধপ করে বসে মুখ তুলে কড়িকাঠের দিকে তাকিয়ে বলল, “উফফ কী গরম রে বাবা!... পাখাটা একটু বাড়িয়ে দেবে পিসি?”

অপুর মা রেগুলেটর বাড়িয়ে দিয়ে বলল, “একটু জিরিয়ে হাত-মুখ ধুয়ে নাও, ততক্ষণে



# কলাবতী, অপুর মা ও পঞ্চু

মতি/নন্দী



পেঁপেটা কেটে আনি।”

“পেঁপে!” কলাবতী সিন্ধে হয়ে বসল। এই ফলটি তার খেতে একদমই ভাল লাগে না।

“আটঘরা থেকে দিয়ে গেছে। পেঁপে, সজনে ভাটা, চালতা, কচু, মস্তোমান কলা, পটল, আরও কত কী।”

“আত জিনিস খাবে কে?”

অপুর মা ছোট্ট মুচড়ে বলল, “খাওয়ার লোকের অভাব? একা মুরারিদাই তোমার কাকার সঙ্গে তিনদিনে শেষ করে দেবে।”

“আমার খিদে নেই।” গভীর মুখে কলাবতী বলল।

“খিদে নেই? রোজ এই এক কথা। কী খেয়েছ টিপিনে? হজমি, চাটনি আচার, আলুকাবলি, ঝালমুড়ি?”

“একটাও না। ধুপুকে আজ ওর মা সঙ্গে দিয়েছিল খিচুড়ি। কাদা কাদা নয়, শক্ত শক্ত বেশ ঝরঝরে অনেকটা পোলাওয়ের মতো, বলল ভুনি খিচুড়ি। হটপট থেকে চামচে তুলে তুলে খাচ্ছে—”

“আর তুমি তাকিয়ে তাকিয়ে দেখছিলো।” অপূর মার চোখে দপদপ করল শিক্কার। সেটা অগ্রাহ্য করে কলাবতী বলল, “দেখছিলুমই তো। দেখব না? কী জিনিস।”

“কেন তুমি কি কখনও খাওনি? এই তো কদিন আগে ভাদ্রর মাসে ছোটবাবু বললেন বিস্টি হচ্ছে আজ খিচুড়ি খাব। করে দিলুম, বেগুনিও করলুম।”

“সে তো গত বছর অগাস্ট মাসে। সেটা ছিল বেঙ্গলি খিচুড়ি কিন্তু এই ভুনি খিচুড়ি? ধুপু যখন এক চামচ মুখে ঢোকাচ্ছে আর একটা করে বড়িভাজা মুখে নিয়ে মড়মড় করে চিবোচ্ছে, কী বলব পিসি ওর চোয়াল দুটো কী বিউটিফুল নড়াচড়া করছিল আর মড়মড় সাউন্ডটা।” কলাবতী বড়ি চিবানোর শব্দ চোখ বন্ধ করে শুনে বলল, “আমি আর থাকতে পারলুম না।”

“তুমি অমনি চেয়ে বসলে।”

“চাইবই তো। আমার প্রাণ যে চাইছিল। কাকা তো আমাকে বলেই দিয়েছে, কালু আমাকে কখনও কষ্ট দিবি না, দিলে ভগবানও তোকে কষ্ট দেবেন। ফুচকা, চিকেন রোল খেতে তোর আত্মা যখনই চাইবে তখুনি খাবি। চকোলেট, আইসক্রিমের স্কেট্রেও একই নিয়ম। এসব খাওয়ার অপকারিতা নিয়ে যদি মাথা ঘামাতে চাস তা হলে বুড়ো বয়সে ঘামাবি, এখন যা পারিস সাঁটিয়ে যা। পিসি আমি কিন্তু ধুপুর কাছে চাইনি। ও আমার মুখ দেখে নিজেই বলল, কালু একটু খেয়ে দেখবি? তখন যেসব কথা ভদ্রতা করে বলতে হয়, বললুম। ধুপু আমার থেকেও এককান্টি, দ্বিতীয়বার অনুরোধ না করে বলল, ঠিক আছে, খেতে হবে না। পড়লুম বিপদে। তাড়াতাড়ি বললুম, মাসিমার হাতের তৈরি বড়ির কি অমর্যাদা করা যায়? বলব কী পিসি, সে কী বড়িভাজা। মোহন্তর পকৌড়িও সেই বড়ির ধারেকাছে আসে না।” কথাগুলো বলার সঙ্গে কলাবতী জিভ দিয়ে টাকরায় চকাত চকাত শব্দ তৈরি করল।

শুনতে শুনতে কালো হয়ে এল অপূর মার মুখ। গভীর থমথমে মুখে ঘর থেকে বেরিয়ে যাওয়ার সময় বলল, “পেঁপেটা নিশ্চয় মুখে ক্ৰচবে, ওটা আমার রান্না করা নয়।”

কলাবতী বুঝে গেল পিসি দারুণ চটেছে, কারও রান্নার প্রশংসা সহ্য করতে পারে না। ও চায় সবাই ওর রান্নারই গুণগান করুক। আর সত্যি-সত্যিই অপূর মার রান্নার হাতটা ভাল, বিশেষ করে নিরামিষ রান্নার। সেজন্য রাজশেখরের চাপা একটা গর্বও আছে। হাজার হোক অপূর মা তারই গ্রামের মেয়ে।

আটঘরায় সিংহদের জমিদারি সেরেস্তায় অপূর মার ঠাকুরদা কানাই মোদক লেঠেলদের সর্দার। বকদিঘির মুখুজেরদের সঙ্গে জমি দখল নিয়ে একবার লাঠালাঠি করতে গিয়ে হাটু ভেঙে খোঁড়া হয়ে যায়। তখন তাকে করা হয় রাজশেখরের বাবার খাস ভূতা।

অপূর মার বাবা সাতকড়ি তখন এগারো বছরের। সমবয়সী



# The Online Library of Bangla Books BANGLA BOOK.ORG

সাতকড়ির কাছেই রাজশেখর গুণিসায়রে সাঁতার শেখেন। তার সাইকেল চালানোর শিক্ষাতেও সাতকড়ির হাত ছিল। একদিন কামরাঙ্গা পাড়তে গাছে ওঠেন। ডালে জড়িয়ে ছিল একটা গোখরো সাপ। ফণা তুলে স্থির হয়ে তিন হাত দূর থেকে রাজশেখরকে লক্ষ্য করতে থাকে। সেই সময় ধাক্কা দিয়ে সাতকড়ি ফেলে না দিলে কী যে হত, তাই ভেবে এখনও তিনি শিউরে ওঠেন। গাছে চড়া কঠোরভাবে নিষিদ্ধ ছিল, তাই ব্যাপারটা দু'জনেই চেপে যায়। সাতকড়ি যুবক হয়ে উঠতেই কানাই তাকে তারকেশ্বরে ডাল-মাছ-ভাতের একটা ছোট্ট পাইস হোটেল করে দেয়। অপূর্ব রান্নার হাত ছিল সাতকড়ির। একবার যে ধোঁকার ডালনা কি চালতা দিয়ে টকের ডাল খেয়েছে তাকে আবার করুণাময়ী হোটলে খেতে আসতে হবেই। এই করুণাময়ীই অপূর মা।

সাতকড়ি নিজের হাতে মেয়েকে রান্না শেখায়, বিয়ে দেয় তিন ক্রোশ দূরের এক পাঠশালার শিক্ষকের সঙ্গে, কিছু জমিজমা যৌতুক দিয়ে। তারকেশ্বরের হোটেলটি মৃত্যুর আগে সাতকড়ি দিয়ে যায় তিন ছেলেকে। দু'বছরের মধ্যেই রান্নার সুনাম হারিয়ে হোটেলের লোকসান শুরু হয়, তৃতীয় বছরেই ছেলেরা হোটেল বিক্রি করে নিজদের মধ্যে টাকা ভাগ করে নিয়ে তারকেশ্বর বাজারে মাছ আর আলু বেচতে বসে যায়, তৃতীয়জন চায়ের দোকান দেয় বাজারেই।

ইতিমধ্যে করুণাময়ী বিধবা হয়ে আটঘরায় ফিরে এসেছে। তিন ভাইয়ের ভিন্ন সংসার। বোনকে তারা একটা ঘর ছেড়ে দিল থাকার জন্য, কিন্তু খাওয়া-পারার দায়িত্ব নিল না। যেটুকু নিজস্ব জমিজমা করুণাময়ীর ছিল তাই দিয়ে সারা বছরের খরচ চালিয়ে অপুকে স্কুলে পড়ানো সম্ভব হচ্ছিল না, এখন সে খুঁজতে শুরু করে ভদ্রগোছের কোনও কাজ।

রাজশেখর বছরে একবার আটঘরায় আসেন জমি পুকুর বাগানের বিলিবন্দোবস্তের জন্য। আগের মতো বিশাল জমিদারি আর নেই,

তাই নেই নায়েব, পাইক, গোমস্তাদের বাহিনী। এখন শচীন হালদার নামে একজন কর্মচারী সম্পত্তির তদারক আর দু'জন ভৃত্য আর মালি বাড়ির রক্ষণাবেক্ষণ করে। বছরে একবার দু'বার আনাজ সবজি মাছ ফল ইত্যাদি তারা কলকাতায় পৌঁছে দিয়ে আসে।

চারদিনের জন্য রাজশেখর আটঘরায় আসবেন খবর পাঠিয়েছেন। সিংহিবাড়িতে ধুম পড়ে গেল ঝাড়পোঁছের, বাগানের ঝোপজঙ্গল সাফ হল। কিন্তু রাজশেখরকে রান্না করে খাওয়াবে কে? গত বছর অস্থায়ী রাধুনির কাজ করেছিল মিষ্টির দোকানের যতীন। এখন সে মিষ্টি বানানোর চাকরি নিয়ে শ্রীরামপুর চলে গেছে। শচীন হালদার দু'দিন হলো হয়ে হয়ে খুঁজেন না পেয়ে খোঁজার দায়িত্বটা দিলেন ক্রীকে। তিনি আধঘণ্টার মধ্যে হাজির করলেন করুণাময়ীকে।

আটঘরা পৌঁছানোর পর দুপুরে দোতলার দালানে ভাত খেতে এসে রাজশেখর চোখ কপালে তুললেন। মুহূর্তে মনে পড়ে যায় তাঁর ছেলেবেলার কথা। এই বগি থালায় ঠিক এই জায়গায় মায়ের হাতে তৈরি পশমের রঙিন ফুল-তোলা আসনে বসে তার বাবা ভাত খেতেন। থালার মাঝখানে স্তূপ করে থাকত জুইফুলের মতো ভাত। ভাতের পাশে দু-তিনরকমের ভাজা, থালা ঘিরে চার-পাঁচটা বাটি।

একটু দূরে দাঁড়িয়ে ছিলেন শচীন। রাজশেখর জিজ্ঞেস করলেন, “এই আসনটা পেলে কোথায় আর থালাবাটিগুলো?”

শচীনও জানতেন না আসন আর থালাবাটিগুলো এল কোথা থেকে। মাথা চুলকে আন্দাজেই বললেন, “ভাঁড়ারের কাঠের সিন্দকে তোলা ছিল, বার করে মাজানুম।” কথাটা বলে আড়চোখে তিনি পাশে তাকালেন। দরজার আড়ালে সাদা থান কাপড় পরা বিশাল এক যোমটায় মুখ ঢাকা দশাসই এক নারীমূর্তি দাঁড়িয়ে। ফিসফিস করে সেই মূর্তি তখন বলল, “ভাঁড়ার ঘরে নয়, রান্নাঘরের ওপরের তাকে ছিল থালাটা আর আসনটা ছিল শোয়ার খাটে গদির নীচে।”

ফিসফিসিয়ে বললেও অপূর মা'র স্বর দশ-বারো হাত বৃন্তের

মধ্যে পরিষ্কার শোনা যায়। সুতরাং রাজশেখর শুনতে পেলেন।

মধ্যাহ্নভোজনের মাঝপথে রাজশেখর শচীনকে বললেন, “খোড় ছেঁচকিটা আর একটু দিতে বেলো তো।”

আড়াল থেকে বাটি হাতে বেরিয়ে এল অপূর মা। সিংহিবাড়িতে খাওয়ার সময় দ্বিতীয় পরিবেশন হাতায় করে পাতে দেওয়া হয় না। বাটিটা মেঝেয় রেখে মুখের সামনে কাপড় টেনে অপূর মা বলল, “আর একটু কচুবাটা আর পোস্তর বড়া কি আনব?”

রাজশেখরের মুখে হাসি খেলে গেল। বুঝলেন খাওয়ার সময় তাঁর মুখের ভাব এই রাঁধুনিটি বেশ ভালভাবেই লক্ষ করেছে। বললেন, “নিয়ে এসো।”

খাওয়া শেষ করে রাজশেখর বিশ্রাম নিচ্ছিলেন ইজিচেয়ারে। রুপোর রেকাবিতে (এটাও রাজশেখর প্রায় চল্লিশ বছর পর দেখলেন) ছোট ছোট খিলির চারটি পান নিয়ে অপূর মা এল। খিলিগুলো আটা লবঙ্গ দিয়ে।

“বাড়ি কোথায় তোমার?” রাজশেখর হালকা চালে প্রশ্ন করলেন। “ময়রাপাড়া।”

ঈ কুঁচকে উঠল রাজশেখরের। ময়রাপাড়া এবং সেখানকার লোকেদের তিনি চেনেন। “তোমার নাম কী? বাবার কী নাম?”

“বাবার নাম সাতকড়ি মোদক। আমার নাম করুণাময়ী।”

রাজশেখর বিদ্যুৎস্পৃষ্টের মতো সোজা হয়ে গেলেন, “তুমি সাতুর মেয়ে!... কানাই পাইকের নাতনি!... তাই বলে। সিংহিবাড়ির আদবকায়দা কোথা থেকে জানলে, এবার আমি বুঝতে পারছি।”

“ঠাকুরদা আমার মনে নেই। এ বাড়িতে ছোটবেলায় বাবার সঙ্গে অনেকবার এসেছি।”

“তোমার ঠাকুরদা আমার মনে আছে। তোমাকে দেখে এখন আরও মনে পড়ছে।” রাজশেখর কৌতুকের ছলে বললেন। শুনে করুণাময়ী তার কৃষ্ণবর্ণ বিশাল চেহারাটাকে কুঁকড়ে যতটা সম্ভব ছোট করে নেওয়ার চেষ্টা করল, এর পর রাজশেখর খুঁটিয়ে জেনে নিলেন করুণাময়ীর বর্তমান অবস্থা, শেষে বললেন, “কলকাতায় যাবে আমার সঙ্গে?” করুণাময়ী একটুও না ভেবে বলল, “যাব।”

চারদিন পর রাজশেখর মোটরে কলকাতা রওনা হলেন। পেছনের সিটে একটা পুঁটলি কোলে নিয়ে বসে অপূর মা। গাড়ি তারকেশ্বরের পাশ দিয়ে যাওয়ার সময় সে দু’হাত কপালে ঠেকিয়ে তারকনাথের উদ্দেশে প্রণাম জানিয়ে আঁচল দিয়ে চোখের জল মোছে। রাজশেখর তখন সামনের সিট থেকে মুখ ফিরিয়ে বলেন, “তোমাকে চিন্তা করতে হবে না। অপূর সব ভার আজ থেকে আমরা। শচীনকে বলে এসেছি, ওর খাওয়াপরা, বইপন্ডর, জামাজুতোর জন্য যা টাকা লাগবে সব দিয়ে আসবে।”

কলাবতী যেদিন বলল, “বলব কী পিসি সে কী বাড়িভাড়া?” পরের শনিবারই অপূর মা নিজে থলি হাতে পাড়ার মুদির দোকানে গিয়ে দু-তিনরকমের ডাল, কালোজিরে, পোস্ত আর হিং কিনে আনল। ডাল ভিজিয়ে রাখল গামলায়। পরদিন সকালে রান্নাঘরের কাজের বউ শকুন্তলাকে বলল, “আজ আর তোকে অন্য কাজ করতে হবে না, ডালগুলো বাট।” শীর্ণ, দুর্বল চেহারার শকুন্তলা ডাল বাটছে রান্নাঘরের এক কোণে, আর অপূর মা গ্যাসের উনুনে বসানো কড়াইয়ে খুন্সি নাড়তে নাড়তে মাঝে-মাঝে তাকিয়ে দেখছে। একসময় সে বলল, “ও কী বাটনা হচ্ছে, নোড়াটা ভাল করে চেপে ধরে বাট। গতরেকি কি জোর নেই? ক্ষীরের মতো মিহি না হলে কি বড়ি হয়?”

তারপর গজগজ করতে করতে বলল, “ধূপুর মার ভাজাবড়ি ঝরে কালুদিদি মুচ্ছে গেছে। অমন বড়ি নাকি পিথিবিতে আর কেউ তৈরি করতে পারে না।...আই, তখন থেকে তুই চন্দন কাঠ বুলোবার মতো শিলে নোড়া ঘষছিস। ওঠ, ওঠ।” শকুন্তলাকে তুলে দিয়ে অপূর মা বলল ডাল বাটতে। পনেরো মিনিটের মধ্যে তিন কেজি মটর, বউলি আর মুসুর ডাল কাদার মতো করে দিয়ে শকুন্তলাকে বলল, “হাঁ করে দাঁড়িয়ে দেখছিস কী, গামলাটা নিয়ে আয়, ফ্যাটিতে হবে।”

তিনতলার ছাদে শুরু হল বড়ি দেওয়ার অনুষ্ঠান। বড় একটা শীতলপাটির ওপর রাজশেখরের পুরনো একটা লম্বিতে ক্যানো ধুতি বিছিয়ে রাখা। সারি দেওয়া থালায় তুপ করে রাখা নানান রকমের বাটা ডাল। তার কোনওটা ভাজা বড়ির জন্য, কোনওটা মশলা বড়ির, কোনওটা পলতা বড়ির, কোনওটা লাউ দিয়ে বাটা, কোনওটা শুধুই পোস্তর। এক-একটা তুপের এক-এক রং। অপূর মা স্নান করে পাটভাড়া খান পরে একটা রেকাবিতে ধান, দুর্বা আর সিদুর নিয়ে বসল। পাশে উঁব হয়ে বসে কলাবতী, তার পাশে দাঁড়িয়ে শাঁখাতে শকুন্তলা, একটু দূরে সিঁড়িঘরের ছায়ায় দাঁড়িয়ে রাজশেখর তাঁর পাশে মুরারি।

অপূর মা হিং দেওয়া মশলা বড়ির জন্য বাটা ডালের তুপ থেকে খানিকটা তুলে বিছানো কাপড়ের মাঝামাঝি জায়গায় বসিয়ে আঙুল দিয়ে টিপে টিপে মন্দিরের চূড়ার মতো করল, সাইজটা হল একটা বড় জামরুলের মতো।

“এটা হল বড়ো।” অপূর মা ফিসফিস করে কলাবতীকে জানিয়ে দিল, “এবার ওর পাশে বসবে বড়ি।”

অপূর মা বুড়োর পাশে আর একদলা ডালবাটা বসাল। তারপর বুড়োবড়ির মাথায় ধান-দুর্বা চড়াবার সময় শকুন্তলার দিকে তাকাল। শকুন্তলা তাড়াতাড়ি শাঁখে ফুঁ দিল। বুড়োবড়ির ওপর সিদুরের টিপ পরিয়ে অপূর মা জোড়হাতে প্রণাম জানাল।

“কালুদি প্রণাম করো।” একটু জোরে ফিসফিস করল অপূর মা এবং সবাই শুনতে পেল।

কলাবতী তাড়াতাড়ি দু’হাত কপালে তুলল, শকুন্তলাও। তাই দেখে রাজশেখর এবং তাঁকে দেখে মুরারি হাত জোড় করে কপালে ঠেকাল।

“পিসি, বুড়োবড়ি দুটো খাওয়া যাবে?”

“যাবে।”

“কে খাবে?”

“বাড়ির কন্ডা আর গিন্নি। তোমার দাদু আর তুমি খাবে।”

“এত ডালবাটা! সব বড়ি আজকেই দেবে?” কলাবতী অবাক হয়ে বলল।

অপূর মা বড়ি দেওয়া শুরু করেছে। মাথা নেড়ে বলল, “একদিনে এত দেওয়া যায় নাকি। আজ যতটা পারি দোব, বাকিটা কাল।” তারপর শকুন্তলাকে বলল, “এই ডালবাটা থালাগুলো সব রান্নাঘরে বড় ফিজে ঢুকিয়ে দে।”

অপূর মা আর কলাবতী বাদে ছাদ থেকে সবাই নেমে যাওয়ার পর দু’জনে সিঁড়িঘরের দেওয়ালের ছায়ায় বসে রইল বড়ি পাহারা দেওয়ার জন্য। তখন কথায় কথায় অপূর মা বলল, “এই এক কাকমারির কাজ, বসে থাকো বড়ি আগলে। কাজকন্ডা শিকেয় তুলে বসে থাকার লোক তখন পাওয়া যেত, সব সংসারে একটা করে বড়ি থাকত। এখন না আছে ডালবাটার লোক, না আছে বড়ি দেওয়ার ছাদ, বড়ি পাহারা দেওয়ার বুড়িরাই বা কোথায়! আমার ছিল জেঠিমা, বাড়ির উঠোনে বড়ি দিয়ে ঘরের দাওয়ায় সারা দুপুর বসে থাকত একটা গুলতি আর ছোট ছোট পোড়া মাটির গুলি নিয়ে, কাকপর্দা বড়ির কাছে এলেই গুলতি দিয়ে পটাং করে গুলি ছুড়ত, অর ধরেকাছে কেউ আসত না।”

“পিসি, তুমি গুলতি ছুড়তে পারো?”

অপূর মা ঈ তুলে কলাবতীর মুখের দিকে কয়েক সেকেন্ড তাকিয়ে বলল, “পারি মানে? জেঠিমাটার গুলতি দিয়ে মাঝে ইন্দ্র মেয়েছি, সাপ মেরেছি, কোলা বাঙ মেরেছি, ডাকাতও তাড়িয়েছি।”

“ডাকাত! কী করে?” বিস্ময়ে কলাবতীর চোখ কপালে উঠল

“কী করে আবার, অন্ধকার রাতে চুপিচুপি গুলতি মেরে।”

“কোথায় ডাকাত পড়েছিল? তোমাদের বাড়িতে?”

“পাশের ভুলুকাকাদের বাড়িতে। বেশ পয়সাও... কলকাতার মিষ্টির দোকান, এখন আরও একটা করেছে চন্দননগরে। তবুও পড়ল রাত এগারোটা নাগাদ। এখনকার মতো ইন্দ্রকটিক অন্ধকার ছিল না। ঘুটঘুটে অন্ধকার, ডাকাতদের সঙ্গে কেরেসিনের মশল

আর চার ব্যাটারির চর্চ। পাড়ার সবাই দরজা জানলা এঁটে ঠকঠক করে ঘরের মধ্যে কাঁপছে। জেঠিমা বলল, ‘কোর, গুলতিটা আর গুলি নে কোঁচড় ভরে। চল আমার সঙ্গে, দেখি মুখপোড়াদের মুরেদ কত? গুলতি তো নিলুম। গুলি দেখি দুটো মাস্তুর রয়েছে। জেঠিমা বলল, ‘ঠিক আছে। আমার তক্তপোশের নীচে কৌটোয় খোলা ছাড়ানো আস্ত সুপুরি আছে, তাই নিয়ে আয়।’ এক-একটা সুপুরি গুলির সাইজের, কৌটোটা হাতে তুলে নিলুম। জেঠিমা আর আমি বেরিয়ে অন্ধকারে আদাড়ের কচুবনের বড় বড় পাতার আড়াল দিয়ে,” অপূর মা গলা নামিয়ে ফিসফিস করে এমনভাবে বলল, এই ভরদুপুরে কলাবতীর গা ছমছম করে উঠল। ঢোক গিলে সে বলল, “তারপর পিসি?”

“তারপর আমরা কাদা মাড়িয়ে ফণিমনসা গাছ ঠেলে পৌঁছলুম ভুলকাবাদের কলাবাগানে। তখন দরজা ভাঙার আওয়াজ, ঘরের মধ্যে চিংকার কান্না ‘ওরে বাবা রে, মেরে ফেললে রে, কে আছ বাঁচাও গো’ চলছে আর ডাকাতদের দাবড়ানি শুনতে পাচ্ছি ‘দরজা খোল, দা দিয়ে কেটে কুচি কুচি করে রেখে যাব।’ দেখলুম হাত তিরিশেক দূরে উঠানো মশাল হাতে খালি গায়ে পেগ্লাম চেহারার একটা ডাকাত দাঁড়িয়ে রয়েছে।”

কলাবতী তাড়াতাড়ি বলল, “মাথায় লাল ফেটি বাঁধা?”

অপূর মা থমকে গেল, “তুমি জানলে কী করে?”

“পড়েছি। বিশেষ ডাকাত কপালে লাল ফেটি বাঁধত।”

“বিশেষ ডাকাত কে?” অপূর মা বিভ্রান্ত মুখে জানতে চাইল।

“সে একজন ছিল দেড়শো-দুশো বছর আগে। রনপায়ে চড়ে এক ঘণ্টায় দশ ক্রোশ চলে গিয়ে ডাকাতি করে রাত থাকতে-থাকতেই ফিরে আসত। যাকগে কী-কথা, তোমরা তারপর কী করলে?”

“তারপর আমরা সেই দেড়শো-দুশো আগে আমাকে বলল, ‘কলাগাছের গা ঘেঁষে থির হয়ে কলাগাছের মতো দাঁড়া, একদম নড়বি না, গুলতিটা হাতে নে, সুপুরি লাগা, তারপর টিপ করে ডাকাতটার কপালে মার।’ দুটো কলাগাছের মাথায় খানে দাঁড়ালুম গুলতিতে সুপুরি লাগিয়ে, রবারটা এই নাক পর্যন্ত টেনে এক চোখ বন্ধ করে টিপ করে রবারটা ছাড়তে যাব আর তখনি ডাকাতটা মাথা নিচু করে পা চুলকোতে লাগল। চুলকে নিয়ে সোজা হয়ে দাঁড়াতে আমি আর দেরি করলুম না। দিলুম রবারের ছিলেটা ছেড়ে, কী বলব কালুদি, একেবারে বন্দুকের গুলির মতো সুপুরিটা ওর রগে গিয়ে খটাস করে লাগল। ‘বাবা গো’ বলে ডাকাতটা কপালে হাত চেপে উবু হয়ে বসে পড়ল। দেখি কপাল ফেটে রক্ত বেরোল। ‘কী হল কী হল’ বলে ছুটে এল দুটো ডাকাত।

“জেঠিমা আমার হাতে আর একটা সুপুরি দিয়ে বলল, ‘আবার মার।’ যেটা রোগা ঢ্যাঙা সেটার মাথা তাক করে ছুড়লুম। এটাও ‘উরিবাস’ বলে মাথায় হাত দিয়ে এধার-ওধার তাকাতে লাগল। জেঠিমা আর একটা সুপুরি হাতে দিল। এবার মশাল হাতে করা লম্বা নেকো ডাকাতটার নাক লক্ষ্য করে ছুড়লুম, লাগল গিয়ে নাকের এক আঙুল পাশে, ব্যস, ধপাস, মশাল পড়ে গেল হাত থেকে। একজন টর্চের আলো এধার-ওধার করে খুঁজতে শুরু করল। আমরা উপুড় হয়ে শুয়ে পড়লুম। মাথার ওপর দিয়ে আলো ঘুরে যাওয়ার পর উঠে দাঁড়িয়ে ডাকাতটার কান লক্ষ্য করে আর একটা ছুড়লুম, কান চেপে ধরে সে লাফিয়ে উঠে চর্চ ফেলে ভয়ে দৌড় লাগল। ডাকাতরা ততক্ষণে বুঝে গেছে—আড়াল থেকে কেউ তাদের মারছে। ওরা তখন ভাবল, গ্রামের লোক বোধ হয় ওদের ঘিরে ফেলেছে। বাড়ির মধ্যে যারা দরজা ভাঙছিল, শিস দিয়ে তাদের ডেকে নিয়ে চম্পট দিল।”

“তোমরা তারপর কী করলে?”

“যেভাবে এসেছিলুম ঠিক সেইভাবে চুপিসারে বাড়িতে চলে এলুম। জেঠিমা কানে কানে বলল, ‘খবরদার, কোর, কাউকে গল্পো করবি না। পাঁচকান হতে হতে ঠিক ডাকাতদের কানে পৌঁছে যাবে। ওদের বাড়িভাতে ছাই দিয়েছি আমরা, এর শোধ ওরা নেবেই। জানতে পারলে কেটে কুচি কুচি করে রেখে দেবে।’ শুনেই তো ভয়ে হাত-পা পেটের মধ্যে সঁধিয়ে গেল, কাঠের গুলতিটা পুড়িয়ে

ফেললুম। চল্লিশ বছর পর আজ এই প্রথম তোমার কাছে মুখ খুললুম। তুমি কিন্তু কাউকে কিছু বোলো না।”

অপূর মার মুখ দেখে কলাবতী আর হাসি চাপতে পারল না। খুক খুক করে হেসে উঠল। “চল্লিশ বছর পরও তোমার ভয় গেল না পিসি। ওসব ডাকাতরা তো এতদিনে মরে ভূত হয়ে গেছে।”

“ভয় তো ওই ভূতকে নিয়েই। ওদের মধ্যে দু’জন, রাম বাগদি আর ভজা দুটো আর এক জায়গায় ডাকাতি করতে গিয়ে গ্রামের লোকের হাতে ধরা পড়ে। তখন তো ডাকাত ধরে পিটিয়ে মেরে ফেলার চল ছিল না। পুলিশের হাতে তুলে দিত। ওদেরও পুলিশে দেয়। কোটে বিচার হয়, দশ বছর জেল খাটে। রাম মরে গেছে, ভজা বেঁচে আছে। ওটাকেই ভজা...তার থেকেও এখন ভয় ওই ওটাকে।” এই বলে অপূর মা ছাদের পাঁচিলের দিকে আঙুল তুলল। একটা কাক বসে রয়েছে।

“এই হতছাড়া আমার বাড়ি নষ্ট করতে এসেছে। যাও তো কালুদি, দৌড়ে দাদুর লাঠিটা নিয়ে এসো।”

কলাবতী দোতলা থেকে রাজশেখরের তিনটে ছড়ির মধ্য থেকে একটা নিয়ে এল, অপূর মা ছড়িটা শূন্যে সপাত সপাত আছড়ে ছাদের মেঝেয় ঠকঠক শব্দ করতেই কাকটা শুধু পাঁচিলের একধারে হাতদুয়েক সরে মাথা ঘুরিয়ে অপূর মার দিকে তাকিয়ে রইল।

“গুলতি থাকলে বাছাধনের এই অগ্রাঘি করা ঘুচিয়ে দিতুম।” গজগজ করল অপূর মা।

“একটা গুলতি তৈরি করো না পিসি।” আবদারের সুরে বলল কলাবতী।

“বলেই কি তৈরি করা যায়।” অপূর মা দুটো আঙুল ইংরেজি ‘ভি’ অক্ষরের মতো দেখিয়ে বলল, “এইরকম দেখতে পেয়ারা গাছের শুকনো ডাল চাই আর চাই নরম রবার। তুমি জোগাড় করে দাও, আমি তৈরি করে দেব।”

কাকটা আবার সরে এল পাঁচিলে আগের জায়গায়। উড়ে এল আরও দুটো কাক। অপূর মা ছড়ি ঘুরিয়ে মৃদু “ছশশ” করল। তিনটে কাকই নড়াচড়া করে বড়ির দিকে তাকিয়ে বারদুয়েক ‘কা কা কা’ ডেকে অপূর মার আচরণের তীব্র প্রতিবাদ জানাল। সিঁড়িঘরের মাথা থেকে শালিকের কর্কশ ডাক উঠল। অপূর মা বিরক্ত হয়ে ওপরদিকে মুখ তুলে “জ্বালিয়ে মারলে” মন্তব্য করে বাড়িসমেত শীতলপাটিটা সিঁড়িঘরের মধ্যে টেনে আনল।

“কাজকম্মো ফেলে এখন বড়ি পাহারা দেওয়া পোষাবে না। কালুদি পাটিটার একটা দিক ধরো, একতলার রকে নিয়ে যাই, ওখানে রোদ আছে।”

দু’জনে পাটিটা নামিয়ে এনে উঠানের ধারের রকের ওপর পাতল। ঘণ্টাখানেক অন্তত রোদ পাবে এখানে। মিনিট তিনেক পর কলাবতী চেঁচিয়ে উঠল, “পিসি, ওই দ্যাখো আবার এসেছে।”

কলাবতী আঙুল দিয়ে দোতলার কানিসে বসা কাকটাকে দেখাল। রাগে দাঁত কিড়মিড় করে থমথমে হয়ে গেল অপূর মার মুখ। কাকটা উড়ে এসে বসল ঠিক বড়ির ওপরের কানিসে। দু-তিনবার ডেংচি কাটার মতো ডাকল। এবার অপূর মা রামাঘর থেকে টুল এনে বসল পাটির ধারে হাতে ছড়িটা নিয়ে। মুরারিকে ডেকে বলে দিল, “আজ আর আমি ভাত বেড়ে দিতে পারব না কাউকে, মুরারিদি, তুমি ম্যানেজ করে দোতলায় খেতে দাও, আমি হতছাড়া কাকটাকে আত্মদান শেষ দেখে ছাড়ব। বড়ি দিতে অনেক কষ্ট করতে হয়।”

যতক্ষণ না রোদ সরে যায় ততক্ষণ অপূর মা ছড়ি হাতে বসে থাকবে। কাকটা এবং তার সঙ্গে আরও দু-তিনটি, অতঃপর অপূর মার সঙ্গে ঘেঁষের পাল্লা দেওয়ার চেষ্টা না করে মিনিট পাঁচেক পরেই উড়ে গেল। কাকের স্বভাব সম্পর্কে অপূর মা যথেষ্ট ওয়াকিবহাল। সে জানে এমন মশলা দেওয়া সুগন্ধি ডালবাটা কাকরা ভীষণ পছন্দ করে। ওরা তার ওপর ঠিক নজর রাখবে। যেই টুল থেকে উঠে যাবে অমনই উড়োজাহাজের মতো নেমে এসে—ভাবতেই সে শিউরে ওঠে। সব বড়ি এঁটা করে ছড়িয়ে ছিটিয়ে নষ্ট করবে।

মুরারি বাড়ি আর অন্যান্য ব্যক্তি নিয়ে রামাঘর থেকে দু’বার

দোতলায় উঠল। অপূর মা আড়চোখে দেখল সব রান্না মুরারি ঠিকঠাক নিয়ে গেল কি না। তারপরই চোখ পড়ল রান্নাঘরের দরজার দিকে। ধূসর রঙের একটা ছলো বেড়াল ধীরেসুস্থে রান্নাঘরের ভেতর থেকে বেরিয়ে এসে দরজার সামনে উবু হয়ে বসে তৃপ্তিভরে ঠোঁট চটল। ছলোটা রোজ একবার বাইরে থেকে এসে সিংহিবাড়িতে টহল দিয়ে যায়।

“সর্বনাশ করেছে।” অপূর মা আঁতকে উঠল, “রাতে কালিয়া করব বলে ভেটকি মাছ ভেজে রেখেছিলুম—” কথা শেষ না করেই হড়ি হাতে অপূর মা তেড়ে গেল ছলো বেড়ালটার দিকে। ছলো হকচকিয়ে প্রথমে রান্নাঘরে ঢুকে গেল, পিছু পিছু অপূর মাও। সেখানে সে অপূর মার হাতের ছড়ির এক ঘা খেয়ে রান্নাঘরের লাগোয়া কয়লার ঘরে ঢুকে গেল।

কলকাতায় সিলিভারে ভরা রান্নার গ্যাস বাড়ি-বাড়ি চালু হওয়ার আগে রান্না হত কয়লার উনুনে। সেই সময় সিংহিবাড়িতে কয়লা আসত ঠেলাগাড়িতে একসঙ্গে পাঁচ বস্তা। সদর দরজা দিয়ে নোংরা কয়লার বস্তার ঢোকা বারণ ছিল। তাই রান্নাঘরের সঙ্গে জুড়ে উত্তরে বাগানের দিকে একটা ছোট ঘর বানানো হয় কয়লা রাখার জন্য। তাতে থাকত ঘুঁটে এবং লকড়িও। কয়লার ঘরটায় একটা ছোট দরজা করা হয় যেটা দিয়ে বাইরে থেকে বস্তা নিয়ে ঢুকে কুলিরা কয়লা দেওয়ার দিয়ে যেত। কয়লার ব্যবহার বন্ধ হয়ে যাওয়ার পর এই ঘরে অন্তত তিরিশ বছর কারও ঢোকার দরকার হয়নি। বাইরে যাওয়ার দরজাটার খিলও তাই দেওয়া থাকে।

বেড়ালকে তাড়া করে অপূর মা কয়লার ঘরে ঢুকে দেখল বাগানে বেরোবার পুরনো দরজাটার তলার কাঠ পড়ে ছোট্ট একটা গর্ত হয়ে রয়েছে। ছলোটা সেই গর্ত দিয়ে প্রাণভয়ে কোনওক্রমে গলে বাইরে চলে গেল। রান্নাঘরে এসে অপূর মা দেখল মুরারি মিটসেফ খুলে রেখে গেছে এবং ভাজা ভেটকি মাছের বড় চারটে টুকরো কম, পড়ে আছে মাত্র দুটি টুকরো। কপালে হাতের চাপড় দিয়ে অপূর মা চিৎকার করে উঠল, “মুরারি, শিগগির এসে দেখে যাও কী কাণ্ড তুমি করেছে!”

দোতলায় খাবার টেবল থেকে রাজশেখর, সত্যশেখর ও কলাবতী ছুটে বারান্দায় এসে রেলিং ধরে ঝুঁকে পড়ল।

“কী হল অপূর মা, অমন করে চোঁচালে কেন?” রাজশেখর উদ্বিগ্ন স্বরে জানতে চাইলেন।

“উফ্ফ, কী গলা রে বাবা, ডাকাতদেরও পিলে চমকে যাবে।” সত্যশেখর এঁটো হাত চাটতে চাটতে বলল।

“কী হয়েছে, কী হয়েছে” বলতে বলতে মুরারি সিঁড়ি দিয়ে নেমে এসে রকের দিকে তাকিয়েই থমকে গেল, “কাণ্ড যে এদিকে হয়ে গেল অপূর মা, শিগগির এসে দেখে যাও।”

রান্নাঘর থেকে বেরিয়ে এসে অপূর মা তার বাড়ির দিকে তাকিয়েই থ হয়ে রইল। বড়িগুলো ছত্রখান। দুটো কাক বড়িগুলো মাড়িয়ে কাপড়ের ওপর হেঁটে হেঁটে কপাকপ করে বড়ি গিলছে। এই দৃশ্য দেখে অপূর মার মুখ দিয়ে আর স্বর বেরোল না, মুহ্যমানের মতো থপ করে টুলে বসে পড়ে অসুস্থে শুধু বলল, “খা খা, সব খেয়ে নে।”

মুরারিই বরং হইহই করে কাক তাড়িয়ে পাটিটা টেনে সরিয়ে এনে বলল, “কেমন পাহারা দিচ্ছিলে? এবার বড়িগুলো তুমিই খেয়ো। হাঁশ রাখোনি কাক শালিকে উড়ে বেড়াচ্ছে।”

গম্ভীর শাস্ত গলায় অপূর মা দাঁত চেপে বলল, “খাব, আমিই খাব। আর মাছের যে দুটো টুকরো পড়ে আছে সে দুটো তুমি খেয়ো।”

“দুটো পড়ে আছে? ছটা ছিল তো!”

“ছিলা। যদি হাঁশ রাখতে বেড়াল ঘুরে বেড়াচ্ছে, তা হলে মিটসেফটা হাট করে খুলে রেখে যেতে না।”

মুরারি চমকে উঠে রান্নাঘরে দৌড়ল এবং ফিরে এসে মাথার চুল টেনে বলল, “মানিকতলা বাজারে ওই একটাই এতবড় ভেটকি আজ

এসেছিল, তিন কিলোর। কাটিয়ে পেটি থেকে আধ কিলো আনলুম ছোটবাবুর কথা ভেবে।” এর পরই সে হুক্কার দিয়ে উঠল, “কোথায় গেল সেই মা যম্ভীর বাহন, আজ ওর পিণ্ডি চটকে ছাড়ব।”

“আজ কেন, পনেরোদিন ওর ন্যাজের ডগাটিও দেখতে পাবে না।” অপূর মা এর পর মনোযোগ দিল বাড়ির দিকে, “কত সাধ করে বড়ি দিলুম কালুদিদিকে খাওয়াব বলে। ঠিক আছে, এখনও তো ডালবাটা অনেকটা ফ্রিজে তোলা আছে, কাল আবার আমি বড়ি দেব, এবার দেখি বাছাধন আমাকে ফাঁকি দিয়ে খেয়ে পালাতে পারে কিনা। থাকত যদি এখন আমার সেই গুলতিটা তা হলে যমের বাড়ি পাঠিয়ে দিতুম।” চল্লিশ বছর আগের গুলতিটার কথা মনে পড়তেই অপূর মার মাথায় রক্ত ছুটে গেল। বিড়বিড় করল দাঁতে দাঁত চেপে, “ডাকাত তাড়িয়েছি আর কাক তাড়াতে পারব না।”

দোতলার বারান্দায় দাঁড়িয়ে অপূর মার কথা শুনে রাজশেখর হাসছিলেন। পাশে দাঁড়ানো সত্যশেখরকে বললেন, “ভীষণ বেগে গেছে। দ্যাখ, ঠিক এবার একটা গুলতি বানিয়ে কাক মারবে, কানাই পাইকের নাতনি তো।”

“জানো দাদু, পিসি ছেলেবেলায় গুলতিতে সুপুরি লাগিয়ে ডাকাতদের মেরে তাড়িয়েছিল। হ্যাঁ, সত্যি বলছি, পিসি আজই আমায় বলল।”

“গুল মেরেছে।” গম্ভীর স্বরে কথাটা বলে সত্যশেখর খাবার টেবলে ফিরে গেল। তার পিছু পিছু কলাবতীও এসে খাবার টেবলে বসল।

“কাকা, তুমি ও-কথা বললে কেন?”

“বললুম এজন্য যে, গুলতি মেরে ডাকাত তাড়ানো যায় না, ছিচকে চোর হয়তো তাড়ানো যায়। ডাকাতদের সঙ্গে কীসব অন্ত থাকে জানিস?”

“জানি। লাঠি, বন্দুক, রামদা, তীর-ধনুক, তরোয়া।” কলাবতী নামতা পড়ার মতো বলে গেল।

“ওসব ছিল বাজপাখি, রোঘো, বিশেষ আর কালোপাঞ্জার আমলের অন্ত্র। এখন ওদের সঙ্গে থাকে বোমা, পিস্তল, পাইপগান, রিভলভার, ভোজালি। তখন ছিল রনপা, এখন মোটরবাইক। অপূর মা একবার এদের সামনে পড়ুক, বোমা মেরে গুলি করে গুলতির দফা রফা করে দেবে... কালু দ্যাখ তো ওটায় ফুলকপির মতো কী যেন একটা রয়েছে।” সত্যশেখর আঙুল দিয়ে টেবলে রাখা চিনেমাটির বোলটা আঙুল দিয়ে দেখাল।

কলাবতী মাথা কাত করে তাকিয়ে দেখে বলল, “কড়াইশুটি, টম্যাটো, ফুলকপি আর ভেটকি মাছ দিয়ে কী যেন একটা রান্না। ঘি-গরম মশলায় দারুণ একটা গন্ধ পাচ্ছি।”

শুনেই সত্যশেখরের চোখ জ্বলজ্বল করে উঠল।

“বাবা টেবল থেকে উঠলে আর বসেন না, সেকলে বুর্জোয়া জমিদারি কেতা। তুই তো ভেটকি মাছ একদমই পছন্দ করিস না, নিশ্চয় এটা খাবি না। তা হলে বোলটা আমার দিকে ঠেলে দে।”

তাজ্জব বিভ্রান্ত কলাবতী প্রতিবাদ করে উঠল, “কাকা, আমি ভেটকি মাছ ভীষণ ভালবাসি।”

সত্যশেখর হতাশ স্বরে বলল, “অ্যা ভালবাসিস। আমি তো জানতাম তুই শুধু গলদা চিংড়ি ভালবাসিস।”

“শুধু গলদা কেন, ভেটকি, ইলিশ, ট্যাংরা, গুলে, আড়, পার্শে সব ভালবাসি। তুমি একাই পুরোটা খাবে তা কিন্তু হবে না। মনে রেখো এটা তিনজনের জন্য পিসি রেঁবেছে।”

“ঠিক আছে তা হলে দু’জনেই শেয়ার করে খাব। রাতে তো মাছ পাব না, বেড়ালে খেয়ে গেছে। কালু এই বেড়াল আর কাকদের শায়েস্তা করা দরকার। পাকা ভেটকি মাছের পেটি একটা রেয়ার জিনিস, কত কষ্ট করে মুরারি কিনে আনল, আর সেটার অর্ধেকটা কিনা একটা জানোয়ারের পেটে চলে গেল। এসব এদেশেই সম্ভব।”

“কাকা, তুমি কথায় কথায় এদেশ নিয়ে খোঁটা দিয়ে বিলেত টেনে আনো। কই বড়দি তো একবারের জন্য বিলেতের নামও উচ্চারণ



করে না। অথচ তোমরা দু'জনে একই সঙ্গে ইংল্যান্ডে থেকেছ, তুমি ব্যারিস্টার হয়েছ, বড়ি এডুকেশনে উন্টরেট করেছ।”

কলাবতীর মৃদু ভরসনা শুনে সত্যশেখর মুখ নামিয়ে বলল, “হয়েছে, হয়েছে, বড়ির গুণ আর গাইতে হবে না, বৌলটা এদিকে ঠেলে দে।”

বৌলটা কাকার দিকে সরিয়ে দিয়ে কলাবতী বলল, “পিসি কাল হলুতুলু কাণ্ড বাধাবে।”

সত্যশেখর জিজ্ঞাসু চোখে তাকিয়ে বলল, “কীরকম?”

“আবার বড়ি দিতে বসবে, আবার কাক আসবে, পিসি আবার দাদুর ছড়িটা নিয়ে ডাকাতে-গলায় হুক্সার দিয়ে কাক তাড়াবে।”

“কাল, তোর শেয়ারটা তুলে নে, নইলে ভুল করে পুরোটাই খেয়ে ফেল। দারুণ রেষাছে। হ্যাঁ রে, হঠাৎ বড়ি দেওয়ার শখ হল কেন অপূর মা’র?”

বৌল থেকে চামচ দিয়ে মাছ কপি আলু ইত্যাদি নিজের প্লেটে তুলে নিতে কলাবতী বলল, “পিসিকে বলার মধ্যে শুধু বলেছিলুম, টিফিনে ধুপু খিচুড়ি খাচ্ছিল বড়িভাজা দিয়ে। ওর মা বাড়িতে বড়ি দিয়েছিলেন। আমি খানিকটা খিচুড়ি আর গোটোচারেক ভাজাবড়ি খেলুম মানে ধুপুর অফারটা আর ফেরালুম না।”

“খুব ভাল করেছিস, দুপুরে যা খিদে পায় স্কুলে। একটা টিনের তোরঙ্গয় গরম মাংসের প্যাটিস নিয়ে রহমান বসত টিফিনের সময় স্কুল গেটে। গোটোচারেক খেয়ে মনে হত কিছুই খাওয়া হল না। গোটো তোরঙ্গটাই খেয়ে ফেলতে ইচ্ছে করত কিন্তু পকেটে তো আর পয়সা নেই।”

তিরিশ বছর আগে খাওয়া রহমানের প্যাটিসের স্বাদটা আবার জিভে অনুভব করার চেষ্টা করে সত্যশেখর বলল, “যেমন মুড়মুড়ে তেমনই টেস্টি, কত তো দোকান পার্ক স্ট্রিটে, দূর দূর, একটাও কেউ রহমানের তোরঙ্গের কাছে লাগে না।” এই বলে সে চামচের দিকে হাত বাড়াল।

“আমিও তো ঠিক এই কথাই বলেছিলুম পিসিকে, কী দারুণ বড়িভাজা, মোহন্তর পকোড়িকেও হার মানিয়ে দেবে। ব্যাসস, পিসির আঁতে ঘা পড়ল। অন্যের রান্নার প্রশংসা একদম সহ্য করতে পারে না সেটা তো তুমি জানো।”

“জানি বলেই তো সেদিন অপূর মাকে শুনিয়ে শুনিয়ে বললুম, কী দারুণ ধোঁকার ডালনা খেলুম হাইকোর্ট পাড়ার ফুটপাথের হোটোলে। মনে আছে তোর?”

“খুব মনে আছে, পরের দিন রাতেই তো...কাকা ও মাছটা কিন্তু আমার শেয়ারের।” কলাবতী হাত তুলে কাকাকে থামিয়ে দিল। অপ্রতিভ সত্যশেখর তাড়াতড়ি চামচে তোলা ভেটকির টুকরোটা বৌলে নামিয়ে রেখে বলল, “বলেছিলুম তো আমার ভুলো মন। ধোঁকাটা অপূর মা রেষাছিল কেন বল তো?”

“তুলনাহীন অতুলনীয়।”

“কারেন্ট। ম্যাচলেশ, ভোজনবিলাসীর সুখানন্দ। কালু, বাংলাভাষাটা আমিও জানি রে। পারিস তো ওর কাছ থেকে রান্না শিখে নে।”

“ঘরে বাবা রান্নাঘরের ধারেকাছে আমায় ঘেঁষতে দেয় না। বলে রং কালো হয়ে যাবে। গরম তেলের ছিটে লেগে ফোসকা পড়ে দাগ হবে। আচ্ছা কাকা, আমার এই গায়ের রং আরও কি কালো হওয়া সম্ভব?”

“কালু, পৃথিবীতে অসম্ভব বলে কিছু নেই, তুই যত কালো হবি ততই তাকে সুন্দর দেখাবে। পিসিকে পাটিয়েপাটিয়ে ওর অ্যাট্রেন্টিস হয়ে রান্নাঘরে ঢুকে যা। কী জিনিস যে বাবা আটঘরা থেকে তুলে এনেছেন। শুধু ওর গলার ডেসিবেলটা যদি আদেক কমানো যেত!” সত্যশেখর মাথা নাড়ল আফসোসে।

“দাদু তো পিসিকে এনেছে কানাই মোদকের নাতনি আর ছোটবেলার বন্ধু সাতকড়ির মেয়ে বলে। কানাই মোদক ছিল আটঘরার লেটেলসদর। তার মানে ডাকাতের ওপরেও হার এক কাটি। দাদু বলেছিল ওর চেহারা আর গলার আওয়াজ শুনেই আমার

মনে পড়ে গেল ছোটবেলায় দেখা কানাই পাইককে। তারপর যখন শুনলাম সাতকড়ির মেয়ে, তারপর আর দ্বিতীয় চিন্তা করতে হয়নি।”

“কিন্তু এখন তো অপূর মাকে তৃতীয় চিন্তা করতে হবে বড়ি নিয়ে।”

“তৃতীয় কেন?”

“দ্বিতীয় চিন্তা তো আবার বড়ি দেওয়া, তৃতীয় চিন্তা বড়ি রন্ধার জন্য গুলতি তৈরি করা।”

কথা বলতে বলতে দু'জনে খাওয়া শেষ করল। বড়ি নষ্ট বা বেড়ালের মাছ খেয়ে যাওয়াটাকে দু'জনেই কোনও গুরুত্ব দিল না বরং হাসাহাসি করল গুলতি মেরে অপূর মা'র ডাকাত তাড়ানোর গল্প নিয়ে।

## গুলতির জন্য শ্যামার কামারশালে

অপূর মা'র জেদ আর গৌয়ার্তুমি যে শুধু সুখের কথা নয় সেটা বিকেলেই কলাবতী বুঝে গেল।

“কালুদিদি, আমার সঙ্গে চলো তো পেছনের মালোপাড়ার বস্তিতে, মুরারিদা বলল এখানে একটা কামারশাল আছে।” অপূর মা'র স্বরে তাড়া কথার ভঙ্গিতে ব্যস্ততা। ধবধবে দামি থানের ওপর গায়ে মুগার চাদর জড়ানো, পায়ে চামড়ার চটি। বাড়ির বাইরে বিশেষ কাজে যেতে হলে অপূর মাকে এই সাজে যেতে হয় রাজশেখরের নির্দেশে।

কলাবতী অবাক হয়ে বলল, “কামারশাল সে আবার কী? সেখানে যাবে কেন?”

আরও অবাক হয়ে অপূর মা বলল, “সে কী, কামারশাল কী জানো না। সাঁড়াশি, খুস্তি, হাতা, সাধা, চাটু গজাল, লাঙলের ফলা আংটা এইসব কামারেরা যেখানে তৈরি করে তাকেই কামারশাল বলে। আমাদের আটঘরায় ছিল সুখিকামার, ওর বাড়িতেই ছিল কামারশাল। একহাত দিয়ে সে মাঝে-মাঝে হাপর টেনে হাওয়া চালিয়ে কয়লার আগুন উসকে গনগনে করত, আর অন্য হাতে সেই কয়লার মধ্যে ঢোকানো লোহাটাকে সাঁড়াশিতে ধরে উলটেপালটে দিত। লোহা লাল টকটকে হলে তখন লম্বা সাঁড়াশি দিয়ে ধরে নেহাইয়ের ওপর রেখে হাতুড়ি দিয়ে পিটিয়ে চ্যাপটা করত কি বাকিয়ে গোল করত।


“ডাকাতে কুনুকাকার ঘরের দরজার লোহার ছড়কো ভেঙে দিয়েছিল। সুখিকামার পরের দিনই নতুন একটা বানিয়ে দেয়, সেই সঙ্গে মোটা একটা শিকলও। তোমাকে মুখে বলে কামারশাল বোঝাতে পারব না, এখন চলো তো আমার সঙ্গে, মুরারিদাকে বললুম আমাকে কামারশালটা একবার দেখিয়ে দাও, তাইতে বলল বুড়ো বয়সে ওসব ছেলেমানুষি খেলনা তৈরি করে দিতে বললে কামারটা তো হেসে গড়াগড়ি খাবেই আর মালোপাড়ার বাচ্চারা আমাকে দেখলেই আঙুল দিয়ে দেখিয়ে বলবে ‘বুড়োখোকা গুলতি ছোড়ে, বুড়োখোকা গুলতি ছোড়ে।’ মুরারিদা তাই বলল, যেতে হয় তুমি একাই যাও—আমি গুলতির মধ্যে নেই।”

এবার কলাবতী বুঝতে পারল পিসি কেন মালোপাড়ায় কামারশালে যেতে চাইছে। লোহার গুলতি বানিয়ে কাকেদের ভয় দেখিয়ে বড়ি রন্ধার জন্য পিসি যে এমন জেদ ধরবে সেটা শতচেষ্টা করেও সে কল্পনায় আনতে পারবে না। তার খুব মজা লাগল অপূর মা'র গম্ভীর উৎকণ্ঠিত মুখ দেখে।

“মুরারিদার এমন কথা বলা খুব অন্যায় হয়েছে। গুলতি সব বয়সের মানুষই ছুড়তে পারে। পিসি, এক মিনিট দাঁড়াও, আমি চটিটা পরে আসি, তোমার সঙ্গে যাব।”

মিনিট পাঁচেকের মধ্যেই দু'জনে বেরিয়ে পড়ল মালোপাড়ার উদ্দেশ্যে। সিংহিবাড়ির পশ্চিমে আট ফুট উঁচু পাঁচিল। পাঁচিল ঘেঁষে মাটি আর খোয়ার সরু গলি চলে গেছে একটা পানাপুকুরের ধার দিয়ে দক্ষিণে, এটাকে বলা হয় পগার গলি। সেই পুকুরে গোটো মালোপাড়া কাপড় কাচে, বাসন মাজে এবং স্নান করে। বাড়ির ছাদ থেকে কলাবতী দেখেছে গরমের দিনে ছোট ছেলেমেয়েরা দুপুরে





# The Online Library of Bangla Books BANGLA BOOK.org

সাঁতারও কাটে। পুকুরটার ধারে একখণ্ড জমি, সেখানে ছেলেরা ফুটবল খেলে বাঁশের পোস্ট পুঁতে, রবারের বল দিয়ে ক্রিকেটও খেলে। মাঠের ধারেই মালোপাড়া। পগার গলি দিয়ে কচিং যাতায়াত করে লোকজন। পাঁচিলের একটা ছোট্ট একপাল্লার লোহার দরজা দিয়ে পগার গলিতে যাওয়া যায়। লোহার খিল দিয়ে দরজাটা বন্ধ থাকে। আজ সেই দরজা দিয়ে বেরোল কলাবতী আর অপূর মা।

পগার গলি দিয়ে তারা পুকুরধারের মাঠে এল। মাঠ পেরিয়ে তারা ঢুকল মালোপাড়া বস্তির মধ্যে। কলাবতী আগে কখনও বস্তু দেখেনি। চার হাত চওড়া মাটির রাস্তায় মুখোমুখি বাড়ি বা ঘরের সারি। রাস্তার ধারে খোলা নর্দমায় জমে রয়েছে থকথকে পানি। ইটের পাতলা দেওয়ালের ধারে ছোট ছোট জানলা, ঘরের ছাদ টিনের বা খোলার বা টালির। ঘরগুলো একটার সঙ্গে অন্যটা লেগে রয়েছে। অদ্ভুত একধরনের গন্ধ সে পেল, আগে যা কখনও তার নাকে লাগেনি। গন্ধে তার গা গুলিয়ে উঠল। চাপা গলায় সে বলল, “পিসি কোথায় কামারশাল? একটু তাড়াতাড়ি ঢলো।”

দু’জনে পা চালিয়ে দ্রুত এগোল। একটি ছোট্ট মেয়ে দুটি বাজা সমেত একটা ছাগল নিয়ে আসছে। তাকে দাঁড় করিয়ে অপূর মা জিজ্ঞেস করল, “হ্যাঁ রে মেয়ে, এখানে কামারশালটা কোথায় জানিস?”

মেয়েটি চোখ কুঁচকে কয়েক সেকেন্ড ভেবে বলল, “জানি না।”

সেই সময় দরজা খুলে বেরোল বয়স্ক এক স্ত্রীলোক, হাতে প্লাস্টিকের বালতি। কৌতূহলে সে অপূর মাকে জিজ্ঞেস করল, “কাকে খুঁজছেন?”

“শুনেছি এখানে একটা কামারশাল আছে।”

“আছে। কী করবেন সেখানে?”

“গুলতি করাব” বলতে গিয়ে থেমে চোক গিলে অপূর মা বলল, “সাঁড়াশি করাব।”

“ভেঙে গেছে বুঝি। আজকালকার সাঁড়াশির যা দশা, আমারটা দু-দু’বার ঢলঢলে হয়ে খুলে গেল। ওই শ্যামা কামারকে দিয়ে নতুন একটা তৈরি করালুম, তা আজ ছ’মাস হয়ে গেল এখনও বেশ টাইট আছে। ওর হাতের কাজ খুব ভাল, তবে গাঁজা না খেলে ও মন দিয়ে একদম কাজ করতে পারে না। আমি তো আট আনার গাঁজা কিনে দিয়ে একবেলার মধ্যে সাঁড়াশিটা করালুম। আসুন আমি দেখিয়ে দিচ্ছি, তবে একটা কথা বলে রাখি, কামারশালটাল বলা ও কিন্তু পছন্দ করে না, বলতে হবে শ্যামাচরণের কারখানা। না বললে আপনার কাজ নাও নিতে পারে।”

স্ত্রীলোকটি এই বলে হাঁটতে শুরু করল। ওরা দু’জন পিছু নিল। প্রথম বাঁকটা ঘুরতেই পড়ল একটা বেলগাছ, তার নীচে টিউবওয়েল এবং প্লাস্টিকের জারিকেন, বালতি, মাটির কলসি, পেট্রলের টিন ইত্যাদির দীর্ঘ লাইন টিউবওয়েল থেকে খার্ড ব্র্যাকটের মতো হয়ে রাস্তায় এসেছে, স্ত্রীলোকটা হাতের বালতি লাইনের শেষে রেখে দাঁড়িয়ে থাকা একটি বউকে বলল, “ফুলি, বালতিটা দেখিস। আমি এদের শ্যামার কারখানায় পৌঁছে দিয়েই আসছি।” এই বলে সে বাত পায়ে হাঁটতে শুরু করে দিল।

শ্যামার কামারশাল বা কারখানা বস্তির আর একপ্রান্তে এবং বড় রাস্তার ধারে।

কলাবতী বলল, “পিসি, আমরা তো মানিকতলা মেন রোড দিয়েই আসতে পারতুম, মিছিমিছি বস্তির মধ্য দিয়ে আসতে হল। এই রাস্তা দিয়েই তো বড়দিদের বাড়ি যাওয়া যায়।”

“এর পর যখন আসব বড় রাস্তা দিয়েই আসব।”

একটা টালির চালের ঘরের দরজার সামনে দাঁড়িয়ে স্ত্রীলোকটি বলল, “এইটেই শ্যামার কারখানা, ও ভেতরে রয়েছে। যান কথা বলুন।” তারপর ফিসফিসিয়ে বলল, “আমি চারটে টাকা আর গাঁজা দিয়ে সাঁড়াশি করিয়েছি। আপনি কিন্তু এর বেশি দিয়ে রেট খরাপ

করে দেবেন না। ও যদি চায় দশ টাকা, আপনি তখন বলবেন তিন টাকা। তারপর দরকষাকষি করে রাজি হবেন চার টাকায়। মনে রাখবেন, তাড়াহুড়া পেতে চান যদি, তা হলে ওই গাঁজাটা দিতে হবে। চললুম, খাবার জল নিয়ে ঘরে যেতে হবে।”

স্ত্রীলোকটি ব্যস্ত হয়ে চলে গেল। অপূর মা বলল, “দেখলে কালুদিদি, মানুষটা কত ভাল। কী উপকারটাই না করল উপাচক হয়ে। গরিব লোকেরাই এটা করে।”

পরিহাসের স্বরে কলাবতী বলল, “উপকার তো নিশ্চয়ই করল, কামারশাল না বলে কারখানা বলতে হবে, নয়তো অর্ডার নেবে না। আর আর্জেন্ট পেতে হলে আটআনার গাঁজা ঘুষ দিতে হবে, এই পরামর্শ দিয়ে উনি তো উপকারই করলেন।”

অবাক হয়ে অপূর মা বলল, “এটা উপকার করা নয়? আমার একটা লোহার গুলতি এখনি চাই, বাগানে আজ দুপুরে দু-দুটো পেয়ারা গাছে কাটার মতো একটা ডালও পেলুম না, যা দিয়ে গুলতি বানানো যায়। কাঁচা কাঠের গুলতি তো মট করে ভেঙে যাবে, কাঠ শুকিয়ে শক্ত হতে হতে আমার বড়ি তদিনে কাক শালিকের গব্বায় চলে যাবে।”

### শ্যামা বনাম অপূর মা

কামারশাল বা কারখানার খোলা দরজার সামনে দাঁড়িয়ে অপূর মা এবং কলাবতী কথা বলছিল, তখন ভেতর থেকে তীক্ষ্ণ চোখে তাদের লক্ষ্য করছিল শ্যামাচরণ। কথা শুনতে পাচ্ছিল না কিন্তু দু'জনের কথা বলার ভঙ্গি থেকে সে আন্দাজ পাওয়ার চেষ্টা করছিল। দশসই অপূর মার পরনের ধবধবে থান ও গায়ে জড়ানো মুগার চাদর দেখে তার মনে হল এ নিশ্চয় বড়ঘরের গিম্মি আর সাধারণ সালায়ার কামিজ, চটি পরা প্রসাধনহীন শ্যামলারঙের কলাবতীকে দেখে সে নিশ্চিত হল, এটা গিম্মির কাজের মেয়ে।

অপূর মা কামারশালের ভেতরে উঁকি দিল। ময়লা একটা ধুতি মালকোঁচা করে পরা, সেটায় জড়ানো কালিমাখা গামছা। উর্ধ্বাঙ্গে বগলকাটা কালো গেঞ্জি। গালে এক সপ্তাহের কাঁচাপাকা দাড়ি। মুখ শরীরের মতোই শীর্ণ এবং লম্বাটে। চুলে কখনও চিরুনি পড়েছে বলে মনে হয় না। চোখ দুটি ঘন। ভুরুর নীচে ড্যাভড্যাভে এবং ঈষৎ লাল। শ্যামা উবু হয়ে বসে ছিল, অপূর মাকে ভেতরে ঢুকতে দেখে উঠে দাঁড়াল।

“কী চাই আপনার?”

“লোহার একটা গুলতি করে দিতে হবে।”

শ্যামার চোখ আরও গোলাকার হয়ে স্থির হয়ে রইল পাঁচ সেকেন্ড। অবশেষে বলল, “গুলতি! কার জন্য?”

“আমার জন্য।”

অপূর মার গম্ভীর মুখ ও কণ্ঠস্বর শ্যামাকে বুঝিয়ে দিল, ব্যাপারটা হালকা করে দেখা ঠিক হবে না।

“আমি তো জীবনে গুলতি তৈরি করিনি, ওসব আমার দ্বারা করা সম্ভব নয়।”

“কেন সম্ভব নয়? গুলতি আপনি কি কখনও চোখে দেখেননি?”

“দেখেছি, ছেলেবেলায় আমার নিজেরই একটা ছিল, কাঠের। চড়কের মেলায় কিনেছিলুম। গুলতি দিয়ে পাথর ছুড়ে রাস্তার একটা কুকুরকে মারতেই সে আমাকে কামড়ে দেয়। ভাগ্যিস কুকুরটা পাগলা ছিল না। পরদিনই মা গুলতিটা নিয়ে উনুন ধরায়।”

অপূর মা বুঝে গেল শ্যামাচরণ কামার কথা বলতে ভালবাসে। কিন্তু এখন আজোবাজে কথা বলার সময় নয়। সে কাজের কথা পাড়ল। “আপনার কাজের এত নাম কত লোকের কাছে শুনেছি বলেই তো খুঁজতে খুঁজতে আপনার কারখানায় এলুম।”

কথাগুলো শুনে শ্যামার চোখ ভাললাগার আমেজে ছোট হয়ে কোটরে প্রায় ঢুকে গেল। কলাবতী এতক্ষণ ঘরটার চারধারে চোখ বোলাচ্ছিল। ছোট ছোট নানান আকারের লোহার টুকরো, কোনওটা গোল কোনওটা চ্যাপটা, কোনওটা ‘দ’ বা ইংরিজি ‘জেড’-এর মতো,

লোহার সরু ও মোটা পাত এক কোনায়, আর এক কোনায় কয়লা। মাটির মেঝেয় গর্ত করে কয়লার চুল্লি, চামড়ায় তৈরি হাপর থেকে একটা নল মাটির তলা দিয়ে গেছে চুল্লিটার নীচে। হাপরটাকে হাতল ধরে ওঠানামা করলে বাতাস যায় নল দিয়ে চুল্লিটার তলায়, গনগন করে ওঠে কয়লার আগুনের আঁচ।

শ্যামাচরণ ছোট্ট একটা নিচু টুলে বসে হাপরের হাতল ধরে ওঠানামা করতে শুরু করল। ঝিমিয়ে থাকা চুল্লি থেকে দু’চারটে ফুলকি ছিটকে উঠল।

“লোহা দিয়ে গুলতি বানানো সোজা কাজ নয়। আপনি কাঠ দিয়ে করে নিন, ছুতোর মিস্তিরির কাছে যান। আমার দুটো ঘর পরেই অনিল মিস্তিরির কারখানা, ওকে গিয়ে বলুন।” শ্যামাচরণ সহজ স্বরে পরামর্শ দেওয়ার ভঙ্গিতে বলল।

“আ! তা হলে আপনি পারবেন না। তা হলে আপনার সম্পর্কে যা শুনেছিলাম তা সবই ভুল।” অপূর মা চিবিয়ে চিবিয়ে এমনভাবে কথাগুলি বলল যা শোনামাত্র শ্যামার মাথা চিড়চিড়িয়ে উঠল।

“কী শুনেছেন আমার সম্পর্কে?” চড়া গলায় বলল শ্যামা।

অপূর মা তার গলা এক ডেসিবেল নামিয়ে বলল, “আপনি যে কাজ করেন তা খুব নিখুঁত আর টেকসই হয়, অবশ্য গাঁজার জন্য যদি আপনাকে আলাদা পয়সা দেওয়া হয়।”

শ্যামাচরণ প্রায় লাফ দিয়ে উঠে দাঁড়াল। ভীষণ চটে গেছে সে অপূর মার কথায়। বলল, “গাঁজা খাই তো বেশ করি। এইরকম আগুনের পাশে বসে দশ ঘণ্টা লোহা পিটোতে হলে আপনিও খেতেন।”

শুনে অপ্রতিভ হয়ে গেল অপূর মা। কিছুক্ষণ রান্নাঘরে থাকলেই তার মাথা ধরে আসে, তখন ইচ্ছে করে বাইরে বেরিয়ে আসতে, ঠাণ্ডা হাওয়া লাগতে, আর এ তো গনগনে আঁচের ধারে এমন বন্ধ ঘরে দশ ঘণ্টা কাটানো। অপূর মার মন ভরে উঠল সহানুভূতিতে। সে বলল, “আমি আপনাকে দুটাকা দোব গাঁজার জন্য, বলুন আমার কাজটা করে দেবেন কি না।”

ইতিমধ্যে কলাবতী ঘরের কোণে পড়ে থাকা নানা আকারের চল্লিশ-পঞ্চাশটা লোহার টুকরো বুকে দেখাচ্ছিল। টুকরোগুলো বাঁকানো, তার কোনওটা ৪৫ ডিগ্রিতে, কোনওটা একেবারেই গোল, কোনওটা সমকোণের। দেখেই বোঝা যায় এসবই শ্যামার হাতের কাজ। তৈরি করেছে কারও অর্ডার পেয়ে। কলাবতীর মনে পড়ল এই ধরনের লোহা সে দেখেছে পাড়ার হাড়ওয়্যারের দোকানে, কাকার সঙ্গে ছোট্ট একটা হাতুড়ি কিনতে গিয়ে।

হঠাৎ সে দুটো এক ফুট লম্বা লোহা তুলে নিল, দুটোই ৪৫ ডিগ্রিতে বাঁকানো। সে দুটোকে একসঙ্গে জোড়া দিয়ে মুঠোয় ধরতেই আকার নিল ইংরেজি ‘ওয়াই’ অক্ষরের মতো। দু’হাত তুলে কলাবতী চোঁচিয়ে উঠল, “পেয়ে গেছি, গুলতি পেয়ে গেছি।”

শ্যামাচরণ আর অপূর মা অবাক হয়ে কলাবতীর দিকে তাকাল। “আইই, আইই মেয়েটা, রেখে দে, রেখে দে”—ধমকে উঠল শ্যামা, “একদম ওতে হাত দিবি না, দু’জন কালকের মধ্যে পৌঁছে না দিলে আমার পিণ্ডি চটকে দেবে ননীবাবু।”

শ্যামাচরণের ধমকানি কলাবতীর কানে ঢুকল না। সে উত্তেজিত হয়ে অপূর মার কাছে এসে জোড়া দেওয়া লোহা চোখের সামনে ধরল।

“ওশমা তাই তো! এ তো ঠিক গুলতির মতোই!” কলাবতীর হাত থেকে লোহাদুটো প্রায় কেড়ে নিয়ে অপূর মা ছেলেমানুষের মতো গলায় শ্যামাকে বলল, “এ দুটো আপনি জুড়ে দিন, আপনি বরং পরে আর দুটো তৈরি করে নেবেন।”

শ্যামার চোখ কোটর থেকে বেরিয়ে আবার ড্যাভড্যাভে হয়ে উঠল। খিচিয়ে উঠে বলল, “তার মানে? জুড়ে দিন, তৈরি করে নেবেন, এ কি বেগুনভাজা না চাটনি করা? আইই মেয়েটা, ও দুটো যেখানে ছিল সেখানে রেখে আয়। ওসব পরের জিনিস, আমার নয়।”

অপুর মা প্রমাদ শুনল, হাতের মুঠোয় এসে পাখি উড়ে পালাবে? মরিয়া হয়ে সে বলল, “কত টাকা নেবেন ও দুটোর জন্য? এ তো এক মিনিটের কাজ। গাঁজার জন্য পাঁচ টাকা দাব আর কালুদিকে তুই-তোকারি করবেন না, ও জমিদারবাড়ির মেয়ে।”

শ্যামাচরণ জব্দকুটি করল। অবিশ্বাসভরে তাকিয়ে বলল, “কোথাকার জমিদার?”

“আটঘরার জমিদার, এই বস্তির পেছনেই ওদের বিরাট বাড়ি।” অপূর মার গলা গর্ভ মিশিয়ে একটু চড়ল।

“সিংহিবাড়ি?”

“হ্যাঁ। জানেন দেখছি।”

“জানব না কেন, ও বাড়ির মুরারি তো দুখ্য পেলে, মনখারাপ হলে মাঝেমধ্যে আমার এখানে এসে দু-চারটে টান দিয়ে যায়। লোকটা খুব সরল, দুটো টান দিয়েই বলে চাকরি ছেড়ে দাব, আর সহ্য করতে পারি না।”

কলাবতী অবাক হয়ে বলল, “মুরারিরা এখানে মাঝেমধ্যে আসে গাঁজার টান দিতে, পিসি এটা তো জানতুম না।”

“আমিও তো এই প্রথম শুনছি, তা চাকরি ছাড়বে কেন?”

শ্যামাচরণ টুলে বসে হাপরের হাতলটা ধরল। দু'বার ওঠানামা করিয়ে আঁচ উসকে দিয়ে বলল, “মুরারি খুব ভয়ে ভয়ে থাকে, জমিদারবাবু দেশ থেকে একজন মেয়েছেলেকে এনেছে, তার গলার আওয়াজ মিটিংয়ে বক্তিতার সময় মাইকের তিনটে চোঙা দিয়ে যে শব্দ বেরায় তা এক করলে যা দাঁড়াবে ততটা আওয়াজ একসঙ্গে তার গলা দিয়ে বেরোয়। মুরারির হাট ভাল নয়, ও বলে, শ্যামা, শুনলে বুক ধড়ফড় করে, মাথা ঘোরে, মনে হয় এবার মরে যাব। একবার যদি দেখা হয় তা হলে দেখতুম তার গলার জোর কতটা, ঠাণ্ডা করে দিতুম, আপনি কি জানেন সে মেয়েছেলটাকে?”

শ্যামা তাকাল অপূর মার দিকে। মুখ থমথমে হয়ে গেছে রাগ চাপতে চাপতে। “হ্যাঁ জানি সেই মেয়েছেলটাকে।” শান্তভাবে নিচু গলায় অপূর মা বলল, “কিন্তু কথাগুলো বেটপকা বলে ফেলে মুরারিদের যে কী সর্বোনাশ আপনি করলেন তা হয়তো জানেন না।”

শ্যামা অবাক হয়ে বলল, “কী সর্বোনাশ করলুম মুরারির?”

“মুরারিরা যে মেয়েছেলের কথা বলেছে, আমিই সেই। এবার আমায় কী ঠাণ্ডা করবি কর।” অপূর মা লোহাদুটো মুঠোয় ধরে এক পা এগিয়ে যেতেই শ্যামা টুল থেকে লাফিয়ে উঠল।

অপূর মা এবার ছাড়ল তার ডাকাতে গলাটাকে, “মেরে মাথা ফাটিয়ে দাব হতচ্ছাড়া। এক্ষুনি আমায় এ দুটো দিয়ে গুলতিটা তৈরি করে দে বলছি, নয়তো তোরই একদিন কি আমারই একদিন।” সিংহি বাড়ির মেয়েকে তুই-তোকারি করা?”

কামারশালের দরজায় তিন-চারজন লোক হাজির হয়ে গেছে। তারা ভেতরে ঢুকবে কি ঢুকবে না, এই ভেবে ইতস্তত করছে। একজন বলল, “শ্যামাদা হয়েছে কী? আবার খন্দেদের সঙ্গে ঝামেলা পাকিয়েছ।”

শ্যামা জবাব দেওয়ার আগেই অপূর মা বলল, “হবে আবার কী, ছোটমুখে বড় কথা! কার সঙ্গে কীভাবে কথা বলতে হয় জানে না, গাঁজা খেয়ে খেয়ে বুদ্ধিশক্তি লোপ পেয়েছে। করে দাও বলছি।”

দরজা থেকে একজন বলল, “ও শ্যামাদা, ঝামেলা বাড়াচ্ছে কেন, করে দাও না, মাসিমা যা চাইছে।”

আর একজন বলল, “কী না কী হল রে বাবা, ভাবলুম ডাকাত পড়ল বুঝি, আজকাল তো মেয়ে-ডাকাতও হয়।”

আর একজন বলল, “দম মারাটা এবার একটু কমাও শ্যামাদা।” গজগজ করে শ্যামা বলল, “সারাদিনে একটা টানও দিইনি আর বলছি কি না দমমারা কমাতে? ভাগ, ভাগ এখান থেকে।”

দরজা থেকে লোকগুলো সরে যেতেই শ্যামা বলল অপূর মাকে, “মুরারি ঠিকই বলেছে। তিনটে চোঙার আওয়াজ আপনার গলায়। নখি ও দুটো।” হাত বাড়িয়ে লোহাদুটো নিয়ে চুল্লিতে ঢোকাল। ভারে জোরে হাপর টেনে গনগনে করে তুলল চুল্লিটা। যখন তেতে লোহাদুটোয় কমলা রং ধরেছে তখন একটা একটা করে তুলে

নেহাইয়ের ওপর রেখে সরু মুখ ছেনি দিয়ে লোহার ঠিক মাঝখানে দুটো করে গর্ত করল দুই ইঞ্চির ব্যবধানে। এর পর জলভরা একটা লোহার বালতির মধ্যে গরম লোহাদুটো ফেলে দিতেই ছাঁক করে উঠে সাদা ধোঁয়া উড়ল।

“এ কী, জোড়া হল কই?” কলাবতী উৎকণ্ঠিত স্বরে বলল।

“আমার এখানে লোহা জোড়া লাগবার জিনিস থাকে না, ওসব থাকে মোটর সারাইয়ের গ্যারেজে, যাকে বলে ওয়েল্ডিং। এই যে গন্তো করে দিলুম এবার লোহা দুটোকে একসঙ্গে ধরে ওর মধ্যে দিয়ে বল্টু আর নাট ঢুকিয়ে টাইট করে দিলেই জোড়ার কাজ হয়ে যাবে। এখান থেকে বেরিয়ে বাঁ দিকে দশ পা গেলেই হাডোয়ারের দোকান, দুটো বল্টু আর দুটো নাট কিনে লাগিয়ে নেবেন।”

আঁচলের গিট খুলে অপূর মা দোমডানো একটা পঞ্চাশ টাকার নোট বার করে বলল, “এতে হবে?”

জবাব না দিয়ে শ্যামাচরণ নোটটা টুক করে টেনে নিয়ে বলল, “পাঁচটা টাকা আর দিতে হবে না। যা ক্ষতি হওয়ার তা তো হয়েই গেছে।”

কলাবতী বলল, “কী ক্ষতি হল আপনার?”

“মুরারির সর্বোনাশ করে ফেললুম। বেচারার হাটের রুগি, এখন তো উঠতে বসতে ওর কানের কাছে যে চোঙাগলার বক্তিতা বাজবে। বেচারার এবার মরেই যাবে।” শ্যামাচরণ টপ করে টুলে বসে হাপরের হাতল ধরল।

ওরা হার্ডওয়্যারের দোকান থেকে নাট-বল্টু কিনল, দোকানদারই সেগুলো টাইট করে লাগিয়ে দিতেই ‘ওয়াই’ হয়ে গেল লোহাজোড়া। কলাবতী বাঁ হাতে ওয়াইয়ের গোড়টা মুঠোয় ধরে মুখের সামনে তুলে এক চোখ বন্ধ করে টিপ করল। তারপর ডান হাতে কাল্পনিক রাবারের ছিলে দু'আঙুলে চেপে ধরে টান দিয়ে ছেড়েই নিজের মনে বলে, “ঠকাস ... ডাকাটটার কপালে ... পড়ে গেল।” বলেই সে হেসে উঠল।

অপূর মা বলল, “একেই বলে গাছে কাঁটাল গোঁপে তেল, কলকাতা কি আটঘরা যে, এখানে বাড়িতে ডাকাত পড়বে? তাড়াতাড়ি বাড়ি চলো, মুরারিদের সঙ্গে কথা বলতে হবে।”

কলাবতী চলা থামিয়ে দাঁড়িয়ে পড়ল, “না পিসি না, মুরারিদাকে তুমি কিছু বলতে পারবে না। দাদুর কাছে শুনেছি সত্যি-সত্যিই ওর হার্টের অসুখ আছে, মানুষটা খুব ভাল, সবাইকে ভালবাসে, তোমাকেও মেয়ের মতো ভালবাসে, ওকে তুমি কিছু বোলো না, প্লিজ পিসি।” অপূর মার হাত চেপে ধরল কলাবতী।

কিছুক্ষণ কলাবতীর মুখের দিকে তাকিয়ে থেকে অপূর মার ঠোঁট পাতলা হাসিতে মুচড়ে গেল, বলল, “আচ্ছা, বলব না। তবে তোমাকেও কথা দিতে হবে এমন কাজের মেয়ের মতো সাজে কখনও বাড়ির বাইরে যাবে না।”

“তুমি কথা রাখলে আমিও রাখব।” কলাবতী পালটা শর্ত রাখল।

অপূর মা তাড়া দিয়ে বলল, “হয়েছে, হয়েছে, পা চালিয়ে বাড়ি চলো। কতক্ষণ বেরিয়েছি বোলা তো।”

“তবে জানো কি কালুদি, এই গলার ওপর আমার তো কোনও হাত নেই, জম্মো থেকেই পেয়েছি। শুনেছি আমার ঠাকুদার নাকি এমন গলা ছিল।”

হাঁটতে হাঁটতে অপূর মা বলে চলল, “ঠাকুদা একটা হাঁক দিলে নাকি ছেলের কান্না বন্ধ হয়ে হেঁচকি উঠত, মাঠের গোরু উর্ধ্বশ্বাসে ছুট লাগাত, ডাব পাড়তে ওঠা মানুষ গাছ থেকে পড়ে যেত।”

“আচ্ছা পিসি, তুমি কখনও ঠাকুদার মতো হাঁক দিয়েছ?” কৌতুহলে কলাবতী জিজ্ঞেস করল।

“ঠাকুদার মতো কি না জানি না। তবে অপূর বাবা তো পাঠশালার মাস্টার ছিল। আমাদের বাড়ির পাশে মন্ত ধানখেত, তার লাগোয়া বিরাট একটা বিল, তারপর একটা গ্রাম, নাম বায়সা, পাঠশালাটা ছিল ওই বায়সায়, তা প্রায় আধ মাইল তো হবেই, তার বেশিও হতে পারে। অপূর বাবা তো ভাত না খেয়েই পড়াতে চলে যেত। দুপুরে উনুন থেকে ভাতের হাঁড়ি নামিয়ে আমি ধানখেতের

ধারে গিয়ে বায়সার দিকে মুখ করে গলাটা একটু উঁচুতে তুলে তখন বলতুম...” অপূর মা এবার মুখের দু’পাশে দু’হাতের চোটে চোঙার মতো করে ফিসফিসিয়ে বলল, “ভাআত বেএড়িছিই, আর তখনই পাঠশালাে টিপিং হয়ে যেত। গ্রামের পাঠশালাে তো আর ঘড়ি থাকে না।”

কলাবতী মজা করে বলল, “পিসি, এখন তুমি অমন গলায় ‘ভাত বেড়েছি’ বলতে পারবে?”

“পাগল হয়েছে।” সিংহিবাড়ির লোহার ফটকের আগল খুলে অপূর মা ভেতরে পা দিয়ে বলল, “এটা কলকাতা শহর, এখানে কি গলা ছাড়া যায়! তখন বয়স কম ছিল, জোর ছিল কাজেতে, আর সেটা ছিল গ্রাম। তবু মাঝেমাঝে রোগে গিয়ে গলাটা তখন আর বশে থাকে না, তুলে ফেলি। শুনলে না কামারটার কাছে, মুরারিদা গাঁজায় দুটো টান দিয়েই কী বলেছে।” অপূর মার স্বরে অভিমান আর ক্ষোভ ঝরে পড়ল।

## গুলতি তৈরি হয়ে গেল

বাড়িতে পা দিয়েই কলাবতী দোতলায় ছুটে গেল লোহার ‘ওয়াইটা দাদুকে দেখাবার জন্য। রাজশেখর তখন বসার ঘরে ইঁজি চেয়ারে আধশায়ী হয়ে টিভিতে রোমা আর এভারটনের মধ্যে দু’দিন আগে খেলা ফুটবল মাচাটা ই এস পি এন চ্যানেলে দেখছিলেন। পাশেই মেঝেয় বসে মুরারিও দেখছিল খেলা। কলাবতী তার হাতের জিনিসটা তুলে ধরে বলল, “বলো তো দাদু, এটা কী?”

রাজশেখর জুঁকুচে দেখে বললেন, “তজ্জা রাখার ব্র্যাকেট।”

“মোটোই না, এটা দিয়ে তৈরি হবে গুলতি।” কলাবতী ওয়াইটা বাঁ হাতের মুঠোয় আঁকড়ে ডান হাতে কাল্পনিক তীর ছোড়ার মতো ভঙ্গিতে ছিলে টেনে ধরল। “মালাপাড়ার বস্তির মধ্যে শ্যামা কামারের কামারশাল থেকে তৈরি করালুম। পিসি এবার কাক চিল বেড়াল কুকুর দেখলেই শিক্ষা দিয়ে দেবে। উফফ অমন সাধের বাড়ির কী দশটা করল।”

রাজশেখর হাসি চেপে বললেন, “দিদি, এবার যে দুটো এক বিঘত লম্বা রবার লাগবে আর প্লবার দুটোর মাঝে একটুকরো চামড়া লাগবে, তা না হলে তো গুলতি হবে না।”

“রবার!” কলাবতী চিন্তায় পড়ে গেল, “পিসি অবশ্য রবারের কথা বলেছিল। কোথায় পাই বলো তো দাদু?”

দাদু-নাতনি খুবই সমস্যা পড়ে গেল। রাজশেখর বললেন, “আমরা ছেলেবেলায় যেসব গুলতি বিক্রি হতে দেখেছি তার ছিলেগুলো মোটরের চাকার টিউব কেটে বানাত।”

“টিউব পাব কোথায়। যেসব দোকান টায়ার সারায় সেখানে খোঁজ করব। স্কুল যাওয়ার পথে অমন একটা দোকান পড়ে, কাল তা হলে খোঁজ নেব।”

এতক্ষণে মুরারি কথা বলল, “মোটরের টায়ারের মধ্যে গোলপানা যে রবারটা থাকে, যার মধ্যে হাওয়া ভরে, সেটার কথা কি বলছেন কত্তাবাবু?”

“হ্যাঁ, হ্যাঁ, ওকে টিউব বলে।” রাজশেখর উৎসুক চোখে তাকালেন।

“হোটাবাবু তো অমন একটা গোল রবারের টিউব নিয়ে সাঁতার কাটতে যেত কলাবে, আপনার মনে আছে কত্তাবাবু?”

“খুব মনে আছে। সাঁতার শেখার জন্য ক্লাবে ভর্তি হয়ে টিউবে চড়ে সারাক্ষণ জলে ভেসে বেড়াত। সাঁতারটা আর শেখা হল না।” রাজশেখর হতাশ এবং বিরক্ত স্বরে বললেন।

“সেই টিউবটা তো একতলায় বাতিল জিনিসের ঘরে এখনও পড়ে রয়েছে, ওটা থেকেই তো গুলতির ছিলে তৈরি করা যায়।”

তিন মিনিটের মধ্যেই মুরারি চুপসে থাকা বড় একটা লাল রঙের টিউব কলাবতীর হাতে তুলে দিয়ে বলল, “এটা অপূর মাকে দাও, ও কাঁচি দিয়ে কেটে ছিলে বানিয়ে নেবে।” তারপর নিচু গলায় বলল,

“কালুদিদি, শ্যামা আমার সম্পর্কে কি কিছু বলল?”

কলাবতী আকাশ থেকে পড়ার মতো চোখ এবং গলার স্বর নিয়ে বলল, “সে কী মুরারিদা, লোকটা তোমার চেনে নাকি? কই, কিছু তো বলল না।”

আশ্বস্ত হয়ে মুরারি বলল, “শ্যামা আমার পাশের গ্রামের ছেলে, মানুষটা খুব ভাল।”

সেই সন্ধ্যাতেই রান্নাঘরে ঢোকার আগে অপূর মা তার তিনটে কাঁচির মধ্যে যেটা বড়, সেটা দিয়ে টিউবটা কেটে দুটো রবারের ছিলে বার করল। ওয়াইয়ের দুটো উর্ধ্ববাহুর সঙ্গে বাঁধার জন্য শক্ত টোন সুতো চাই। কলাবতী ঘরের লাগোয়া একটা ছোট ঘর অপূর মার। সেখানে আছে পুরনো একটা কাঠের দেরাজ আর আলনা। আর আছে একটা স্টিলের তোরঙ্গ, কলাবতী তার নাম দিয়েছে ‘আজব বাস্র’। সেই বাস্রে আছে বাতিল চিকুনি, টুংব্রাশ, ভাঙা ছিটকিনি, নানার মাপের জু ও পেরেক, জু ডাইভার, ঘুড়ির সুতো, উড পেলিলের টুকরো, ইরেজার, শাড়ির পাড়, কলাবতীর হোমটাস্কের খাতা যার অর্ধেক পাতা সাদা রয়ে গেছে, নাইলনের দড়ি, বোরিক তুলো, অর্ধেক খাওয়া ওষুধের শিশি, নানান মাপের ও রঙের বোতাম, ব্রেড, হাতলভাঙা হাতুড়ি, ফলকাটা ভোঁতা ছুরি এবং আরও বহুবিধ দ্রব্য। মজার কথা, এইসবের কোনও-না-কোনওটা কখনও-না-কখনও ঠিক দরকার পড়ে যায়, আর তখনই বাস্র থেকে অপূর মা সেটি বার করে দেয়।

গুলতিতে রবারের ছিলে বাঁধার জন্য দরকার শক্ত টোন সুতো, সেটিও বেরোল পিসির আজব বাস্র থেকে। কবে যেন। সুতোয় বাঁধা বই দিল্লি থেকে ডাকে এসেছিল সত্যশেখরের জন্য। অপূর মা তখনই সুতোটা তুলে রেখেছিল। তবে পাওয়া গেল না নরম চামড়ার টুকরো।

“দরকার নেই কালুদিদি চামড়ার, গ্রামে আমার শাড়ির মোটা পাড় দিয়েই চালিয়ে দিয়েছি।”

সুতরাং সমস্যা মিটে গেল।

রাতে অপূর মা শোয় কলাবতীর খাটের পাশে মেঝেয় বিছানা পেতে। এই শোয়ার স্থানটি সে নিজেই নির্বাচন করেছে, কারণ ‘অতটুকু মেয়ে রাতে একা একা ঘুমোলে খারাপ স্বপন দেখে ভয় পেতে পারে।’ স্বপন দেখে ভয় পেয়ে কিনা কে জানে, তবে প্রায়ই ভোরবেলা দেখা যায় কলাবতী মেঝেয় পিসিকে জড়িয়ে ধরে ঘুমোচ্ছে।

কলাবতী ঘুমিয়ে পড়ার পর অপূর মা তার বিছানায় ঝুঁচ সুতো কাঁচি নিয়ে বসে গুলতি তৈরি শেষ করল যখন, বসার ঘরে প্রায় একমাসের উঁচু গ্যাস ফানার ক্রকে তখন রাত বারোটা বাজল। ঘড়িটি রাজশেখর কেনেন চৌরঙ্গি একচেঞ্জ নামে তাঁর চেনা এক নিলাম ঘর থেকে। ফ্রান্সে তৈরি দেড়শো বছরের পুরনো ঘড়িটা তাঁর কথায় ‘জলের দামে মাত্র নব্বই হাজার টাকায় পেয়েছি।’

সকালে ঘুম থেকে উঠে কলাবতী দেখল তার বালিশের পাশে রয়েছে লোহার গুলতিটা, তাতে রবারের ছিলে বাঁধা। সেটা হাতে নিয়ে দুই আঙুলে দুটো ছিলের মাঝে জোড় দেওয়া কাপড়ের পাড়টা টিপে ধরে রবারটা টেনে ছেড়ে দিল, শব্দ হল ‘ছপাং’। দু-তিনবার ছপাং শব্দটা শুনে খাট থেকে লাফ দিয়ে নেমে বারান্দায় এসে “পিসি, পিসি” বলে চৈঁচাতে শুরু করে দিল। অপূর মা তখন একতলায় ঘর মোছামুছির তরিকে ঝি কান্তির মার লালান মোছার দিকে নজর রাখতে রাখতে তার রান্নাঘরের সহকারী শবুতলাকে নির্দেশ দিচ্ছিল, “ফিজ থেকে ডালবাউশনে বার করে ভাল করে ফাটা, আজ আবার বড়ি দোব। দেখব আজ কাকের একদিন কি আমার একদিন।”

কলাবতী একতলায় নেমে এসে বলল, “পিসি কখন বানালে গুলতিটা, রাতে? এটা নিয়ে আমি কিন্তু আজ স্কুলে সবাইকে দেখাব।”

“একদম নয়।” অপূর মা কড়া গলায় কলাবতীকে দমিয়ে দিয়ে বলল, “আজ বড়ি দোব, ওটা আমার দরকার।”

“কাকা-শালিক মারবে? কিন্তু কী দিয়ে ছুড়বে গুলতি, সেজন্য



তো সুপরি মতো ইট কি পাথর চাই!”

“তুমি কি ভেবেছ, সে ব্যবস্থা আমি করিনি? কাল রাত্তা দিয়ে হেঁটে আসার সময় দেখলুম একটা বাড়ির জন্য ভিত খোঁড়া হয়েছে, আর ইট বালি পাথরকুচি গাদা করে রাখা ফুটপাথের ধারে। মাটি তো নয়, যেন নলেন পাটালি। ওই মাটি পুড়িয়ে খুব শক্ত গুলি হবে। তাই আজ ভোরবেলায় যখন রাস্তার লোকজন প্রায় নেই তখন বালতি নিয়ে আর মোটা প্লাস্টিকের একটা বড় থলি নিয়ে বেরিয়ে পড়লুম।”

“বাড়ির জন্য ভিত খোঁড়া হচ্ছে তো অনেক দূরে, প্রায় পাঁচশো গজ এখান থেকে! তুমি এত দূর থেকে বয়ে আনতে পারলে?”

“কেন পারব না!” অপূর মা অবাক হয়ে বলল, “ভক্তি এক বালতি মাটির ওজন কত? পনেরো-কুড়ি কেজি, আর পেলাসটিকে পাথরকুচির ওজন বড়জোর পাঁচ-সাত কেজি। দু’হাতে এ দুটো বহিতে পারব না!” অপূর মা যেভাবে তাকিয়ে রইল তাতে কলাবতীর নিজেকে মনে হল সে গোপাল ভাঁড়ের মতো হাসির কথা বলছে।

কলাবতী কথা বাড়াবার সাহস আজ পেল না। দোতলা থেকে নেমে এল সত্যশেখর, সেরেস্তায় মক্কেল আসার সময় হয়ে গেছে। কলাবতীর হাতে গুলতিটা দেখে ক্রুঁচকে বলল, “কালু, তোর হাতে ওটা কী?”

“গুলতি।”

“একটা যাচ্ছেতাই বাজে জিনিস, পেলি কোথা থেকে? জানিস কী বিপজ্জনক ওটা? তোর বড়দি তখন তোর বয়সী, খেলাচ্ছিলে ধাঁ করে গুলতিতে ইট লাগিয়ে মেরে আমার কপাল ফাটিয়ে দিয়েছিল। ভেরি ভেরি ডেঞ্জারাস ওয়েপন। মলয়াকে আমি এক মাস ক্ষমা করিনি। আসলে বকদিঘির মেয়ে তো, তোর বাপের মতোই আটঘরাকে সহ্য করতে পারে না।”

“বড়দিকে তা হলে তো জিজ্ঞেস করতে হয় কেন তোমার কপাল ফাটিয়েছিলেন।”

“খবরদার। বড়দির কাছ থেকে আমার সম্পর্কে কেনও ইনফর্মেশন নেওয়ার চেষ্টা করবি না, টপ টু বটম বাজে খবর দেবে।” বলেই সত্যশেখর লম্বা পায়ে সেরেস্তার দিকে হাটা দিল।

স্কুলে যাওয়ার সময় কলাবতী দেখল শকুন্তলা পাটি, কাপড় আর ডালবাটা ভর্তি গামলা আর অপূর মা হাতে গুলতি আর পলিথিনের একটা থলি নিয়ে তিনতলায় উঠছে। স্কুল থেকে ফেরার সময় ফটক দিয়ে ঢুকেই তার চোখ গেল ছাদের পাঁচিলে। অন্তত পঞ্চাশটা কাক সার দিয়ে বসে চিৎকার করে চলেছে। এমন দৃশ্য তাদের বাড়িতে সে আগে কখনও দেখেনি।

সদর দরজা পেরিয়ে ঢুকতেই দেখা হল মুরারির সঙ্গে। অবাক কলাবতী বলল, “মুরারিদা, ছাদে কী হয়েছে, অত কাক বসে চোঁচাচ্ছে?”

“কাকেরা হরিসংকীর্তন করছে। অপূর মা ওদের দু’জনকে স্বয়ে পাঠিয়েছে কিনা।”

“গুলতি দিয়ে?”

“তবে না তো কী!”

শুনেই উত্তেজিত কলাবতী ছুটল দোতলায়। অপূর মা তখন রাজশেখরকে চা দিয়ে বসার ঘর থেকে বেরিয়ে আসছে। “পিসি, তুমি দু-দুটো কাক মেরেছ গুলতি দিয়ে।”

“হঁ।” গভীর মুখে কলাবতীর পাশ কাটিয়ে অপূর মা সিঁড়ির দিকে এগিয়ে গেল।

“আমি কাক মারা দেখব পিসি, চলো, ছাদে চলো, গভা গভা কাক বসে আছে। গুলতিটা কোথায়?”

অপূর মা সিঁড়ির মাথায় দাঁড়িয়ে বলল, “কলকাতার কাক যে এমন বিটকেল হয় তা যদি আগে জানতুম তা হলে কি মারতুম, বাড়ি যেন মাথায় তুলেছে। কত্তাবাবু পর্যন্ত বকলেন আমায়। এখন উনি বন্ধুর বাড়িতে যাচ্ছেন, সন্ধের আগে ফিরবেন না। আর বাবা আমি ওই গুলতি ধরছি না।”

“কাক দুটোকে কী করলে?”

“পায়ে দড়ি বেঁধে তারে ঝুলিয়ে দিয়েছিলাম। অন্যেরা দেখুক

বড়ি নষ্ট করলে কেমন শাস্তি পেতে হবে। ওম্মা, তারপরই বাঁকে বাঁকে কাক এসে পাঁচিলে বসে গেল। তবে ছাদে কেউ নামেনি, বাড়ির ধারেকাছেও কেউ আসেনি, যাই শকুন্তলাকে বলি, ও দুটোকে রাস্তায় ফেলে দিয়ে আসতে।”

“পিসি, তুমি ক’বার ছুড়লে?”

“দুটো পাথর।” অপূর মা দুটো আঙুল তুলে দেখাল।

“আর তাতেই দুটো কুপোকাত! তোমার হাতে এত টিপ! তাও কত বছর প্র্যাকটিস নেই!”

ক্রুঁচকে অপূর মা বলল, “কী নেই?”

“প্র্যাকটিস, মানে অনুশীলন।”

অপূর মা কী বুঝল কে জানে, শুধু বলল, “অ। এখন হাতমুখ ধুয়ে এসো, আজ ঝিদেটিদে আছে তো, না কি কেউ টিপিনের ভাগ দিয়েছে?”

“ভীষণ ঝিদে পাবে পিসি যদি গুলতিটা আমাকে দিয়ে দাও।”

## কলাবতীর সঙ্গে পঞ্চুর সাক্ষাৎ

সেইদিনই অপূর মা গুলতিটা তুলে দিল কলাবতীর হাতে। পরের দিন একটি কাককেও দেখা গেল না ছাদের আশপাশে। বোধ হয় অপূর মার শাস্তি দেওয়ার ধরন দেখে তারা বুঝতে পেরেছে বড়ি খাওয়ার সুখ থেকে প্রাণরক্ষা করাটা বেশি জরুরি। এর পর বড়ি দেওয়া, শুকনোর পর প্লাস্টিকের কৌটোয় তুলে রাখার কাজ সাত দিনের মধ্যেই অপূর মা সমাপ্ত করে ফেলল। তারপর বাড়ির গুলগত উৎকর্ষ পরীক্ষা করার দিন পোস্ত বড়িভাজা, পলতার শুভ্লেবড়ি, হিং দিয়ে ঝালের বড়ি এবং টকের বড়ি রান্না হল এক রবিবারের দুপুরে।

খাওয়ার পর রাজশেখরের মন্তব্য, “শুভ্লেটা আর একদিন খাইয়ো, বহু বছর পর আসল বড়ি খেলুম।”

সত্যশেখর অবশ্য খুঁত ধরল, “কালু, পোস্তর বড়িটা তোর কেমন লাগল? একটু ঝাল ঝাল হলে মোহন্তর পকৌড়ি আর মুখে দেওয়া যাবে না।”

কলাবতী বলল, “তেঁতুলের টকে যে বড়ি খেলুম সেটা ধুপুকে খাওয়াতেই হবে পিসি, তুমি একদিন রৈঁখে দাও, আমি ওর বাড়িতে নিয়ে গিয়ে খাইয়ে আসব।”

এইসব কথা শুনে আত্মপ্রসাদ চেপে নম্রস্বরে অপূর মা বলে, “শুধু টকের বড়ি কেন, অন্য বড়ির রান্নাও টিপিন করিতে করে দোব, নিয়ে গিয়ে ধুপুর মাকে খাইয়ে আসবে আর বলে দেবে এসব আটঘরার বড়ি।”

রাজশেখর বললেন, “শুধু ধুপুর মাকে কেন, হরির বাড়িতেও পাঠাব, খেয়ে দেখুক আটঘরার বড়ি কী জিনিস।”

তিনদিন পর স্কুল থেকে ফিরে কলাবতী শোয়ার ঘরে ঢুকেই দেখল তিন বাটির টিফিন ক্যারিয়ারটা টেবলের ওপর রাখা। দেখেই সে বুঝে গেল এটাকে নিয়ে তাকে ধুপুদের বাড়ি যেতে হবে। যাওয়ার সম্ভাবনায় সে খুশিই হল। হাটতে হাটতে বাড়ির বাইরে অনেক কিছু দেখা যায়, শোনা যায়, হঠাৎ দেখা হয়ে যায় স্কুলের বন্ধুদের সঙ্গে। তা ছাড়া পিসি যাকে বলে ‘অখাদ্য কুখাদ্য’, সেইসব জিনিস কিনে খাওয়া যায়।

আধ্যট্টা পর টিফিন ক্যারিয়ার হাতে ঝুলিয়ে কলাবতী যখন বেরোচ্ছে, অপূর মা তখন হুঁশিয়ার দিল, “রাস্তা দিয়ে আস্তে আস্তে হাটবে, নাচতে নাচতে যেন যেও না, টিপিন করিটা নাড়ানিড়ি কোরো না। আর বোলো গরম করে নিয়ে যেন খায়। ফেরত দেওয়ার সময় যেন ভাল করে ধুয়ে দেয়।”

ধুপুদের ফ্ল্যাট প্রায় দশ-বারো মিনিটের পথ। বাসরাস্তা পার হয়ে কিছুটা ভেতরে একটা মাঝারি চণ্ডা রাস্তা ধরে বেশ খানিকটা গেলে পড়বে একটা পার্ক। সেটার তিনদিকে চার-পাঁচতলার সাত-আটটা ফ্ল্যাটবাড়ি, ফুটপাথে ও পার্কে বড় বড় গাছ। এলাকাটায় নতুন বসত হয়েছে, তাই পরিষ্কার-পরিচ্ছন্ন। পার্কের যেদিকে বাড়ি নেই সেই

দিকে রেললাইন এবং সার দিয়ে টালির ঘর।

কলাবতী যেতে যেতে দেখল পার্কের ছোট গেটের ধারে ডালমুট, চানাভাজা, সিদ্ধ ছোলা নিয়ে বসে একটি লোক। তার পাশে তোলা উনুনে বালিভরা কড়াইয়ে চিনেবাদাম ভাজছে এক স্ত্রীলোক। গরম বাদাম খাওয়ার লোভ সামলাতে না পেয়ে সে দাঁড়িয়ে পড়ল। টিফিন ক্যারিয়ারটা ফুটপাথে রেখে কিনল একশো গ্রাম সদ্য ভাজা বাদাম। ঠোঙটাকে হাতে নিয়ে একটা বাদাম দু' আঙুলে টিপে দানা বার করে মুখে ফেলে চিবোতে চিবোতে বলল, “নুন দাও।”

লোকটি হোমিওপ্যাথি ওষুধের পুরিয়ার মতো কাগজের একটা পুরিয়া তাকে দিল। সেটা খুলে আঙুলের ডগায় নুন লাগিয়ে জিতে দিল। তখন তার চোখে পড়ল গজখানেক দূরে আইসক্রিমওলার পাশে রয়েছে ঝালমুড়িওলা।

কলাবতী বাদামের ঠোঙা হাতে এগোল ঝালমুড়ি কিনতে। ‘দু’ টাকার দাও, কাঁচালঙ্কা পেঁয়াজ বেশি করে।”

বাঁ হাতে বাদামের ঠোঙা ডান হাতে ঝালমুড়ির। কলাবতী ঠিক করল, আগে ঝালমুড়িটাকে শেষ করে একটা হাত টিফিন ক্যারিয়ারের জন্য রাখবে। এর পরই সে চমকে উঠে তাকাল, যেখানে টিফিন ক্যারিয়ার ফুটপাথে রেখে বাদাম কিনছিল সেই জায়গাটার দিকে, দেখল একটা বানর টিফিন ক্যারিয়ার তুলে নিয়ে রেলিংয়ের ওপর দিয়ে উঠে পার্কের ভেতর নামল। তারপর ছুটে দূরে গিয়ে টিফিন ক্যারিয়ারের মাথার খিলটা সরিয়ে ঢাকনা তুলল। বানরটা বছর দেড়েকের বাচ্চা ছেলের মতো, ল্যাজটা হাতখানেক লম্বা, গায়ের লোমের রং পাট-এর মতো।

বাদামওয়ালা চৈঁচিয়ে উঠল, “ধরো, ধরো, খুকি দাঁড়িয়ে আছ কেন, দৌড়োও ওর পিছে।”

কলাবতী ধড়মড়িয়ে ছুটে গেল গেটের দিকে। পার্কের মধ্যে ঢুকে “হেই হেই” বলে চিৎকার করতে করতে ছুটল বানরটার দিকে। ওপরের বাটিতে রাখা ছিল আলু ও বেগুন দিয়ে বাড়ির ঝাল। বানরটা কপকপ করে সেগুলো তুলে মুখে পুরছে। কলাবতীকে ছুটে আসতে দেখে বানরটা টিফিন ক্যারিয়ার ফেলে পাশেই রাখাচুড়া গাছটায় উঠে মুহূর্তে মগডালে পৌঁছে গেল।

কলাবতী ফ্যালফ্যাল করে মুখ তুলে বানরটার দিকে কিছুক্ষণ তাকিয়ে থেকে টিফিন ক্যারিয়ারটায় ঢাকনা পরাবার আগে প্রথম বাটিতে পড়ে থাকা ঝোলটুকু ফেলে দিল। তবু ভাল, বাকি দুটি বাটি অক্ষত রয়ে গেছে। পার্কে যারা ঘটনাটা দেখেছে তাদের বেশির ভাগই হাসল, দু-তিনজন সহানুভূতি জানাল। লজ্জায় গরম হয়ে গেল কলাবতীর দুটো কান। একটা বানরের কাছে এমন হেনস্থা হতে হল! মজা পেয়ে লোকেরা তার দিকে তাকিয়ে হাসছে। ভাবছে, মেয়েটা কী নির্বোধ।

কলাবতী পার্ক থেকে বেরিয়ে আসতেই বাদামওলা তাকে বলল, “বানরটা আমার ছোলা, চানা চুরি করে খেত। কেন চুরি করত সেটা আমি বুঝি। মানুষের মতো জানোয়ারেরও খিদে পায়। মানুষ ভিক্ষে করেও পেট চালাতে পারে, কিন্তু জানোয়ার তো ভিক্ষে করতে পারে না, তাই চুরি করে খায়। একদিন আমি ওকে পাকড়াও করে আচ্ছাসে পিটুনি দিয়ে বললুম, চুরি করবি না, এখানে এসে দাঁড়িবি, আমি তোকে চানা দেব। ও এসে দাঁড়াত, আমি একমুঠো চানা দিতাম। কিন্তু ওইটুকু খাবারে কি পেট ভরে? তাই ও চুরি করে খায়। খুকি তুমি কিছু মনে কোরো না, ওকে মাফ করে দাও।”

পার্কের ধারেই চারতলা একটা বাড়ির দোতলায় ধূপদের ফ্ল্যাট। তাকে দেখে ধূপ অবিশ্বাসভরে তাকিয়ে বলল, “তুই! কী ব্যাপার, হাতে ওটা কী?”

“বাড়ি।”

এর পর কলাবতী তার আগমনের কারণ জানিয়ে দিতে ধূপ বলল, “মা তো বড়মাসির বাড়ি গেছে, সন্দের পর আসবে। যাই হোক, ওগুলো আমি রেখে দিচ্ছি, রাতে সবাই খাব।” ধূপ টিফিন ক্যারিয়ারের ঢাকনাটা তুলে জ্ব কুঁচকে বলল, “এটা যে একদম খালি।”

কলাবতী অপ্রতিভ হেসে বলল, “আর বলিস কেন, ওটায় ছিল বাড়ির ঝাল, একটা বানর খেয়ে নিল।”

তারপর সে ধূপকে বলল ফুটপাথ থেকে টিফিন ক্যারিয়ার তুলে নিয়ে বানরের পালানো এবং পার্কের মধ্যে বসে তার বাড়ি খাওয়ার ঘটনাটা। শুনেই ধূপ হো হো করে হেসে উঠে বলল, “পঞ্চু তোকেও তা হলে ঘোল খাইয়েছে।”

“এটা ঘোল খাওয়ানো নয়, চুরি।”

“এখানে খুব কম বাড়িই আছে যেখানে পঞ্চু রান্নাঘরে ঢোকেনি। চুরি করে খায়নি, তবে জিনিসপত্রের ভাঙে না, কাপড়চোপড় ছেঁড়ে না, রেললাইনের ধারে থাকত উসমান বানরওয়ালা, তার ছিল তিনটে বানর, তাদের দিয়ে রাস্তায় খেলা দেখিয়ে সে পেট চালাত। অদ্ভুত ট্রেনিং দিয়েছিল বানরগুলোকে। একেবারে মানুষের মতো আচরণ করত। পঞ্চু ছিল তিনটির একটা, মানেকা গাধী কী যেন আইন করলেন, কেউ খাঁচায় পশুপাখি আটকে রেখে তাদের কষ্ট দিতে পারবে না, তাদের দিয়ে খেলা দেখাতে পারবে না। ব্যস, একদিন উসমানকে বানর সমেত পুলিশে থানায় ধরে নিয়ে গেল, পঞ্চুটা থানা থেকে পালাল। উসমানকে অবশ্য পুলিশ ছেড়ে দেয়। বাকি বানর দুটোকে পুলিশ সল্টলেকে বন দফতরের হাতে তুলে দিয়েছে বললে শুনেছি। উসমান তারপর দিনমজুরের কাজ নিল। এদিকে পঞ্চু ঠিক ফিরে এসেছে। রাতে উসমানের কাছেই থাকে, খায়ও ওর সঙ্গে, দিনের বেলা থাকে পার্কের কাছে। তার মতোই কখনও লোকের বাড়িতে ঢুকে রেন ওয়াটারপাইপ বেয়ে তিন কি চার তলায় উঠে সেখান থেকে লাফিয়ে বারান্দায় নেমে ভেতরে ঢুকে পড়ে। কোন বাড়িতে ঢুকেছে সেটা জানতে পারি যখন ‘ধর ধর, তাড়া ওটাকে তাড়া’ বলে একটা চোঁচামেচি শুরু হয়।” বলতে বলতে ধূপের হাসি দেখে কলাবতী বুঝল, পঞ্চু নামক বজ্জাতটি ওর খুবই স্নেহের পাত্র।

“উসমান কি ওকে খেতে দেয় না?”

শুনেই স্নান হয়ে গেল ধূপের মুখ। বলল, “উসমান মরে গেছে। ইট ভর্তি লরির ওপর বসে দমদম যাচ্ছিল, লরিটা এক গর্তে পড়ে উলটে যায় আর উসমান ইটের নীচে চাপা পড়ে, হাসপাতালে দু’দিন বেঁচে ছিল। তারপর থেকে পঞ্চু অনাথা। আমাদের পেছনের পাড়ার এক হাউজিংয়ের দরোয়ান ওকে পোষার চেষ্টা করেছিল। গলায় বকলস পরিয়ে চেন দিয়ে বাড়ির গেটে বেঁধে রেখে দিত কিন্তু পঞ্চু দু’বেলা খাওয়া পাওয়ার জন্য বাঁধা থাকতে চায়নি। পাঁচদিনের দিনই চেন খুলে পালিয়ে যায়।”

“পঞ্চু নামটা কার দেওয়া, উসমানের?”

“আরে না, নামটা ওই শিবনাথ বাদামওয়ালা দেওয়া। পুরো নাম পঞ্চানন। তার মানে শিব, মহাদেব।”

“মহাদেবই বটে! তোর পঞ্চুকে বাগে পেলে গুলতি মেরে ওর মাথা ফাটা।”

“খবরদার কালু, ওই কাজটি করতে যাস না। পঞ্চু অসম্ভব ভাল নকল করতে পারে। যা একবার দেখবে, সঙ্গে সঙ্গে কপি করে নেবে, তারপর করে দেখাবে। মাথা হয়তো তুই ওর ফাটাবি কিন্তু একদিন তোরই মাথা ফাটাবে ওই গুলতি দিয়েই। মা একদিন হাতা দিয়ে রান্নাঘরে ওর মাথায় ঠকাস করে মেরেছিল, দু’দিন পর সকালে মা ওমলেট করছে তখন কে যেন মাথায় খুঁট করে মারল। চমকে মা ফিরে দেখে পঞ্চু রান্নাঘরের টুলের ওপর। হাতে সেই হাতাটা আর কিচকিচ, কিচকিচ করে হাসছে। এখনও আমরা ওটা নিয়ে হাসাহাসি করি। এক মিনিট বোস, টিফিন ক্যারিয়ারটা খালি করে দিচ্ছি, তোর পিসি হঠাৎ বাড়ির রান্না করে পাঠালেন যে?”

“সেদিন টিফিনে তুই বড়ি খাওয়ালি, এটা তার রিটার্ন। কাল স্কুলে অবশ্যই বলবি খেয়ে কেমন লাগল।”

ধূপের কাছ থেকে ফেরার সময় কলাবতী দেখল, ঝালমুড়িওয়ালা তখনও রয়েছে। পঞ্চুকে তাড়া করতে গিয়ে হাতের বাদাম ও ঝালমুড়ির ঠোঙা প্রথমেই বিসর্জন দিতে হয়েছিল। আবার সে দাঁড়িয়ে বিসর্জিত ঠোঙাটা উদ্ধারের চেষ্টায় রিপটি করল, “দু’ টাকার দাও, কাঁচালঙ্কা পেঁয়াজ বেশি করে।”



The Online Library of Bangla Books  
**BANGLA BOOK**.org

ঠোঙা হাতে নিয়েই কলাবতী দেখল ঝালমুড়িওয়ালার পেছনে পার্কের রেলিংয়ের ওপর বসে পঞ্চু। কোথা থেকে কখন যে এল কে জানে! ওকে দেখে মায়া হল কলাবতীর। পঞ্চুকে একজন মানুষ হিসেবে ভাবার চেষ্টা করে সে কষ্ট পেল।

একগাল মুড়ি মুখে দিয়ে ঠোঙাটা সামনে বাড়িয়ে সে বলল, “আয় পঞ্চু।”

শোনামাত্র পঞ্চু রেলিং থেকে লাফ দিয়ে নেমে এসে ঠোঙাটা কলাবতীর হাত থেকে তুলে নিয়ে যেভাবে সে মুখে মুড়ি ঢেলেছিল হুবহু সেইভাবে পঞ্চু মুখে ঢেলে ঠোঙাটা শেষ করে দিল। কলাবতী বুঝল ওর ভীষণ খিদে পেয়েছে। আইসক্রিমওয়ালার চলে যাওয়ার উদ্যোগ করছিল, দাঁড়িয়ে পড়ল পঞ্চুর মুড়ি খাওয়া দেখতে। কলাবতী তার কাছ থেকে একটা কাপ কিনল। কাঠের চামচ দিয়ে খানিকটা আইসক্রিম মুখে তুলে সে-কাপটা পঞ্চুর দিকে বাড়িয়ে দিল। তার নকল করে চামচ দিয়ে তুলে তুলে কেমন করে খায় কেমন করে সেটা দেখবে। চামচ নয় জিভ দিয়ে তিন-চারবার চেটেই সে কাপটা পরিষ্কার করে ফেলল। কলাবতী হেসে টিফিন ক্যারিয়ারটা হাতে তুলে নিয়ে এগোতেই তার জিনসের হিপ পকেটে টান পড়ল। এবার তার আরও অবাক হওয়ার পালা। তার টাকা রাখার ব্যাগটা পঞ্চুর হাতে!

বাদামওয়ালার শিবনাথকে হাসতে দেখে কলাবতী আশ্চর্য হয়ে জিজ্ঞেস করল, “ব্যাপার কী?”

“পঞ্চু ছোলা খাওয়াতে বলছে। ও জানে ছোলা কেনার পয়সা ব্যাগে থাকে, তাই ব্যাগটা তুলে নিয়ে বলছে কিনে দাও।” শিবনাথ একটা ঠোঙায় দুমুঠো সিদ্ধ ছোলা ভরে কলাবতীর দিকে এগিয়ে দিয়ে বলল, “পাঁচ পয়সা।”

পঞ্চুর হাত থেকে ব্যাগটা নিয়ে দাম চুকিয়ে দিয়ে কলাবতী বলল, “ছোলা বিক্রি করিয়ে দেওয়ার জন্য ওকে কমিশন দিও।”

ঠোঙাটা পঞ্চুর হাতে দিয়ে টিফিন ক্যারিয়ার নিয়ে কলাবতী হাঁটা শুরু করল। একটু গিয়েই রাস্তা পার হওয়ার জন্য সে দু’দিকে তাকাল। দেখল পঞ্চু চার হাত-পায়ে ছুটে আসছে লেজটা ‘৫’-এর মতো বাঁকানো, তার পাশে এসে পঞ্চু মাড়ি বার করে দাঁতগুলো দেখিয়ে ‘কিচকিচ’ শব্দ করে দু-তিনবার কিছু একটা বলতে চাইল। ওর ভাষা বোঝার সাধ্য নেই কলাবতীর, তবু কিছু একটা ধরে নিয়ে বলল, “রাস্তা পার হবি? আঙুল ধর।” সে বাঁ হাতের তর্জনীটা বাড়িয়ে ধরল, একটা বাচ্চা ছেলের মতো পঞ্চু আঙুলটা আঁকড়ে ধরে দুলতে-দুলতে হেঁটে রাস্তা পার হয়ে ফুটপাথে উঠে দু’পা এগোতে না এগোতেই কিচকিচ করে ডেকে ভয়ে কলাবতীর হাঁটু জড়িয়ে ধরল। সামনে দিয়ে আসছেন এক প্রৌঢ়, তাঁর হাতে ধরা চেনে বাঁধা এক ডোবারমান।

কলাবতী এর আগে কুকুরের সঙ্গে বানরের বা ছাগলের সঙ্গে বানরের খেলা রাস্তায় দেখেছে। কুকুরে-বানরে ভাব হয় বন্ধুত্ব হয়, কিন্তু এই ডোবারমানটার সঙ্গে পঞ্চুর যে ভাব হয়নি সেটা তো বোঝাই যাচ্ছে। কুকুরটা কামড়ে দিতে পারে এই আশঙ্কায় চটপট সে পঞ্চুকে বগল ধরে কোলে তুলে নিল, যেভাবে ছোট ভাইকে কাঁখে নেয় দিদিরা, সেইভাবে।

প্রৌঢ় লোকটি কৌতুকভরে কোলে ওঠা বানরটির এবং কলাবতীর দিকে তাকিয়ে ঠাঁট টিপে হেসে ওদের পাশ দিয়ে চলে গেলেন। খুবই শিক্ষিত ডোবারমান তাই পঞ্চুর দিকে মুখ তুলে তাকিয়ে একটা চাপা ‘গরব্রর’ ছাড়া একটা ‘য়েউ’ পর্যন্ত করল না। পঞ্চু কলাবতীকে জড়িয়ে মুখ পেছন দিকে ফিরিয়ে যতক্ষণ দেখা যায়, সাক্ষাৎ যম দেখার মতো চোখ নিয়ে তাকিয়ে রইল।

পঞ্চুর নতুন আশ্রয়

পঞ্চুকে কোলে করে কলাবতী বাড়িতে ঢুকল। একতলায় কেউ

নেই, দোতলায় এসে দেখল রাজশেখর টেলিফোনে কথা বলছেন। কলাবতীকে দেখে অবাক হয়ে রিসিভারে দুটো কথা বলে সেটা নামিয়ে রাখলেন।

“একে কোথায় পেলি?” রাজশেখরের এটাই প্রথম প্রতিক্রিয়া।

“বলছি।” পঞ্চকে কোল থেকে মেঝেয় নামিয়ে দিতেই সে কলাবতীর পা আঁকড়ে ভীত চোখে এধার-ওধার তাকাতে লাগল। ওকে পাশে নিয়ে কলাবতী সোফায় বসল।

“এর নাম পঞ্চ, পঞ্চানন। এর কেউ নেই, পার্কেই একটা গাছে থাকে আর বাড়ি বাড়ি ঢুকে চুরি করে খায়। আমার টিফিন ক্যারিয়ারটা চুরি করে দৌড় লাগায়। আমি ওকে ধরার আগেই প্রথম বাটির আলু বড়ি বেগুনের আলুটা ওর গব্বায় চলে যায়। তারপর ধুপুর কাছে শুনলুম পঞ্চ ছিল বানর-খেলানো উসমান নামে একজনের কাছে। ও কিন্তু খুব ট্রেইন্ড।”

রাজশেখর বললেন, “ট্রেইন্ড যে, সেটা তো দেখেই বুঝতে পারছি, কীরকম চূপচাপ ভদ্রলোকের মতো বসে রয়েছে! তা একে বাড়ি আনলি কেন?”

কলাবতী বলল, “দ্যাখো দাদু, চুরির জন্য পঞ্চর তো আমার হাতে মার খাওয়ার কথা। কিন্তু, যেই ওকে মুড়ি খেতে ডাকলুম অমনই কাছে চলে এল, আসলে খাবার দেখে ও ভয় ভুলে গেল। তারপর আইসক্রিম খাওয়ালুম, তারপর ছোলাও। আমি চলে আসছি, ও আমার পিছু নিল। একটা ডেবরামান দেখে পালাবার পথ না পেয়ে ও আমাকে আঁকড়ে ধরল, আমিও ওকে কোলে তুলে নিলুম।”

“দাদু তুমিই তো বলেছিলে, একটা মানুষ ভাল না খারাপ সেটা বোঝা যায় পশুপাখির মানুষটাকে কীভাবে গ্রহণ করছে, তাই দেখে। পঞ্চ আমাকে নিশ্চিন্তে গ্রহণ করেছে। আমি যে সত্যি-সত্যিই ভাল, এর থেকে বড় প্রমাণ আমার কাছে আর কী হতে পারে।”

রাজশেখরের চোখ খুশিতে উজ্জ্বল হয়ে উঠল। বললেন, “এখন তোর নিজেকে কেমন লাগছে?”

কলাবতী পঞ্চর মাথায় হাত বুলিয়ে বলল, “দারুণ লাগছে। এত ভাল আগে কখনও লাগেনি। পঞ্চ কিন্তু আমাদের বাড়িতে থাকবে।” আবদারে কলাবতীর স্বর নাকি হয়ে গেল।

“তা নয় রইল, কিন্তু বাড়ির অন্যরা, তোর কাকা, পিসি, মুরারিদা, তারা পঞ্চকে মেনে নেবে তো?”

তখনই বসার ঘরে ঢুকল অপূর মা, কলাবতী যে সোফায় বসে ছিল তার পেছন দিকের দরজা দিয়ে।

“দিয়ে এলে কালুদিদি?”

কলাবতী মাথা ঘুরিয়ে তাকাল, বলল, “দিয়ে এসেছি, তবে ওরা খাবে রাতিরে। কাল স্কুলে ধুপু আমাকে জানাবে কেমন লাগল।”

“মনে করে কিন্তু জেনে আসবে।” অপূর মা তারপর রাজশেখরের দিকে তাকিয়ে বলল, “সকালে বললেন গা গরম গরম লাগছে। থারমিটারটা এনেছি, দেখুন একবার জ্বরটা হল কি না।”

অপূর মা সোফার পেছন থেকে এগিয়ে গেল থার্মোমিটার হাতে, আর তখনই সোফায় গুটিগুটি হয়ে বসা পঞ্চকে দেখতে পেয়ে তার চোখ দুটো গোল হয়ে ঠিকরে বেরিয়ে আসার উপক্রম হল। এক পা পিছিয়ে গিয়ে সে বলল, “ওম্মা, এ আবার কে?”

জবাব দিলেন রাজশেখর, “পঞ্চ। আজ থেকে আমাদের বাড়িতে থাকবে। তোমার তাতে অসুবিধে হবে না তো?”

অপূর মা কিছু বলার আগেই কলাবতী তাড়াতাড়ি বলে উঠল, “না, না, পিসির অসুবিধে হবে কেন, পিসি তো পশুপাখি খুব ভালবাসে, তাই না? তুমি তো দেশের বাড়িতে কুকুর পুষেছিলে, তোমাদের হাঁস ছিল, গোরু ছিল, ছাগলও ছিল।”

অপূর মা বুঝে গেল দাদু-নাতনি জোট এই বানরটার দিকে, দু’জনের বিরুদ্ধে সে একা। তার আপত্তি টিকবে না। থমথমে মুখে সে বলল, “অসুবিধে হবে কেন, একটা বানরের বদলে নয় দুটোকে এবার থেকে দেখতে হবে।” বলেই সে ঘর থেকে বেরিয়ে গেল।

রাজশেখর বললেন, “কালু, ভীষণ চটে গেছে পিসি, তাকে বানর ১৯৬

বলে গেল।”

“পিসিকে ঠিক করতে হয় কী করে, আমি জানি। কাল ওকে ধুপুর মায়ের উচ্ছ্বাসিত প্রশংসা এমন শুনিয়ে দেব আর বলব তোমার বাড়ির বাল পঞ্চ চটেপুটে খেয়েছে। কী রে পঞ্চ, দারুণ নয়?”

কলাবতী পঞ্চর মাথা ধরে নাড়িয়ে দিল। পঞ্চ “চিইই, চিই” শব্দ করে সম্ভবত বুঝিয়ে দিল কলাবতী ঠিকই বলেছে।

রাজশেখর বললেন, “কালু রাতে ও থাকবে কোথায়? শুনলুম তো রাতে পার্কেই গাছে থাকত। আমাদের বাগানে তো বড় গাছ বলতে দেবদারু, চাঁপা, নিমগাছ, তার একটাতেই ও থাকুক।”

“না, না দাদু, গাছেরা নেই, বাড়ির মধ্যে থাকবে।” কলাবতী আপত্তি জানাল, “আমার ঘরেই থাকবে।”

“তোর ঘরে?” রাজশেখর সম্ভ্রান্ত হলেন, “অপূর মা তা হলে বাস্তব বিছানা নিয়ে সোজা আটঘরায় ফিরে যাবে। পঞ্চকে বরং তিনতলার সিঁড়িঘরে চট পেতে বিছানা করে দে। রাতে ওখানে থাকবে আর দিনের বেলা বাগানে।”

মুরারি এতক্ষণ বাড়ি ছিল না। রাজশেখর তাকে পাঠিয়েছেন তার কলেজ সহপাঠী এক অধ্যাপক বন্ধুর বাড়িতে, দ্বিতীয় বিশ্বযুদ্ধের ওপর লেখা একটা ইংরেজি বই আনার জন্য। মুরারি বই হাতে ফটক দিয়ে ঢুকে দেখল বাগানে কলাবতী চারতলা সমান চাঁপাগাছটার দিকে মুখ তুলে চেঁচাচ্ছে, “ওঠ, ওঠ, আরও ওপরে ওঠ।” ওর হাতে গুলতি।

বিকলে সে গুলতি নিয়ে গ্র্যাণ্ডটিস শুরু করেছে বাগানে। অপূর মা কয়লার উনুনে মাটি পুড়িয়ে সুপুরির মাপের গুলি বানিয়ে দিয়েছে, বাগানের পাঁচিলে ইট ঘষে লাল টার্গেট করে সে গুলতি দিয়ে গুলি ছোড়ে বিকলে। মুরারি গাছের দিকে তাকিয়ে বলল, “কাকে বলছ কালুদি?”

“পঞ্চকে।” মুরারির বিভ্রান্ত চোখ দেখে সে ব্যাপারটা খোলসা করে দিল, “একটা বানর, আমার সঙ্গে এসেছে, এ বাড়িতেই থাকবে।”

তখনই পঞ্চ লাফ দিয়ে মাটিতে পড়ল। মুরারি বানর পছন্দ করে। সে হাত বাড়িয়ে ডাকল, “আয়, আয়।” ডাক শুনে পঞ্চ পিছিয়ে কলাবতীর পাশে দাঁড়িয়ে পিটপিট করে মুরারিকে দেখতে লাগল। ভাবখানা, এই লোকটার কাছে যাওয়া ঠিক হবে কি? কলাবতী পঞ্চকে কোলে তুলে মুরারির কাছে এসে বলল, “এ হচ্ছে মুরারিদা, ভয় করবি না, খুব ভাল লোক।” পঞ্চকে সে মুরারির কোলে তুলে দিল। কোলে উঠেই সে মুরারির ঝোপের মতো সাদা চুল আঙুল দিয়ে সরিয়ে সরিয়ে উকুন খুঁজতে শুরু করল। বিব্রত কলাবতী বলল, “আরে আরে, করছে কী!”

“ও কিছু না কালুদি, এটা বানরের স্বভাব। তবে উকুন একটাও পাবে না।”

“না পাক, কালই তুমি চুল ছোট ছোট করে কেটে আসবে।” তারপর মুরারির হাতে বই দেখে কলাবতী বলল, “ওটা তো দাদুকে দেবে? আমায় দাও।”

বইটা নিয়ে সে পঞ্চকে মুরারির কোল থেকে নামিয়ে তার হাতে দিয়ে বলল, “যা, দাদুকে দিয়ে আয়।” পঞ্চ পিটপিট করে তাকিয়ে রইল। কলাবতীর মনে হল, ব্যাপারটা বুঝতে পারছে না।

“ঠিক আছে চল, দাদুকে চিনিয়ে দিচ্ছি। মুরারিদা, পঞ্চ ট্রেনিং পাওয়া বানর। ওর মালিক ওকে হুকুম বোলা আর নির্দেশই বোলা তামিল করার শিক্ষাটা দিয়েছে, নয়তো রাস্তায় অত লোকের সামনে খেলা দেখাতে পারত না।” এক হাতের বগলে বই, অন্য হাতে কলাবতীর আঙুল ধরে পঞ্চ হাঁটছে।

মুরারি বলল, “পঞ্চ কি তা হলে বানর-খেলানোওলার বানর ছিল? তুমি পেলো কী করে?”

“পরে সব বলব। এখন থেকে ওকে নতুন করে ট্রেনিং দোব, অন্যরকমের।”

পঞ্চকে হাত ধরে কলাবতী দোতলায় নিয়ে এল। রাজশেখর

তখন লাইব্রেরি ঘরের টেবলে একটা ম্যাপের বই খুলে চশমা চোখে ঝুঁকে দেখছিলেন।

কলাবতী দরজায় দাঁড়িয়ে পঞ্চুর কানে ফিসফিস করে বলল, “ওই হচ্ছে দাদু, বইটা দিয়ে আয়।” এই বলে সে পঞ্চুর ঘাড়ে একটা ঠেলা দিল। পঞ্চু চোখ তুলে তাকিয়ে বারকয়েক পিটপিট করে ঢুকল ঘরের মধ্যে, দুলে দুলে রাজশেখরের পাশে পৌঁছল নিঃশব্দে, তারপর ‘টি টি’ আওয়াজ করল মুখে। চমকে রাজশেখর তাকালেন এবং তাক্সব বনে গেলেন।

“আরে, আরে, এ.কী কাণ্ড!” বইটা হাতে নিয়ে তিনি নাতনিকে বললেন, “তুই শিবিয়েছিস নাকি?”

“তবে না তো কে শেখাবে? আস্তে-আস্তে ওকে আরও শেখাব।”

### জলখাবার উধাও

সত্যশেখর হাইকোর্ট থেকে বেরিয়ে, সেখানেই কয়েকশো উকিল অ্যাটর্নি বসেন এমন একটা বাড়িতে তার ছোট্ট চেয়ারে মক্কেলদের সঙ্গে কথাটা বলে বাড়িতে ফিরল সন্ধ্যার পর। স্নান করে জলযোগ সেরে এবার সে মক্কেলদের নিয়ে বসবে বাড়ির চেয়ারে, যাকে সে পুরনো ঢঙে বলে সেরেস্তা।

ক্ষুদিরামবাবু পড়াতে এসেছেন। পড়ার ঘরে আসবার আগে কলাবতী পঞ্চুকে তিনতলার সিঁড়িঘরে রেখে দোতলায় সিঁড়ির কোলাপসিবল গेट বন্ধ করে দিয়েছে, যাতে একতলা-দোতলা ঘুরে বেড়াতে না পারে। সত্যশেখর সেরেস্তায় বসেই মুরারির এনে দেওয়া জলখাবার খায়। এখন মক্কেল কেউ এলে বাইরে রাখা চেয়ারে অপেক্ষা করে।

চারখানা গরম পরোটা, আলু হেঁচকি ও দুটি ল্যাংচা মুরারি রেখে দিল টেবলে। সত্যশেখর তখন মামলার একটা ব্রিফ পড়ছিল। মুখ তুলে প্লেটের দিকে একনজর তাকিয়ে বলল, “একটা কাঁচালস্কা দিয়ে যাও, বাইরে কি কেউ এসেছে?”

“আসেনি।” বলে মুরারি ঘর থেকে বেরিয়ে গেল। একটু পরেই লস্কা নিয়ে এসে বলল, “ওপরে ফোন এসেছে।”

টেবলে রাখা ফোনটার দিকে বিরক্ত চোখে তাকিয়ে সত্যশেখর বলল, “সাতদিন হয়ে গেল এখনও লাইন ঠিক হল না। কোথা থেকে ফোন এসেছে?”

“কস্তাবাবু বললেন শিলিগুড়ি থেকে।”

“ওহ্,” সত্যশেখর ব্যস্ত হয়ে দোতলায় ফোন ধরতে গেল। মুরারিও ঘর থেকে বেরোল।

মিনিটপাচেক পর সত্যশেখর ফিরে এসে খাবারের প্লেটটা টেনে এনে তাকাতেই চক্ষুস্থির, তারপরই চিৎকার, “মুরারি, মুরারি। দুটো মাত্র পরোটা আর ল্যাংচা দুটো গেল কোথায়?”

এত মুরারি ছুটে এসে প্লেট দেখে বলল, “আমি তো চারটেই দিয়েছি আর দুটো ল্যাংচাও।”

ছকার দিয়ে সত্যশেখর বলল, “তা হলে গেল কোথায়। কেউ একজন নিশ্চয় নিয়ে গেছে। কে সে? ভূত নিশ্চয় নয়।”

অন্ধ কষতে কষতে কলাবতীর কানে গেছে কাকার কণ্ঠস্বর, সে ক্ষুদিরামবাবুকে “আমি আসছি সার, এক মিনিট” বলেই ঘর থেকে ছুটে বেরিয়ে দোতলায় সিঁড়ির কোলাপসিবল গेट খুলে তিনতলায় সিঁড়িঘরে পৌঁছে দেখল পঞ্চু নেই এবং ছাদের দরজা খোলা। মনে মনে সে বলল, “যা ভেবেছিলুম, নিশ্চয় পঞ্চুর কাজ।”

আলো জ্বলে সে ছাদের এধার-ওধার দেখতে শুরু করল। হঠাৎ দেবদারু গাছে সরসর শব্দ হতেই সে পাঁচিলের ধারে এসে নিচু গলায় ডাকল, “পঞ্চু, পঞ্চু, অ্যাঁ পঞ্চু।” গাছ থেকে চিঁচিমতো একটা আওয়াজ হল।

দেবদারু গাছটা বাড়ির গা ঘেঁষে। তার ডালপালা ছাদ থেকে হাতদশেক দূরে। কলাবতী আবার ডাকল, “আয়, আয়।” গাছ থেকে লাফ দিয়ে ঝপাত করে ছাদের পাঁচিলে নামল পঞ্চু। কলাবতী ওর হাতের চেটোয় হাত দিয়ে পেল চটচটে রস। বুঝে গেল কাকার প্লেটের ল্যাংচার ও পরোটার অন্তর্ধান রহস্যাটা। এখন কাকা যদি

জানতে পারে বাড়িতে একটা বানর পোষা হয়েছে, আর সেই বানর তার খাবার চুরি করেছে, তা হলে যা কাণ্ড ঘটবে, সেটা ভেবে সে মনে মনে শিউরে উঠল।

ছাদের দরজায় শিকল তুলে দিয়ে আবার সিঁড়িঘরে পঞ্চুকে রেখে কলাবতী দোতলার কোলাপসিবল গेट টেনে দিয়ে নীচে নেমে এল পড়ার ঘরে। শুনতে পেল কাকা গজগজ করে চলেছে, “দু-দুটো পরোটা আর ল্যাংচা আমার টেবল থেকে...মুরারি ব্যাপার কী? তোমার তো চুরি করে খাওয়ার অভ্যাস নেই, তা হলে কি কালু? কিন্তু কালু তো খুব একটা মিস্তির ভক্ত নয়, তা হলে? বাইরের লোক তো কেউ আসেনি, তা হলে? এখন কি আমার ভূতপ্রেতে বিশ্বাস করতে হবে?”

সারা বাড়িতে ফিসফাস, হুমহুমে ভাব। অপূর মা জোড়হাত কপালে ঠেকিয়ে বারবার বলল, “বাবা তারকনাথ, তুমি তো ভূতনাথও, আমাদের দেখো।” মুরারি বলল, “ছি ছি, ছোটকস্তা শেষে আমাকেও বললেন ‘তোমার তো চুরি করে খাওয়ার ওভ্যাস নেই’, তার মানে ওনার মনে একটা সন্দেহ জেগেছিল, নইলে কথাটা বলবেন কেন?” রাজশেখর বললেন, “হয়তো অপূর মা দুটো পরোটাই দিয়েছিল আর ল্যাংচা দিতে ভুলে গেছিল। মুরারি তো দেওয়ার সময় অতটা নজর করেনি।” প্রতিবাদ করে সত্যশেখর বলল, “না বাবা, আমি ঠিক নজর করেছি, চারটে আর দুটো ছিল।” তিনি আর কথা বাড়াননি, কেননা খাবারদাবারের দিকে ছেলের নজরে যে ভুল হবে না সেটা ভাল করেই জানেন।

রাত্রে খাওয়ার পর দোতলার ছাদে রাজশেখর পায়চারি করছিলেন, তখন কলাবতী তাঁকে বলল, “দাদু, আমি কিন্তু জানি কে খেয়েছে।”

রাজশেখর থমকে দাঁড়ালেন, “কে?”

“কাউকে বলবে না, বোলা।”

“বলব না।”

“ওটা পঞ্চুর কীর্তি।”

“কী করে খেল। ও তো সিঁড়িঘরে ছিল।”

“ছিল, সেখান থেকে ছাদ, তারপর লাফিয়ে দেবদারু গাছ, তারপর মাটিতে নেমে সদর দরজা দিয়ে ঢুকেই কাকার ফাঁকা সেরেস্তায় পরোটা-ল্যাংচা দেখে আর লোভ সামলাতে পারেনি। ভেবেছিলুম ওকে পেটাব, কিন্তু তা হলে তো বাড়ির সবাই জেনে যাবে, পঞ্চুকে বাড়ি থেকে দূর করে দেবে কাকা।”

চিন্তিত স্বরে রাজশেখর বললেন, “এখন থেকে ওকে সামলে রাখতে হবে।”

সামলে রাখার জন্য পরদিন থেকেই সত্যশেখর কোর্টে বেরনোর আগে পর্যন্ত সে পঞ্চুকে নিজের ঘরে বাইরে থেকে দরজাবন্ধ করে আটকে রেখে নীচে পড়তে যেত। তার স্কুলের নমিতাদি সকালে একঘণ্টা সপ্তাহে তিনদিন ইংরেজি আর বাংলা, বাকি তিনদিন অন্য এক স্কুলের শিক্ষক তাকে বিজ্ঞান পড়ান। সত্যশেখরের গাড়ি ফটক থেকে বেরোলেই কলাবতী পঞ্চুকে বাগানে রেখে সদর দরজা বন্ধ করে দেয়। বাড়িতে ঢোকার এই একটাই দরজা। ঢুকতে হলে এবার পঞ্চুকে গাছ বেয়ে উঠে লাফিয়ে ছাদে নেমে সিঁড়ি দিয়ে ঢুকতে হবে। ছাদের দরজাটাও এখন সারাক্ষণ বন্ধ রাখা হচ্ছে। কেউ বাড়ির বাইরে গেলে সদর দরজায় সঙ্গে সঙ্গে খিল পড়ে যায়। পঞ্চু সারা দুপুর বাধ্য হয়েই বাগানে কাটায়। একবার সে পাইপ বেয়ে দোতলার ছাদে উঠেছিল। অপূর মা দেখতে পেয়ে ছড়ি নিয়ে তেড়ে যেতেই দ্রুত নেমে যায়।

পঞ্চুর আনন্দ উথলে ওঠে যখন কলাবতী স্কুল থেকে ফেরে। ও ঠিক জানে কখন কলাবতী ফটক দিয়ে ঢুকেই “পনচুড়” বলে ডাকবে। ডাক শুনে ছুটে এলেই কলাবতী তাকে কোলে তুলে নেবে। বইয়ের বস্তাটা ওর কাঁধে চাপিয়ে দিয়ে বলবে “খা, রেখে আয়।” পঞ্চু দোতলায় রেখে আসবে কলাবতীর টেবলে, আর সঙ্গে করে আনবে গুলতিটা, গুলি রাখা থালিটাও। সবকিছু যেন ওর মুখস্থ। এর পর সম্ভাব্য পর্যন্ত তাদের আর আলাদা দেখা যাবে না। বাগানে গুলতি



নিয়ে টার্গেট প্র্যাকটিস করার সময় দেওয়ালে লাগা পোড়া মাটির গুলি ছিটকে যায়, পঞ্চ সেগুলো কুড়িয়ে এনে হাতে তুলে দেয়।

একদিন দুপুরে দমকা হাওয়ায় ছাদ থেকে রাজশেখরের গেঞ্জি উড়ে গিয়ে পড়ে নিমগাছের উঁচু ডালে। স্কুল থেকে ফিরে কলাবতী দেখে মুরারি একটা বাঁশ দিয়ে গেঞ্জিটা পাড়ার চেষ্টা করছে। বাঁশটা ছোট তাই পৌঁছেছে না। কলাবতী কিছুক্ষণ দেখে বলল, “থাক মুরারি, আমি ব্যবস্থা করছি। পঞ্চ আয় তো।” এর পর সে আঙুল দিয়ে গাছের ডালে আটকে থাকা গেঞ্জিটা দেখিয়ে বলল, “ওটা পেড়ে আন”, চটপট দু’মিনিটের মধ্যে গেঞ্জিটা কলাবতীর হাতে পৌঁছে গেল। হাততালির শব্দে সে ঘুরে তাকাল দোতলার ছাদের দিকে। দাদু হাততালি দিচ্ছেন, পাশে দাঁড়িয়ে পিসি।

রাজশেখর চোঁচিয়ে বললেন, “কালু, ওকে তো পুরস্কার দেওয়া উচিত। চকোলেট কিনে দে, মুরারিকে বল।”

কলাবতীর কাছ থেকে টাকা নিয়ে মুরারি প্রায় ছুটে গিয়ে ‘ক্যাডবেরি’ কিনে আনল, কলাবতী মোড়ক ছিড়ে চকোলেট পঞ্চুর মুখের সামনে ধরল। জীবনে সে এমন বস্তু মুখে দেয়নি। দু-তিনবার শুঁকেই চকোলেটটা ছিনিয়ে নিয়ে সে মুখে পুরে চিবিয়ে গিলে ফেলল। তারপরই সে হেঁড়া মোড়কটা তুলে নিয়ে কলাবতীর দিকে তাকিয়ে “চি চি” করে বায়না শুরু করল, তার আরও চাই। কলাবতী ধমক দিল, “আর খায় না, অনেক দাম।”

## আটঘরার বাড়ি বকদিঘির আচার

খাওয়ার টেবলে রাজশেখর বললেন, “হরি তো গত বছর বকদিঘির আচার পাঠিয়েছিল, আমরা তো এবার আটঘরার বাড়ি পাঠাতে পারি, কী বলিস কালু?”

শুনেই কলাবতী লাফিয়ে উঠল, “ঠিক বলেছ দাদু, অনেকদিন বড়দির বাড়ি যাওয়া হয়নি। আমি তা হলে বাড়ি নিয়ে যাব।”

সত্যশেখর বিরক্ত মুখে বলল, “আবার ওদের বাড়ি দেওয়া কেন। ওই খার্ড ক্লাস আচার খেয়ে আমি এক হপ্তা অন্য কোনও খাবারের টেস্টই ফিল করিনি।”

“কী বলছ কাকা, আদা আর করমচা দিয়ে আচারটা? কী দারুণ যেতে, গোটা শিশি তো আমি আর দাদু সাতদিনে শেষ করলুম। বড়দি যা সুন্দর বানায়!”

“নিজে বানিয়েছে না ছাই, দেখগে মানিকতলায় পল্লী শিল্পাশ্রম থেকে কিনে এনে নিজের হাতে করা বলে চালিয়েছে।”

“ঠিক আছে, আমি বড়দিকে জিজ্ঞেস করব?”

সব্রত হয়ে সত্যশেখর বলল, “কী জিজ্ঞেস করবি, নিজের হাতে বানিয়েছে কিনা? ও কী বলবে শিল্পাশ্রমের আচার?”

“বড়দি কখনও মিথ্যা কথা বলেন না।” কলাবতী তার চূড়ান্ত সিদ্ধান্ত জানিয়ে দিল। সত্যশেখর বাবার দিকে আড়চোখে তাকিয়ে দেখল তিনি নাতনির কথা অনুমোদন করে মাথা নোয়ালেন।

১৭৯৩ সালে ইস্ট ইন্ডিয়া কোম্পানির গভর্নর জেনারেল লর্ড কর্নওয়ালিস ‘চিরস্থায়ী বন্দোবস্ত’ নামে যে ব্যবস্থা বাংলায় ভূমিরাজস্বের ক্ষেত্রে চালু করেন তাতে জমিদাররা জমির মালিক ও স্বত্বাধিকারী হিসেবে স্বীকৃতি পান। সেই সময়ই আটঘরায় সিংহ এবং বকদিঘিতে মুখুজে পরিবার জমিদার হয়ে বসেন আর তখন থেকেই এই দুই পরিবারের মধ্যে জমির দখল ও প্রজাদের কাছ থেকে রাজস্ব আদায়ের অধিকার নিয়ে লঠালাঠি থেকে বন্দুকের লড়াই পর্যন্ত হয়ে গেছে।

এদের মধ্যে প্রতিদ্বন্দ্বিতা, রেযারেবি ও লড়াই ক্রমশ থিতিয়ে আসতে থাকে, যখন দুই পরিবারই কলকাতায় বাড়ি তৈরি করে গ্রাম থেকে এসে বাস করতে থাকে। সেই বছরই অর্থাৎ ১৮৫৫ সালে হিন্দু কলেজের নতুন নামকরণ হয় প্রেসিডেন্সি কলেজ। সিংহি অব মুখুজে বাড়ির দুই ছেলে প্রেসিডেন্সিতে ভর্তি হয় এবং বলা বাত তখন থেকেই পরিবার দুটিতে অন্য ধরনের হাওয়া বইতে শুরু কবে পরস্পরের মধ্যে ধীরে ধীরে সখ্য তৈরি হয়। দুই বাড়িতে শুরু হব যাতায়াত। তবু কিন্তু দুশো বছরের ঝগড়ার রেশ মাঝেমধ্যে ফুটে

বেরোয় হল ফুটিয়ে কথা বলার মধ্যে।

চারটে ছোট ছোট পলিপ্যাক হাতে কলাবতীকে দেখে মলয়া অবাক হয়ে বলল, “কী ব্যাপার কালু, হাতে ওগুলো কী?”

“বড়ি। দাদু পাঠিয়ে দিলেন, আটঘরার বড়ি।”

মলয়ার বাবা হরিশঙ্কর তখন বেরোচ্ছিলেন, কলাবতীর কথা কানে যেতেই বসার ঘরে ঢুকে বললেন, “দেখি, কেমন বড়ি।”

চারটে পলিপ্যাক খুলে দেখলেন, গন্ধও শুঁকলেন, তারপর বললেন, “আটঘরার বড়ি? কী আশ্চর্য, মলু ঠিক এইরকম বড়ি আমি পল্লী শিল্পাশ্রম দোকানে দেখেছি, ঠিক এই গন্ধ।”

কলাবতী একটুও না দমে বলল, “জানেন বড়দি, কাকাও ঠিক একই কথা বলেছে আপনার পাঠানো আচার খেয়ে।”

মলয়া বিব্রত হয়ে বলল, “সতুর কথায় আমি কিছু মনে করি না।”

হরিশঙ্করের মুখ থমথমে হয়ে উঠল। মেয়েকে বললেন, “জ্যাম-জেলি বানাবি বলছিলেন। যখন বানাবি সতুকে সামনে বসিয়ে বানাবি, নয়তো বলবে শেয়ালদার বাজার থেকে কিনে পাঠিয়েছে।”

বলেই গটগট করে হরিশঙ্কর বেরিয়ে গেলেন।

কলাবতী নম্র গলায় বলল, “দাদু কিন্তু কাকার এসব কথায় বিন্দুমাত্র কান দেন না। বলে দিয়েছেন, মলুকে বলিস তেঁতুলের বাল আচারটা আর একবার যদি খাওয়ায়।”

“জ্যাঠামশাইকে বোলো আমি অবশ্যই পাঠাব, ভাল তেঁতুল আগে পাই। এই বড়ি কে তৈরি করল?”

“পিসি করেছে আর পিসি যা তৈরি করে দাদু তাতেই আটঘরার স্ট্যাম্প মেরে দেয়। আটঘরার শুক্কা, আটঘরার অম্বল, আটঘরার বড়ি। আর এই বড়ি তৈরি করতে গিয়ে পিসি দুটো কাক পর্যন্ত মারল গুলতি দিয়ে।”

“গুলতি।” মলয়ার ঝু আধ ইঞ্চি উঠে গেল। “অপুর মা পেল কোথায়? ওটাও কি আটঘরার?”

“না, না, ওটা এখানকার মালাপাড়ার শ্যামা কামারের তৈরি। বড়দি, শুনলুম আপনিও ছেলেবেলায় গুলতি ছুড়ে কাকার কপাল ফাটিয়েছিলেন, সত্যি?”

“ফাটাইনি, তবে এখন গুলতি পেলে সত্যি-সত্যি ওর মাথাটা ফাটাব। বড়ো হচ্ছে অথচ কাণ্ডজ্ঞান লোপ পাচ্ছে। কী করে যে ব্যারিস্টারি করে, ভেবে পাই না।”

“কাকাও ঠিক এই কথা বলে, ‘মলু যে কী করে হেডমিস্ট্রেসি করে, বুঝতে পারি না।’ বড়দি আপনি সত্যি-সত্যি তা হলে কাকার কপাল ফাটাননি?”

“আমাদের বকদিঘির বাড়িতে জগদ্ধাত্রী পূজোয় তোমাদের নেমস্তম্ভ করা হয়েছিল। আটঘরা থেকে নেমস্তম্ভ রাখতে এসেছিল সতু। তখন ও ক্লাস নাইনে, আমি সিক্রে। আমাদের পুকুরধারে আছে একটা বিলিতি আমড়ার গাছ, এই বড় বড় যেমন তেমনই মিষ্টি।

দেখেই সতুর খাওয়ার ইচ্ছে হল, আমাকে বলল, খাওয়াও। বললুম, কাজের বাড়িতে আমড়া পাড়ার লোক এখন পাব না, তুমি নিজে গাছে উঠে পেড়ে খাও। বাহাদুরি দেখাবার জন্য গাছে উঠল, তারপরই ‘ওরে বাবা রে, মরে গেলুম রে’ বলতে বলতে বাপ করে লাফিয়ে নামল। লাল কাঠপিপড়ের কামড় খেয়েছে। কালু, এই

পিপড়ের কামড়ে যে জ্বলুনি তা প্রায় বিছে কামড়বার মতো। সতুর ধারণা পিপড়ের কামড় খাওয়াবার জন্য ইচ্ছে করে ওকে দিকে তুলিয়েছি। খেপে গিয়ে ও একটা মাটির ঢেলা তুলে আমার দিকে ছুড়ল, বলা বাহুল্য, লক্ষ্যপ্রস্ট হল। তখন আবার একটা ঢেলা তুলল, আমার হাতে ছিল গুলতি আমিও একটা মাটির ঢেলা গুলতি দিয়ে ছুড়লুম।

ওর মাথায় লেগে সেটা ভেঙে যায়। এখন সেটাকেই বলছে ওর কপাল ফাটিয়েছি, অকল্পনীয়! কালু একটা জিনিস জেনে রেখো, গুলতি খুব নিরীহ অস্ত্র নয়। ছোট ডেভিড গুলতি দিয়েই দৈত্য গোলিয়াথকে মেরেছিল।”

এর পর মলয়া খোঁজ নিল নমিতা কেমন পড়াচ্ছে? বলল, “খুব ভাল টিচার, বাংলা আর সংস্কৃতে অসম্ভব ভাল। খুব মন দিয়ে ওর

কাছ থেকে বাংলাটা শেখো। আমরা তো বাংলা ভাষাটা শেখার জিনিস বলেই মনে করি না। সেদিন নমিতা এগারো ক্লাসের দুটি মেয়ের খাতা দেখাল। একজন লিখেছে, শেয়ালটা আঙুরের কাঁদি দেখে লোভ সামলাতে পারল না। আর একজন লিখেছে ইংরেজরা বিপ্লবীদের ধরে হাড়িকাঠে ঝোলাত। দেখে কী যে লজ্জা করল কী বলব! কালু তুমি যেন ‘কাঁদি’ ‘হাড়িকাঠ’-এর মতো বাংলা শিখো না।”

আরও কিছুক্ষণ কথা বলে কলাবতী উঠল বাড়ি ফেরার জন্য। মলয়া তাকে আবার মনে করিয়ে দিল, “গুলতি নিয়ে বেশি ছোড়াছুড়ি করো না। দেখতে নিরীহ কিন্তু মারাত্মক হতে পারে।”

রাতে খাবার টেবলে কলাবতী জানাল, হরিদাদু বড়ি দেখে কী বলেছেন। “আমিও বললুম আচার দেখে কাকাও ওই কথা বলেছে।”

সত্যশেখর বাঁ হাতে টেবলে চাপড় মেরে বলল, “এই তো সিংহিবাড়ির মেয়ের মতো কথা। কালু যখনই পাবি বকদিঘিকে ডাউন করে দিবি। তোর কথা শুনে বড়দি কী বলল?”

“কী আবার বলবেন, বললেন তোমার কথায় উনি কিছু মনে করেন না।”

“তার মানে আমাকে অবজ্ঞা, তাচ্ছিল্য করল।” বলেই সত্যশেখর ছোলের ডালের বাটিটা তুলে মুখে ঢেলে দিয়ে বলল, “মনে করবে কী করে, আমার প্রত্যেকটা কথাই তো সত্যি।”

“তবে কাকা, বড়দি বললেন তোমায় গুলতি দিয়ে মেরেছিলেন সেটা একটা মাটির ঢেলা, মাথায় লেগে ভেঙে গেছল আর তাতে তোমার কপাল ফাটেনি।”

“এই কথা বলল!” সত্যশেখর বজ্রাহতের মতো নিজেকে দেখাবার চেষ্টা করল।

গভীর মুখ করে কলাবতী বলল, “আরও বললেন, এখন গুলতি পেলে সত্যি-সত্যিই তোমার মাথা ফাটবেন।”

“এই হল রিয়্যাল বকদিঘি। সামনে আচার, আড়ালে অনাচার। এমন একটা মিথ্যা কথা তোকে বলতে পারল?” সত্যশেখরের স্বর হতাশায় ভেঙে পড়ল।

এতক্ষণ রাজশেখর চুপ করে শুনে যাচ্ছিলেন, এবার বললেন, “কালু বলেছিস মলুকে তেঁতুলের আচারটা আর একবার—”

“বলেছি। ভাল তেঁতুল পেলেই করে পাঠিয়ে দেবেন।”

সত্যশেখর একটুও দেরি না করে বলল, “তার মানে আবার পল্লী শিল্পাশ্রমে ওকে দিতে হবে।”

ছেলের কথায় কান না দিয়ে রাজশেখর বললেন, “ঝালটা যেন আগের মতোই দেয়, এটা ওকে বলে দিতে হবে।” কথাটা তিনি বললেন এটাই বোঝাতে সত্যশেখরের ‘শিল্পাশ্রী’ গল্পটার এতটুকুও তিনি বিশ্বাস করেননি এবং সত্যশেখর সেটা হৃদয়ঙ্গম করে চুপচাপ খাওয়া শেষ করল।

## ব্যাগাটেলির গুলি অন্য কাজে

বছর দুয়েক আগে রাজশেখর নিলাম থেকে একটা ব্যাগাটেলি কিনেছিলেন। রাসেল স্ট্রিটের একটা রেস্টুরেন্টে ওটা ছিল, খদ্দেররা অবসরে খুশিমতো খেলত। রেস্টুরেন্ট উঠে যাওয়ায় অন্যান্য জিনিসের সঙ্গে ব্যাগাটেলিটাও নিলামে আসে। একটা চার ফুট উঁচু টেবলে জু দিয়ে আটকানো, সাড়ে তিন ফুট লম্বা এতবড় ব্যাগাটেলি বোর্ড অর্ডার দিয়ে তৈরি করতে হয়। নাতনির কথা ভেবে রাজশেখর সেটা কিনে নেন।

ছোট বোর্ডের ব্যাগাটেলিতে ঝকঝকে সাদা কাবলিমটরের মাপের লোহার গুলি কাঠের স্টিক দিয়ে ঠেলে দিতে হয়। এই বোর্ডে সেটা করা হয় একটা স্প্রিং টেনে ছেড়ে দিয়ে। গুলি আছে দশটা। স্প্রিং ধাক্কা দেয় বড় আঙুরের সাইজের ভারী ওজনের লোহার গুলিতে। গুলি দু’পাশ চাপা একটা গলি দিয়ে জোরে বেরিয়ে এসে প্রথমে ধাক্কা দেয় একটা পিনে, তারপর এখানে-ওখানে ধাক্কা খেতে খেতে পিন দিয়ে বেড়াব মতো তৈরি গোঁল গোঁল ঘরগুলোর একটায় ঢুকে যায়, না ঢুকে পারলে বোর্ডের নীচে পড়ে যায়। ঘরগুলোয়

নম্বর দেওয়া আছে। যে ক'টা গুলি ঘরে ঢুকবে, যোগ করে তত নম্বর সে পাবে।

দোতলায় লম্বা করিডরের মতো চওড়া দালানে ব্যাগাটেলি বোর্ডিং রাখা হয়। প্রথম প্রথম কলাবতী প্রবল উৎসাহে দু'বেলা খেলত। মাঝেমধ্যে যোগ দিতেন রাজশেখর এবং সত্যশেখর। মাস দুয়েকের মধ্যেই সবার উৎসাহই খিতিয়ে আসে, অবশেষে ব্যাগাটেলিটার ওপর ধুলো জমতে শুরু করে। মুরারি মাঝেমধ্যে ঝাড়ন দিয়ে ধুলো ঝাড়তে ঝাড়তে গজগজ করে, “অহেতুক জিনিসটা কেনা হল। খেলবে না যদি তা হলে নীচের মালঘরে পাঠিয়ে দাও।”

পঞ্চু আসার পর কলাবতী ওকে শেখাবার জন্য আবার ব্যাগাটেলি নিয়ে কয়েকদিন খেলতে শুরু করে। একটা টুলে বসে পঞ্চু মন দিয়ে দেখতে দেখতে বোর্ড থেকে একটা গুলি খপ করে তুলে নিল। মাথায় চাঁটি মেরে কলাবতী বলল, “রাখ, যেখানে ছিল রাখ।” পঞ্চু রেখে দিল। এক মিনিট পরেই আবার একটা গুলি তুলে নিল। এবার তার মাথায় চাঁটিটা একটু জোরেই পড়ল। কিছু না বলে কলাবতী কটমট করে তাকিয়ে শুধু আঙুল দিয়ে বোর্ডিং দেখাল। পঞ্চু বোর্ডের ওপর গুলিটা রেখে দিল।

এর পর কলাবতী ব্যাগাটেলি খেলা শেখাতে গেল পঞ্চুকে। ওর হাতটা স্প্রিংয়ের নব-এর ওপর রেখে বলল, “টান, আঁকড়ে ধরে টান।”

কলাবতীর মুখের দিকে পিটপিট করে তাকিয়ে নবটা জোরে টেনেই ছেড়ে চিল। গুলিটা উর্ধ্বাঙ্গে বেরিয়ে বোর্ডের কিনারে ধাক্কা দিয়ে লাফিয়ে উঠে ছিটকে মেঝেয় পড়ল। লাফাতে লাফাতে লোহার গুলি চলে যাচ্ছে, পঞ্চু তড়াক করে নেমে গুলিটা ধরে ফেলে কলাবতীর হাতে ফিরিয়ে দিল।

“আবার টান।” পঞ্চুকে টুলে বসিয়ে কলাবতী বলল।

আবার সেই একই ব্যাপার ঘটল। কলাবতী বুঝল মানুষের মতো হাতের নিয়ন্ত্রণ ক্ষমতা ওর নেই। গুলিটা মেঝে থেকে কুড়িয়ে এনে দিতেই সে বলল, “তোমার দ্বারা ব্যাগাটেলিটা হবে না।” তারপর দুটো আঙুল ‘ভি’ করে সে বলল, “যা, এটা নিয়ে আয়।” সঙ্গে সঙ্গে পঞ্চু কলাবতীর ঘরে ঢুকল এবং গুলিটা দু'হাতে ধরে দুলে দুলে হেঁটে এনে দিল। এর পর বোর্ডে আবার ধুলো জমতে শুরু করে।

স্কুলে যাওয়ার জন্য তোড়জোড় শুরু করেছে কলাবতী। বইপত্রের গুছিয়ে নিয়েছে, এবার অপূর মা টিফিন বক্স আর ওয়াটারবটল দিয়ে গেলেই বেরিয়ে পড়বে। মোজা পরে জুতোয় পা গলাতে যাবে তখনই একটা বাচ্চার ভয়াব্র চিংকার আর কুকুরের খেঁকানি এবং কিছু মানুষের হইহই শুনে সে ছুটে পেছনের জানলায় গেল, জানলার নীচে সরু পগার গলি। দেখল গলিতে পাঁচ-ছ' বছরের গেঞ্জি আর হাফপ্যান্ট পরা একটা রুগণ ছেলে ভয়ে সিটিয়ে ঠকঠক করে কাঁপছে, তার কিছু দূরে একটা কালো রঙের রাস্তার কুকুর ওপরের ঠোঁটটা টেনে মাড়ি আর সামনের দাঁতগুলো হিংস্রভাবে বার করে ছেলের দিকে তাকিয়ে ‘গরর গরর’ করছে। ওদিকে মালোপাড়া থেকে ছ'-সাতজন পুরুষ ও নারী ছুটে এসে চিংকার করছে আর কুকুরটার দিকে ইট ছুড়ছে।

একটা ইট গায়ে লাগতেই কুকুরটা লোকগুলোর দিকে তেড়ে গেল। তারা ভয়ে পেছনদিকে ছুট লাগাল, “পাগলা কুকুর, কামড়ে দেবে, কামড়ে দেবে,” বলতে বলতে। কুকুরটা ঘুরে আসছে, ছেলেরা ডুকরে কেঁদে উঠল।

‘কিছু একটা এখনি করতে হবে’ কলাবতীর মাথায় দমকলের ঘটনার মতো কথাটা বেজে উঠল। সে ছুটে টেবলের ওপর থেকে গুলিটা তুলে নিয়ে পোড়ামটির গুলি রাখা পলিপ্যাকটার জন্য এধার-ওধার তাকাল। মনে পড়ল পরশু ওটা অপূর মা তার হাত থেকে কেড়ে নিয়ে বলেছিল, “রাতদিন শুধু গুলি আর গুলি, কী কুশলশেই যে জিনিসটা বাড়িতে নিয়ে এলুম। এটা এবার আমি ছুড়ে ফেলে দোবা।” বলেই প্লাস্টিকের থলিটা নিয়ে রান্নাঘরে ঢুকে যায়।

রান্নাঘরটা অপূর মার দুর্গ, সেখানে কলাবতী ইতিপূর্বে যতবার অভিযান চালিয়েছে ততবারই ব্যর্থ হয়েছে। কলাবতী জানে থলিটা সে একসময় ফিরে পাবে, তবে একটু সময় লাগবে।

কিন্তু এই মুহূর্তে এক সেকেন্ড সময়ও হাতে নেই। এখনই তার গুলি চাই। ছুটে সে ঘর থেকে বেরোতেই চোখে পড়ল ব্যাগাটেলি বোর্ড আর বোর্ডের ওপর পড়ে থাকা লোহার গুলির ওপর। দুটো গুলি সে মুঠোয় তুলে ঘরে ছুটে গেল। ওয়াটারবটল আর টিফিন বক্স নিয়ে তখন অপূর মা সবে দোতলায় উঠেছে। দেখল কলাবতী ব্যাগাটেলি বোর্ড থেকে গুলি তুলেই ঘরে ছুটে গেল। কৌতূহলে অপূর মা দ্রুত তার পিছু নিল।

জানলার গরাদের বাইরে গুলিটা বার করে কলাবতী রবারের ছিলেতে লোহার গুলি লাগিয়ে এক চোখ বন্ধ করে টানল। তার হাত কাঁপছে। কুকুরটা খ্যাক খ্যাক করে ছেলেরা প্রায় গোড়ালির কাছে মাথা নামিয়ে এগিয়ে এসেছে কামড়াবার জন্য। কলাবতী ছিলেটা ছেড়ে দিল।

‘কেউ’ শব্দ করে কুকুরটা ঘুরে পেছনে তাকিয়ে কাউকে দেখতে না পেয়ে আবার সামনে তাকাল। গুলিটা তার উরুতে লেগেছে। সেই সময় অপূর মা তার হাতের জিনিস দুটো মেঝেয় রেখে বলল, “কাকে মারলে?”

“একটা পাগলা কুকুর, ছেলেরা কামড়াতে যাচ্ছে।”

চোখ দুটো ছোট হয়ে গেল অপূর মার। কপালে ভাঁজ পড়ল। কলাবতীর হাত থেকে গুলিটা হিনিয়ে নিয়ে হাত বাড়িয়ে বলল, “দাও।”

কলাবতী ঝটতি তার হাতে দ্বিতীয় গুলিটা তুলে দিল। বিশাল চেহারার অপূর মা গুলতির ছিলেতে গুলি লাগিয়ে জানলার কাছে পৌঁছেই ছিলে টেনে দুই গরাদের মাঝ দিয়ে গুলি পাঠাল।

হতভম্ব কলাবতী ফ্যালফ্যাল চোখে তাকিয়ে রইল অপূর মার দিকে। বাইরে পগার গলি থেকে কুকুরের খ্যাক খ্যাক, ছেলেরা কান্না আর শোনা যাচ্ছে না। অপূর মা ওয়াটারবটল আর টিফিন বক্স মেঝে থেকে তুলে বলল, “দাঁড়িয়ে রইলে কেন, ইঙ্কল যেতে হবে না?”

শুনে কলাবতীর সংবিৎ ফিরল। জানলার কাছে গিয়ে উঁকি দিল। কুকুরটা মাটিতে শুয়ে, মাথা দিয়ে চুইয়ে রক্ত বেরোচ্ছে আর ছেলেরা প্রাণপণে ছুটে যাচ্ছে মালোপাড়ার দিকে, সেখানে কিছু লোক দাঁড়িয়ে, তাদের মধ্য থেকে হাত বাড়িয়ে ছুটে আসছে বোধ হয় ছেলেরা টা মা।

“দিব্য করেছিলুম গুলি আর ছোঁবা না।” চাপাশব্দে গজগজ করে উঠল অপূর মা, “নাও এখন রওনা দাও, ইঙ্কলে লেট হয়ে যাবে।”

## সত্যি-সত্যিই ডাকাত পড়ল

সেদিন রাতে ঘটে গেল দুর্ঘটনাটা। দোতলায় নিজের ছোট ঘরে দু'হাত তুলে অপূর মা উঁচু তাক থেকে নামাছিল একটা পুরনো তামার থালা। থালার ওপরে ছিল একটা ছোট ভারী কাঠের বাস্ক। থালা ধরে টান দিতেই বাস্কটা পড়ে গেল আর পড়ল অপূর মার পায়ের পাতার ওপর। ‘উহ্’ বলে সে পা চেপে বসে পড়ে। রাজশেখর টিডি-তে তখন খবর শুনছিলেন, পাশে মেঝেয় বসে মুরারিকে বললেন, “দ্যাখ তো মুরারি, কে যেন উহু করল!”

মুরারি লম্বা দালানের সিঁড়ি পর্যন্ত গিয়ে কাউকে দেখতে না পেয়ে ভাবল পঞ্চু বোধ হয় শব্দটা করেছে। সে দু'বার “পঞ্চু, পঞ্চু” বলে ডাকল। সাড়া পেল না। একতলায় পড়ার ঘরে ক্ষুদ্রামবাবু চলে যাওয়ার পরও কলাবতী পড়ে। সত্যশেখর এখনও তার চেয়ারে।

মুরারি ফিরে আসছে তখন কানে এল মৃদু একটা কাতরানি। তাড়াতাড়ি অপূর মার ঘরে ঢুকে দেখল, এক হাত দিয়ে দেওয়ান ধরে ডান পা মেঝে থেকে সামান্য তুলে অপূর মা দাঁড়িয়ে যন্ত্রণায় কঁকড়ে, মেঝেয় কাঠের বাস্কটা।

“কী হল? অমনভাবে দাঁড়িয়ে কেন?”

অপুর মা বাজ্জা আঙুল দিয়ে দেখিয়ে বলল, “ওটা পায়ের ওপর পড়ল। যন্তোমা হচ্ছে মুরারিদা।”

মুরারি দেখল রক্তচক্রে বেরোয়নি শুধু একটু ছড়ে যাওয়ার দাগ আর পাতাটা লালচে। সে বলল, “বোধ হয় খেঁতলে গেছে, তুমি আমায় ধরে আস্তে-আস্তে পা ফেলে কালুদির ঘরে এসে খাটে বোসো। আমি কত্তাবাবুকে খবর দিচ্ছি।”

কথাটা শুনেই রাজশেখর ব্যস্ত হয়ে বললেন, “মুরারি, শিগগিরি ফ্রিজ থেকে বরফের ট্রে-টা নিয়ে আয়।” তারপর পায়ের অবস্থা দেখে বললেন “এখুনি ডাক্তারবাবুকে খবর দিতে হবে, হাড় ভেঙেছে কি না কে জানে।”

তখনই সত্যশেখর গাড়ি নিয়ে বেরোল পারিবারিক ডাক্তারকে নিয়ে আসতে। ডাক্তারবাবু পরীক্ষা করে ব্যাভেন্ডজ বেঁধে, দুটো ট্যাবলেট খাওয়ার জন্য ব্যাগ থেকে বার করে অপূর মা'র হাতে দিয়ে বললেন, “বাথা বাড়লে খাবে আর কাল সকালেই এক্স-রে করিয়ে আনুন, বোধ হয় হাড় ভেঙেছে।”

সকাল আটটার আগে বাজারের কাছাকাছি ডায়াগোনিস্টিক সেন্টারের এক্স-রে ইউনিট চালু হয় না। কলাবতীর কাঁধ ধরে অপূর মা খুঁড়িয়ে খুঁড়িয়ে দোতলা থেকে নেমে সদর দরজার সামনে এনে রাখা মোটরে কলাবতীকে নিয়ে পেছনে উঠল, সামনে সত্যশেখরের পাশে থলি হাতে মুরারি, সে যাবে বাজারে এবং বাজার করা সেয়ে হেঁটেই ফিরে আসবে।

আধঘণ্টা বসে থাকার পর অপূর মা'র পায়ের এক্স-রে হল, নেগেটিভ ও রিপোর্ট পাওয়া যাবে সন্ধ্যায়। সত্যশেখর বলল, “কোট থেকে ফেরার সময় আমি নিয়ে নোব।”

তিনজনে ফিরছে, বাড়ির কাছাকাছি এসে দেখল রাস্তায় গাড়ি জমে উঠেছে। জ্যাম শুরু হয়েছে। সত্যশেখর জানলা দিয়ে মুখ বার করে জ্যামের কারণটা বোঝার চেষ্টা করে কলাবতীকে বলল, “কালু নেমে দ্যাখ তো ব্যাপার কী? বাড়ির এত কাছে এসে শেষে কি না ফেঁসে গেলুম।”

গাড়ি থেকে নেমে কলাবতী দু'পা হেঁটেই পেল আশা ভ্যারাইটি স্টোর্স। এর মালিক বিশ্বনাথ দোকানের সামনে দাঁড়িয়ে ছোটখাটো একটা জটলাকে উত্তেজিত স্বরে বিবরণ দিচ্ছে। কলাবতী দাঁড়িয়ে শুনল, “ঝড়ের মতো মারুতি ভ্যানটা যাচ্ছে আর তার পেছনে “ডাকাত, ডাকাত” বলে চোঁচাতে চোঁচাতে মোটরবাইকে তাড়া করে চলেছে একটা লোক। দোকান থেকে আমি সঙ্গে সঙ্গে বেরিয়ে এলুম। দেখলুম ভ্যানটা একটা অ্যাম্বাসাডারকে ওভারটেক করে আবার একটা অটো রিকশাকে ওভারটেক করতে গিয়ে মুখেমুখি পড়ল সামনে থেকে আসা লরির। শিওর অ্যাকসিডেন্ট বাঁচাতে ওই স্পিডের ওপরই ভ্যানটা ডানদিকের ফুটপাথে উঠে গিয়ে থাকা মারল সিংহিদের বাউন্ডারি ওয়ালে। তারপর দেখলুম, চারদিকের লোকজন হতভম্ব হয়ে তাকিয়ে আর গাড়িটা থেকে তিনটে লোক বেরিয়ে এল। একজনের হাতে পিস্তল। তিনজন এধার-ওধার তাকিয়ে পালাবার পথ খুঁজল। শেষকালে সিংহিদের উত্তর দিকের পাঁচিলের গা দিয়ে যে সরু মাটির রাস্তাটা পগার গলিতে গেছে সেটা দিয়ে ওরা ছুটে পালাল। মনে হচ্ছে ডাকাতি করতে বেরিয়েছে।”

শুনতে শুনতে কলাবতীর গা ছমছম করে উঠল। তাদেরই বাগানের দেওয়ালে ডাকাতদের মারুতির ধাক্কা আর পাঁচিলের পাশের রাস্তা দিয়েই তিনটে ডাকাত পালিয়েছে, কী ভয়ঙ্কর ব্যাপার! তাদের একজনের হাতে আবার পিস্তল। একজনের হাতে থাকলে বাকি দু'জনের সঙ্গে পিস্তল বা রিভলভার বা ভোজালিটোজালিও নিশ্চয় আছে। এ তো গল্পের বা সিনেমার নয়, সত্যিকারের ডাকাত! কলাবতীর গায়ে কাঁটা দিল।

ধাক্কা দেওয়া মারুতি ঘন নীল রঙের, দূর থেকেই কলাবতী দেখতে পেল তাদের পাঁচিলে লেগে রয়েছে মোটরটার মাথা, পেছনের ব্লাইডিং দরজাটা হাট করে খোলা। হঠাৎ ঘটে যাওয়া ঘটনাটার প্রাথমিক বিমূঢ়তা কাটিয়ে লোকজন এগিয়ে এসেছে। জিন্স আর টি-শার্ট পরা যে যুবকটি মোটরবাইকে তাড়া করেছিল সে

তখন ভিড়ের নায়ক। কলাবতী এগিয়ে গেল তার কথা শুনতে।

“দেখছেন তো ওই লোকটাকে ফেলে পালিয়ে গেল।” যুবকটি আঙুল দিয়ে কাছেই দাঁড়ানো ধূতি-পাঞ্জাবি পরা কাঁচাপাকা চুলের এক শ্রৌড়কে দেখাল। বিভ্রান্তি আর আতঙ্ক শ্রৌড়ের চোখে-মুখে ছড়িয়ে।

“বাড়ি থেকে উনি বেরিয়েছেন গাড়িতে উঠবেন বলে। তার আগেই মারুতিটা ওঁর গাড়ির সামনে দাঁড় করানো ছিল। নিজের গাড়ির দিকে উনি যাচ্ছেন, আমি তখন ফুটপাথে দাঁড়িয়ে চা খাচ্ছিলুম। দেখলুম দুটো লোক মারুতি থেকে বেরিয়ে এসে ওঁকে ধরে টেনে নিয়ে গিয়ে ধাক্কা দিয়ে গাড়িতে তুলে দিল। আধ মিনিটও লাগল না। দেখেই আমি মোটরবাইকে স্টার্ট দিলুম।”

একজন জিজ্ঞেস করল, “লোকটাকে ধরে গাড়িতে তুলল কেন?” বিরক্ত স্বরে যুবকটি বলল, “কেন তুলল তা আমি কেমন করে জানব? হতে পারে কিডন্যাপ করার জন্য। ভদ্রলোক শেয়ার মার্কেটের একজন বড় দালাল, একই পাড়ায় আমরা থাকি, বিশাল বড়লোক, ওঁর কাছ থেকে পনেরো-কুড়ি লাখ টাকা মুক্তিপণ আদায় করবে বলে হয়তো এটা করেছে কিংবা অন্য কোনও কারণও থাকতে পারে। মুক্তিপণ আদায় করাটাও তো এখন বেশ ভাল ব্যবসা।”

একটা পুলিশের জিপ এসে থামল। সাদা পোশাকের এক খুদে অফিসার আর এক খাকি কনস্টেবল নামলেন।

“কী করে হল অ্যাকসিডেন্ট? কারা কারা দেখেছেন? কেউ মারা গেছে কি? ডেডবডি তো দেখছি না, গাড়ির লোকেরা কোথায়?” ভীষণ ব্যস্ত হয়ে পুলিশ অফিসার সবার উদ্দেশ্যে প্রশ্নগুলো ছুড়ে ছুড়ে দিলেন। মারুতির ভেতরে উঁকি দিলেন। কনস্টেবলকে বললেন, “তাড়াতাড়ি রাস্তা ক্রিয়ার করো।”

“গাড়ি থেকে তিনটে ডাকাত নেমে এই গলিটা দিয়ে সার পালিয়েছে।”

“অ্যাঁ, ডাকাত!”

“হ্যাঁ সার, হাতে পিস্তল ছিল।”

অফিসার দ্রুত জিপে ফিরে গেলেন। কলাবতীও ফিরে এল মোটরে।

“কালু, ব্যাপার কী?” সত্যশেখর মোটরে স্টার্ট দিল। রাস্তা পরিষ্কার হয়ে গেছে।

“একটা মারুতি ভ্যানে ডাকাত পালাচ্ছিল একটা লোককে তুলে নিয়ে। মারুতিটা আমাদের পাঁচিলে ধাক্কা মেরেছে। ডাকাতগুলো তারপর নেমে পালিয়েছে পগার গলির দিকে।” কলাবতী উত্তেজিত গলায় ঘটনার সংক্ষিপ্ত বিবরণ দিল দ্রুত।

ফটক দিয়ে গাড়ি ঢুকিয়ে সদর দরজার সামনে এসে সত্যশেখর নিরুদ্দিন স্বরে বলল, “ডাকাত যে তার প্রমাণ কী?”

“একজনের হাতে পিস্তল ছিল।”

“আ তা হলে ডাকাত নয়, তোলাবাজ।” সত্যশেখর সদর দিয়ে ভেতরে ঢুকে নিশ্চিত কণ্ঠে বলল কলাবতী আর অপূর মাকে আগে যেতে দিয়ে। “আস্তে-আস্তে পা ফেলে উঠবে, কালুকে ভাল করে ধরো, নয়তো—” ঠিক সেই সময় তার কানের কাছে চাপা স্বরে কে যেন বলল, “একটি কথাও নয়, চুপ করে থাকুন।”

## সিংহের গুহায় সিংহ

সত্যশেখর চমকে উঠেই কাঠ হয়ে গেল। পিঠে একটা শক্ত কিছুর খোঁচা। সে দু'পা এগিয়ে যেতেই আরও দুটো লোক চটপট ভেতরে ঢুকে এসে দরজা বন্ধ করে দিল। পেছনের লোকটিকে সত্যশেখর মুখ ঘুরিয়ে দেখার চেষ্টা করতেই পিঠে একটু জোরে খোঁচা লাগল।

“বাড়িতে আর আছে কে কে? বাড়ি থেকে বেরোবার অস্ব দরজা আছে?”

“ওই দু'জনের একজন আমার ভাইঝি, অন্যজন অপূর মা। আর আছেন বাবা, দু'জন কাজের বউ আর মুরারি। সে গেছে বাজারে,

এখনি আসবে। বাড়িতে ঢোকা-বেরনোর একটাই দরজা।”

“ভেবো, দ্যাখ তেো কাজের মেয়েমানুষ দুটো আছে কোথায়, বাড়ি থেকে ওদের বার করে দে।”

ভেবো ছিপছিপে, লম্বা, বয়স কুড়ির বেশি নয়। মাথায় কদমছাট চুল, পরনে কালো ট্রাউজার্স আর বুশার্ট, গলায় সরু সেনার চেন। ডান হাতে ঘড়ি। ভেবোর চোখ দুটো সামান্য ট্যারা, চোখের নীচে হনুর হাড় দুটি উঁচু। হাত দুটো সরু ও দীর্ঘ। হুকুম পেয়ে ভেবো পিঠের দিকে ট্রাউজার্স গোঁজা একটা ছুরি বার করে স্প্রিং টিপল। লাফিয়ে বেরোল একটা দুইফিঞ্চ বকঝকে ফলা। ছুরিটা হাতে নিয়ে যখন সে সিঁড়ির পাশ দিয়ে রকের দিকে এগোল তখন কলাবতী ও অপূর মা দোতলার সিঁড়ির পঞ্চম ধাপে দাঁড়িয়ে বিস্ফারিত চোখে ভেবোকে দেখছে।

“পিসি,এরা তো সত্যি ডাকাত, কী হবে এখন?” কলাবতীর গলা থেকে প্রায় চিচি করে শব্দ বেরোল।

অপূর মা তীক্ষ্ণ চোখে ডাকাতদের লক্ষ করে যাচ্ছিল। এবার কলাবতীর হাতে একটা টিপুনি দিয়ে চাপা স্বরে বলল, “ভয় পেও না, মাথা ঠাণ্ডা রাখো।” তারপর সে সত্যশেখরকে উদ্দেশ্য করে চৌকিয়ে বলল, “হেটিকত্তা, আমি ওপরে যাচ্ছি, কত্তাবাবুকে মিহরির শরবত এখনও দেওয়া হয়নি।”

“রাধু।”

বটে গাট্টাগোটা, মিশকালো, বছর ত্রিশের তৃতীয় ডাকাতটি ডাক শুনেই বলল, “বলো গুরু।”

গুরু চোখের ইশারায় রাধুকে ওপরে যেতে বলল, রাধু সঙ্গে-সঙ্গে সিঁড়ি দিয়ে কাঠবেড়ালির মতো লাফিয়ে লাফিয়ে অপূর মার পাশ দিয়ে দোতলায় উঠে গেল।

যাকে গুরু বলে সম্বোধন করল রাধু সেই যে দলনেতা, সেটা তিনজনেই বুঝে গেল। সত্যশেখর এবার ধীরে ধীরে ঘুরে দাঁড়াল। গুরুর হাতে ধরা অস্ত্রটি দেখেই সে চিনে ফেলল ওটি ওয়েবলি স্কট রিভলভার। তার মুখের ভীত ভাব এবং হুটপুট চেহারাটি দেখে গুরু জিনসের ডান হিপপকেট রিভলভারটি ঢুকিয়ে রাখল। বাঁ দিকের পকেট থেকে উকি দিচ্ছে মোবাইল ফোন।

“আপনার নাম কী?” গুরু জানতে চাইল।

“সত্যশেখর সিংহ।”

“সত্যাবাবু, আমরা ডাকাতি করার জন্য এ-বাড়িতে ঢুকিনি। নেহাত বিপদে পড়েই আশ্রয় নিতে ঢুকে পড়েছি। নিরাপদে আমরা চলে যেতে চাই কিন্তু যাওয়ার আগে পর্যন্ত আপনাদের আমরা আটকে রাখব। আর আশা করব ততক্ষণ অন্য কিছু করার চেষ্টা আপনারা করবেন না।”

বছর ত্রিশ বয়স, পরিষ্কার শিক্ষিত উচ্চারণ। কথা বলার ভঙ্গি মার্জিত। চেহারাটা একদমই ডাকাতের মতো নয়। চওড়া কাঁধ, গায়ে স্টেটো থাকা লাল গেঞ্জির মধ্যে থেকে বুকের ও বাহুর পেশিগুলো ফুলে রয়েছে, পায়ে সিকার। চোখ দুটি টানা এবং শান্ত।

সত্যশেখর এবার ভরসা করে প্রশ্ন করল, “আপনার নাম কী?”

“রঞ্জন সিংহ।” বলেই হেসে ফেলল রঞ্জন, “আমরা দুজনেই সিংহ। আশা করি সিংহের গুহায় আমরা অশান্তি ঘটাব না। তবে আমার শাগরেদ দু’জন সম্পর্কে কোনও গ্যারান্টি দিতে পারছি না। ওই যে ভেবো ছেলেরা, ওর মানসিক ভাবসামান্যটা সামান্য কম, অত্যন্ত অপরিণত, বেড়ালের মতো চলাফেরা আর ছোরাটা খুব ভাল ব্যবহার করে এবং সামান্য কারণেই সেটা করে থাকে। অন্তত আটজনের শরীরে ও ছোরা ঢুকিয়েছে এই বয়সেই। আর যাকে রাধু বলে ডাকলুম—কোথাও একটু বসা যাক এবার।”

ভেবোর কথা শুনতে শুনতে সত্যশেখরের ভেতরটা হিম হয়ে যাচ্ছিল। রঞ্জনের প্রস্তাব শুনে তাড়াতাড়ি বলল, “নিশ্চয় নিশ্চয়, আমার চেহারে আসুন। বসে কথাবার্তা বলবেন।”

তখনই দেখা গেল শকুন্তলা আর কান্তির মা রক্তশূন্য ফ্যাকাসে মুখে সদর দরজার দিকে পায়ে পায়ে চলেছে, তাদের পেছনে ছোরা হাতে একগাল হাসি নিয়ে ভেবো। দরজার একটা পাশা খুলে ছোরাটা

নেড়ে ভেবো ওদের বেরিয়ে যাওয়ার ইশারা করামাত্র সৌরভ গাঙ্গুলির একস্ত্রী কভার ড্রাইভ মারা বলের মতো শকুন্তলা ও কান্তির মা বেরিয়ে গেল। দরজার ভারী খিল আর তিনটে ছিটকিনি আটকে দিয়ে ভেবো তাকাল রঞ্জনের দিকে।

রঞ্জন বলল, “একতলা দোতলা ছাদ ভাল করে দেখে নে, বাইরে থেকে বাড়িতে ঢোকার কোনও রাস্তা আর আছে কিনা, আর দেখে নে কেউ লুকিয়ে আছে কিনা। কোনও জিনিসে হাত দিবি না, রাধুকে বলে দিস।”

সত্যশেখরের চেম্বারে ঢুকেই রঞ্জনের চোখ পড়ল সার দেওয়া মোটা মোটা আইনের বইয়ের দিকে। বইয়ের তাকগুলো প্রায় দু’ মানুষ উঁচু। সিঁড়ির একটা ঘরাঞ্চিতে উঠে বই পাড়তে হয়।

“মনে হচ্ছে আপনি একজন উকিল।”

সত্যশেখর ছোট্ট জবাব দিল, “হ্যাঁ।”

“আমিও হতে পারতুম, এক বছর ল কলেজে পড়েছি।”

রঞ্জন এইটুকু বলেই কথা ঘুরিয়ে নিয়ে বলল, “হ্যাঁ, রাধুর কথা বলছিলাম, ওর নামে এগারোটা ডাকাতির, চারটে খুনের মামলা রয়েছে, জেল ভেঙে পালিয়ে আমার কাছে আসে তিন মাস আগে। ওর বাড়ি ক্যানিংয়ে। টাকার আর সেনার দিকে অসম্ভব লোভ।”

সদরে হাত-বেল বাজল। রঞ্জন লাফ দিয়ে জানালায় গিয়ে হিপ পকেটে কল রেখে দেওয়াল ঘঁষে দাঁড়িয়ে সদর দরজার দিকে তাকাল। বাজারের দুটি থলি দু’ হাতে ঝুলিয়ে এক বুড়ামানুষকে দেখে তার চোখে স্বস্তি ফুটে উঠল।


“বোধ হয় মুরারি, ভেবেছিলাম পুলিশ।”

রঞ্জন গিয়ে দরজা খুলল। অপরিচিত লোক দরজা খুলে দিল দেখে মুরারি অবাক! চেম্বার থেকে বেরিয়ে এসেছে সত্যশেখর। তাকে দেখে মুরারি বলল, “হেটাবাবু, বাড়িতে নাকি ডাকাত পড়েছে! গেটের বাইরে বিস্তর লোক জড়ো হয়েছে, শকুন্তলা চোঁচাচ্ছে, পুলিশের গাড়ি থেকে দেখলুম পাঁচ-ছজন নামল বন্দুক নিয়ে।” কথাগুলো বলার সময় মুরারি চোখে ভয়ের থেকেও বেশি ছিল অবাক হওয়া।

“সত্যাবাবু, আপনাকে এখন একটা কাজ করতে হবে।” রঞ্জনের স্বর প্রথর হয়ে উঠল। তার শরীরের ভঙ্গিতে এসেছে কাটনি। “বাইরে গিয়ে পুলিশকে বলুন, তারা যেন এই বাড়িতে ঢোকার চেষ্টা একদমই না করে। করলে যা ঘটবে সেটা খুবই দুঃখের হবে এই বাড়ির লোকদের কাছে। ছোরা আর রিভলভার তা হলে কাজ করবে আপনারদের ওপর। পুলিশকে বলুন হটকরী না হতে। আপনার বাবা বা ভাইবুঁ কিংবা আপনি মারা গেলে সেজন্য দায়ী হবে কিন্তু পুলিশ। আর বলবেন দায়িত্ববান হাই র‍্যাঙ্কিং কোনও অফিসার ফোনে আমার সঙ্গে যেন কথা বলেন। আপনার চেম্বারের ফোনের নম্বরটা দিয়ে দেবেন। আপনি ল ইয়ার, শুঁড়িয়ে অল্প কথায় বুঝিয়ে দেবেন আপনারা এখন হোস্টেজ হয়ে পড়েছেন, পুলিশ অ্যাকশন নিলেই আপনারা হবেন মৃত।”

রঞ্জন সদর দরজার একটা পাশা খুলে বলল, “স্বাভাবিক ভাবে যাবেন, সেইভাবেই ফিরে আসবেন।” সত্যশেখর ঢোক গিলে মাথা নেড়ে বেরোল। রঞ্জন পাশাটা অল্প ফাঁক করে তাকিয়ে রইল তীক্ষ্ণ চোখে। দরজার বাইরেই দাঁড়িয়ে সত্যশেখরের তুঁতে রঙের মারুতি হাজার।

রাধু দোতলায় উঠেই লম্বা দালানটার শেষ প্রান্ত পর্যন্ত চোখ ফেলল। সেখানেই রাজশেখরের শোয়ার ঘর। ঘরটা খোলা। রাজশেখর তখন বিছানায় বালিশে হেলান দিয়ে পা ছড়িয়ে চোখের সামনে খবরের কাগজ মেলে ছিলেন। রাধু প্রথমে দালানের ডান দিকের ঘরগুলোর পরদা সরিয়ে সরিয়ে দেখল কেউ আছে কি না। প্রথম ঘরটি সত্যশেখরের, তার পরেরটি কলাবতীর। সেই ঘরের মধ্য দিয়ে পাশের ঘরে যাওয়া যায়, সেটা অপূর মার, তারপর লাইব্রেরি ঘর, এখানেও রাধু কাউকে পেল না। রাজশেখরের ঘরে না ঢুকে দালানের বাঁ দিকে দুটো বাথরুম এবং খাওয়ার ঘরে ঢুকে দেখল। বসার বিরাট ঘরটার একদিকে দুটো বড় দরজা, খুললেই



# The Online Library of Bangla Books BANGLA BOOK.org

রেলিং-যেরা ছাদ। ছাদের দিকে যেতে গিয়ে থমকে দাঁড়াল। বাড়ির গেটের কাছে ভিড় এবং রাইফেল হাতে পুলিশ দেখে পিছিয়ে এল।

এবার রাধু নিঃসাড়ে ঢুকল রাজশেখরের ঘরে। চোখের সামনে তুলে ধরা খবরের কাগজের জন্য তিনি দেখতে পাননি রাধুকে।

“দাদু, পেপার পড়ছেন? পড়ুন, পড়ুন।”

ঘরে অপরিচিত স্বর হঠাৎ কাছের থেকে শুনে রাজশেখর চমকে কাগজ নামিয়ে বললেন, “কে? কী চাই তোমার?”

ততক্ষণে অপূর মা ও কলাবতী হাজির হয়ে গেছে।

অপূর মা বলল, “কন্তাবাবু ও হল একজন ডাকাত, নীচে আরও দু’জন আছে ছোরা আর ছোট বন্দুক নিয়ে। ছোটকত্তাকে নীচে ধরে রেখেছে।”

রাজশেখর ব্যস্ত হয়ে উঠে বললেন। “এ তো অবিশ্বাস্য ব্যাপার। দিনেদুপুরে বাড়িতে এভাবে ঢুকে ডাকাতি করে যাবে, তাও কখনও হয়।”

তিনি তাড়াতাড়ি খাট থেকে নেমে দেওয়ালে কাঠের ব্র্যাকেটে আড়াআড়ি রাখা দেনলা বন্দুকটার দিকে এগিয়ে যেতেই রাধু পেছন থেকে রাজশেখরের ঘাড়ে জোরে ধাক্কা দিল। তিনি ছিটকে পড়লেন, খাটের বাঁজুতে ঠুকে কপাল লাল হয়ে উঠল।

“দাদু!” কলাবতী আর্তনাদ করে রাজশেখরকে জড়িয়ে ধরল।

“কন্তাবাবুর গায়ে এভাবে হাত তুললে!” স্তম্ভিত অপূর মা। “অ্যাতো বড় আশ্পন্দা।” রাগে ঠকঠক করে কাঁপতে লাগল সে।

রাধু ততক্ষণে বন্দুকটা হাতে তুলে নিয়ে প্রথমেই দেখে নিল নলের মধ্যে কার্তুজ ভরা আছে কি না। নেই দেখে হাত বাড়াল রাজশেখরের দিকে, রক্ত গলায় झুকুমের স্বরে বলল, “টোটাগুলো কোথায়? এখনই আমায় দিন।”

“নআআআ।” রাজশেখরের চিংকারে রাধু মুখ বিকৃত করল। কড়া গলায় সে বলল, “সোজা আঙুলে দেখছি যি উঠবে না।”

বন্দুকটা তুলে কুঁদো দিয়ে সে রাজশেখরের পিঠে আঘাত করল।

“দাদুকে মারবে না, মারবে না” বলে কলাবতী দু’হাত ছড়িয়ে রাজশেখরকে আড়াল করে দাঁড়াল।

এক হাতে বন্দুক ধরে অন্য হাতে রাধু “সর সামনে থেকে” বলে কলাবতীকে ঝটকা দেওয়ার সঙ্গে সঙ্গে অপূর মা বন্দুকটা রাধুর হাত থেকে ছিনিয়ে নিয়েই কুঁদোটা তার ডান কাঁধে কোপ মারার মতো বসিয়ে দিল।

“আহহু” বলে রাধু কাঁধে হাত দিয়ে বাঁকে পড়ল। সেই সময় ঘরে ঢুকল রঞ্জন আর সত্যশেখর।

“কাকা, এই দ্যাখো দাদুর কপাল, ওই লোকটা মেরেছে।” কলাবতী ছুটে গেল কাকার কাছে। “বন্দুকটা দিয়ে পিঠেও মেরেছে।”

রঞ্জনের দিকে তাকিয়ে সত্যশেখর বলল, “একজন নিরীহ বৃদ্ধ মানুষকে এভাবে যে আপনার লোক মারবে, আমি ভাবতেও পারি না। এখন থেকে আপনাদের শত্রু বলে গণ্য করব।”

থমথমে হয়ে গেল রঞ্জনের মুখ। গভীর গলায় সে রাধুকে বলল, “নীচে যাও, একদম ওপরে উঠবে না।”

## এখন থেকে শত্রুতা

বাঁ হাত দিয়ে কাঁধটা চেপে ধরে রাধু অনিশ্চুরের মতো ঘর থেকে বেরোবার আগে তীব্র দৃষ্টিতে অপূর মাকে দেখে নিল। অপূর মাও দৃষ্টিটা ফিরিয়ে দিল কড়া চোখে তাকিয়ে। রঞ্জন সেটা লক্ষ করল। বন্দুক তখনও অপূর মার হাতে ধরা। রঞ্জন হাত বাড়িয়ে বলল, “ওটা দাও।”

“না।” অপূর মা বন্দুকটা বৃকের কাছে আঁকড়ে ধরল।

ঘরের সবাইকে স্তম্ভিত করে রঞ্জন প্রচণ্ড জোরে অপূর মাকে চড় মারল। অপূর মার বিশাল শরীর সেই বিরাশি সিন্ধা চড়ের ধাক্কায়



ঘুরে খাটের ওপরে পড়ে গেল। রঞ্জন বন্দুকটা হাতে তুলে নিয়ে সত্যশেখরকে বলল, “শত্রুতাটা তা হলে এখন থেকেই শুরু হল।” তার দু’ চোখ দেখে সত্যশেখর অবাক! কোথায় সেই চাহনির শান্ততা, হিংস্র জানোয়ারের মতো জ্বলছে চোখ দুটো! লোকটা মুহূর্তে বদলে গেছে।

বন্দুক হাতে রঞ্জন ঘর থেকে বেরোবার আগে রিভলভারটা হিপপকেট থেকে বার করে কলাবতীর রগে ঠেকিয়ে বলল, “নীচে চলে। তুমিই হবে হোস্টেজ।” এই বলে সে কলাবতীর কপালে নলের ঠোঙ্গর দিল।

“ওকে নয়, আমাকে হোস্টেজ করুন।” সত্যশেখর হাতজোড় করে কাতর স্বরে বলল।

“না, না, এই মেয়েটিই হবে। পুলিশ যদি কোনও চালাকি খেলতে যায় তা হলে সঙ্গে সঙ্গে একে গুলি করব, তারপর একে একে—।” ইম্পাতের মতো ঠাণ্ডা কঠিন গলা রঞ্জনর।

মাথা ঘুরছে কলাবতীর, চোখে বাপসা দেখছে, কানে শব্দ ঢুকছে না। মাথার মধ্যে তখন পিসির একটা কথা ভীমরুলের মতো বোঁ বোঁ করে চলেছে—“ভয় পেয়ো না, মাথা ঠাণ্ডা রাখো।” দালান দিয়ে হেঁটে নীচের সিঁড়ির দিকে যাওয়ার সময় সে দেখল ছাদের সিঁড়ির খোলা কোলাপসিবল গেট দিয়ে পঞ্চু দ্রুত উঠে গেল।

কলাবতী, রঞ্জন এবং তাদের পেছনে সত্যশেখর একতলায় এল। চেয়ারে বসে সত্যশেখরের টেবুল পা তুলে ভেবো ছোরা দিয়ে শশার খোসা ছাড়ানি, চারটে টোম্যাটো, দুটো পেয়ারা, আধডজন মর্তমান কলা টেবলে সাজিয়ে রাখা। ঘরের এককোণে সম্ভ্রুত হয়ে দাঁড়িয়ে মুরারি, পায়ের কাছে বাজারের থলি, ফলগুলো স্যালাডের জন্য সে বাজার থেকে এনেছে। অন্য একটা চেয়ারে বসে রাধু। বাঁ হাতে ডান কাঁধে, মুখ যন্ত্রণায় বিকৃত। ডান হাতের কনুইটা সে রেখেছে চেয়ারের হাতলে, রঞ্জন ইশারায় কলাবতীকে একটা খালি চেয়ার দেখাল।

“এই বুড়ো খানিকটা নুন আন তো। নুন ছাড়া শশা পেয়ারা খাওয়া যায় না। জলদি।” ভেবোর ছকুম শুনেই মুরারি ঘর থেকে প্রায় ছুটে বেরিয়ে গেল।

“বড্ড যন্তুমা হচ্ছে গুরু।” রাধু বলল রঞ্জনকে। “একটা ব্যান্ডেজ-ফ্যান্ডেজ করলে ভাল হত। হাড়টা ভাঙল কি না বুঝতে পারছি না। মেয়েমানুষ দেখে এতটা আর সাবধান হইনি। জবর হাঁকিয়েছে, গায়ে যে অত জোর আছে বুঝতে পারিনি।” আক্ষেপে কাতরে উঠল রাধু।

রঞ্জনর কপালে চিন্তার ভাঁজ পড়ল। জানলার কাছে গিয়ে বাইরে ফটক পর্যন্ত দেখে সে সত্যশেখরকে বলল, “আপনি ও সি-কে ঠিকভাবে বলেছেন তো? ফোন নম্বরটা দিয়েছেন?”

“আমার কার্ড ওর হাতে দিয়ে বলেছি ফোনে তাড়াতাড়ি যেন কমিশনার কথা বলেন।”

রাধু আবার কাতরে উঠল। রঞ্জন জ্র কুঁচকে তাকিয়ে ঝাঁঝালো গলায় বলল, “কী হয়েছে কী? বাচ্চা ছেলের মতো প্যানপ্যান করছিস কেন? ভেবো, ওপরে গিয়ে দ্যাখ তো ব্যান্ডেজ করার মতো ফালি কাপড়টা পড় পাওয়া যায় কি না।”

একমুঠো নুন প্লেটে করে নিয়ে এল মুরারি। শশায় নুন মাখিয়ে কামড় দিয়ে ভেবো বলল, “এটা খেয়ে নিয়ে যাচ্ছি, ভীষণ খিদে পেয়েছে, রাধুদা যাবে নাকি?”

“রাখ তোর খাওয়া।” বিরক্ত হয়ে বলল রাধু, তারপর কলাবতীকে জিজ্ঞেস করল, “খুকি, বাড়িতে ব্যান্ডেজ আছে?”

“আছে।” কলাবতী শান্তস্বরে বলে চেয়ার থেকে উঠে দাঁড়াল।

রাধু উৎসুক চোখে তাকাল রঞ্জনর মুখের দিকে। রঞ্জন বলল, “ভেবো, ওর সঙ্গে যা।”

ছোরাটা টেবলে রেখে ভেবো উঠল। কলাবতীর পেছন পেছন কয়েক পা যেতেই রঞ্জন তাকে ডেকে ছোরাটা দেখাল, ভেবো ফিরে এসে সেটা তুলে নিল। দোতলায় উঠেই দালানের দেওয়াল ঘেঁষে ২০৪

জুতো রাখার ব্যাক। ভেবো সেখানে দাঁড়িয়ে পড়ে বলল, “তুমি ব্যান্ডেজ নিয়ে এসো, আমি বরং জুতো দেখি। বাব্বা, এত জুতো কার?”

“সবার জুতো আছে, তবে বেশিরভাগই কাকার।”

ভেবো জুতোগুলো তুলে ঘুরিয়ে ফিরিয়ে দেখতে দেখতে বলল, “চামড়ার কী চেকনাই! কী জেল্লা! খুব দামি, তাই না?”

“ওটার দাম বারোশো টাকা।” বলেই কলাবতী দেখল ভেবোর চোখে লোভ জ্বলজ্বল করে উঠল।

“আর এটা?” ভেবো একজোড়া জগিং শু তুলে ধরল।

“আড়ই হাজার টাকা।”

কলাবতী লাইব্রেরি ঘরের দেওয়াল আলমারি খুলে ফার্স্ট এইড বক্স বার করে দালানে এসে দেখল মেঝেয় বসে ভেবো কাকার জগিং শুটা পরছে, পাশে পড়ে রয়েছে তার ময়লা পুরনো জুতো আর ছোরাটা। কলাবতীকে দেখে সে লাজুক হেসে বলল, “এটা আমি নিলুম। একটু ঢলঢল করছে, ন্যাকড়া গুঁজে নোবঁধন।”

কৌতূহলমেশানো স্বরে কলাবতী এবার জিজ্ঞেস করল, “তোমরা দু'কলে কী করে আমাদের বাগানে?”

ভেবো তাজ্জব বনে গিয়ে বলল, “এ আর এমন কী, রাধুদা তুলে ধরল আমাকে, পাঁচিল ডিঙিয়ে নেমে খিড়কি দরজাটা খুলে দিলুম।”

সেই সময় ছাদের সিঁড়িতে উকি দিল পঞ্চু। তাকে দেখেই কলাবতী দ্রুত হাত নেড়ে ইশারা করল সরে যাওয়ার জন্য। সেটা দেখতে পেয়েই ভেবো চট করে মুখ ফিরিয়ে ছোরাটা হাতে নিয়ে সিঁড়ির দিকে তাকাল কিন্তু কাউকে দেখতে না পেয়ে সন্দেহাকুল স্বরে বলল, “কাকে দেখে হাত নাড়লে?”

“একটা বানর।”

“বানর! বাড়িতে বানর কেন? খুব খারাপ জানোয়ার, ছেলেবেলায় একটা হনুমান আমাকে কামড়ে দিয়েছিল, পেটে চোদ্দবার ছুঁচ ফুটিয়েছিল সদর হাসপাতালের ডাক্তার, সে যে কী ব্যথা, বলে বোঝাতে পারব না। পাগলা কুকুরে কামড়ালেও চোদ্দটা।”

“বানর আর হনুমান এক জানোয়ার নয়।” কলাবতী সংশোধন করে দিল।

পঞ্চু আবার উকি দিল এবং ভেবো তাকে দেখে ফেলল। ছোরাটা তুলে ধরে সে পঞ্চুর দিকে ছুড়ে মারার ভঙ্গি করে বলল, “এইসব জানোয়ার দেখলে আমার ভয় করে। চলে, চলে, নীচে চলে।”

নীচে এসে কলাবতী দেখল রঞ্জন কার সঙ্গে টেলিফোনে রুম্ভভাবে কথা বলছে। ব্যান্ডেজটা রাধুকে দেখিয়ে কলাবতী বলল, “স্কুলে সেন্ট জন অ্যাথলেটিক্সের ট্রেনিং নেওয়া আছে আমার। ব্যান্ডেজ করে দোব?”

“হ্যাঁ, হ্যাঁ, তুমিই করে দাও খুকি।” রাধুর স্বর নরম, চোখে কৃতজ্ঞ দৃষ্টি। কলাবতীর মাথার মধ্যে তখন ‘ভয় পেও না, ভয় পেও না, মাথা ঠাণ্ডা রাখো, মাথা ঠাণ্ডা রাখো’ গুনগুন করে যাচ্ছে।

“জামা না খুললে ব্যান্ডেজ করব কী করে?”

রাধু জামা খোলার জন্য হাত তুলতে গিয়ে “উহহ” বলে কাতরে উঠল।

“দাঁড়াও, দাঁড়াও, আমি ব্যবস্থা করছি।” ভেবো এগিয়ে এল। রাধুর বুকের কাছ থেকে ছোরা দিয়ে সে ফরফর করে জামাটার তলা পর্যন্ত টেনে ফাঁক করে দিল। এর পর জামাটা দেহ থেকে ছাড়িয়ে দিয়ে বলল, “ওপরে অনেক হাওয়াই শার্ট দেখেছি, একটা পরে নিও।”

রাধুর ডান হাতটা বুকের ওপর আড়াআড়ি রেখে কলাবতী কাঁধ বুক ও বাহু বেটন করে শক্তভাবে জড়িয়ে ব্যান্ডেজ বাঁধল। রাধু ফ্যালফ্যাল করে তাকিয়ে বলল, “ওরে ভেবো, আমি যে আষ্টেপিষ্টে বাঁধা পড়লুম। ডান হাত যে নাড়াতে পারছি না।”

ভেবো একটা টোম্যাটো তুলে কামড় দিয়ে চেয়ারে বসে চিবোতে চিবোতে বলল, “এখন ওইভাবেই থাকো, পরে ডাক্তার দেখিয়ে যা করার করবে। কেন মিছিমিছি ওই মেয়েটাকে রাগাতে গেলে বলে

তো? চেহারা দেখে বুঝতে পারেনি গায়ে জোর কত?”

“চূপ মার ভেবো।” রাধু রাগে ধমকে উঠল, “গায়ের জোর আমারও আছে। নেহাত ইঁশ করিনি ততটা, তাই মারটা খেলুমা। একবার পাই হাতের মুঠোয়, ওই বন্দুক দিয়ে মাথা ফাঁক করে দোব।”

দাঁত কিড়মিড় করে রাধু বন্দুকটা বাঁ হাতে টেনে নিল। রঞ্জন ফেন রেখে রাধু আর ভেবোর দিকে তাকিয়ে বলল, “পুলিশ রাজি হয়েছে।”

দু’জনে অবাক হয়ে তাকাল। ভেবো বলল, “কিসের রাজি?”

“এখান থেকে আমাদের নির্বিঘ্নে যেতে দেবে।”

রাধু বলল, “অমনি অমনি চলে যেতে দেবে?”

রঞ্জন চেয়ারে বসে বলল, “এমনি কী আর খেতে দেয়, দাবার চাল চলতে হয়েছে। তুমি আমার গজ খেলে আমি তোমার ঘোড়া খাব। তুমি আমায় গুলি মারলে আমি এই মেয়েটার মাথায় গুলি মারব। তুমি পুলিশ, নাগরিকদের প্রাণরক্ষা করা তোমার কাজ, এবার তাই করো।” রঞ্জন মুচকি মুচকি হাসল।

যে টানটান ভাবটা তার মুখে ছিল, এখন সেটা আলগা দেখাচ্ছে। টেবল থেকে পেয়ারা তুলে ছোরা দিয়ে সেটা দুটুকরো করে রঞ্জন নুন মাখাতে মাখাতে রাধুকে বলল, “খালি গায়ে এইরকম ব্যাভেজ জড়িয়ে তুমি যাবে নাকি? একটা জামা চড়িয়ে নাও। ভেবো, একটা জামা এনে দে তো।”

শোনামাত্র ভেবো উঠে দাঁড়াল। ছোরা দিয়ে রঞ্জন আধখানা পেয়ারাটা আবার টুকরো করছে মন দিয়ে। ভেবো ছোরাটা চাইতে গিয়েও আর চাইল না। তাকে চলে যেতে দেখে রঞ্জন ছোরাটা বাড়িয়ে ধরে কিছু একটা বলতে গিয়েও বলল না। বরং রাধু বলল, “অন্তর সবসময় কাছে রাখা উচিত। এটা ভেবোর খেয়াল থাকে না। কখন দরকার পড়বে কে জানে।”

রঞ্জন বলল, “সত্যবাবু, আপনাকে একটা কাজ করতে হবে। আপনার মোটরে আমাদের নিয়ে হাওয়া খেতে বেরোবেন। অবশ্য সঙ্গে থাকবে আপনার এই ভাইঝি। পুলিশের যে কাণ্ডগোল আছে সেটা এবার বুঝলুম, ওরা একঘণ্টার মধ্যে জানাবে নির্ভিয়ে আমাদের এ বাড়ি ছেড়ে চলে যেতে দেবে কি না, আর দেবে নাই-বা কেন?”

“ডাকাতি করিনি, প্রাণহানিও করিনি, শুধুমাত্র শেল্টার নিয়েছি। এতে অপরাধ কোথায়?”

সত্যশেখর বলল “কিডন্যাপিংয়ের উদ্দেশ্যে একজনকে গাড়িতে তুলেছিলেন সেটা গুরুতর অপরাধ। তা ছাড়া এই বাড়িতে দু’জনকে আপনারা আঘাত করেছেন, তারা মারাও যেতে পারত, এটাও গুরুতর অপরাধ। বাড়ির বাইরে ভয় দেখিয়ে মানসিক আঘাত দিয়েছেন, সেটাও অপরাধ বলে গণ্য হবে।”

রঞ্জন পেয়ারা শেষ করার পর মর্তমানের খোসা ছাড়াতে ছাড়াতে বলল, “হুম্।”

## ভেবো ও পঞ্চু

ওদিকে ভেবো দোতলায় উঠে জুতোর র্যাকের সামনে দাঁড়িয়ে পড়ল। লোভাভুর চোখে জুতোগুলো দেখছে, তখন রাজশেখরের ঘর থেকে আইস ব্যাগ হাতে এক পা টেনে টেনে খোঁড়াতে খোঁড়াতে বেরিয়ে এসে অপূর্ণ মা যাচ্ছিল ফ্রিজের দিকে। এতক্ষণ সে কর্তাবাবুর কপালে বরফ দিচ্ছিল। ভেবোকে দেখতে পেয়ে সে বলল, “কী কীছিস রে মুখপোড়া ওখানে?”

ভেবো একগাল হেসে বলল, “খুব জব্বর কষিয়েছ মাসি। রাধুদার ডানাটা খসে গেছে, একেবারে নুলো। ওকে একটা পরার শাট দিতে হবে।” বলেই সে সত্যশেখরের ঘরে ঢুকে ওয়ার্ডরোবটা খুলল। হ্যান্ডারে ঝোলানো জামাপ্যান্টগুলো সরিয়ে সরিয়ে পছন্দ করছে। তখন বাইরে গুলল অপূর্ণ মার গলা, “পঞ্চু দ্যাখ তো ছোঁড়াটা ঘরে কী করছে?”

ভেবো চমকে গেল। সে তো সারা বাড়িই ঘুরে দেখেছে পাঁচটা লোক ছাড়া আর কেউ নেই, আর ওদের কারও নাম যতদূর সে জানে

পঞ্চু নয়। তা হলে এই পঞ্চু লোকটা কোথা থেকে এল? ভেবো খুবই ইঁশিয়ার। সে চট করে খোলা পাল্লার পাশে গিয়ে দাঁড়াল। ছোরাটা সঙ্গে নেই বলে মনে মনে আফসোস করল।

দরজায় পঞ্চু। আড়চোখে তাকে দেখেই ভেবো “ভাগ, ভাগ” বলে চৌচিড়ে উঠল। মুহূর্তে পঞ্চু খাটে উঠেই লাফ দিয়ে ওয়ার্ডরোবের মাথায় চড়ে ঠোঁট তুলে মাড়ি বার করে “চি চি কিচ কিচ কিচ” শব্দ করল। ভেবো দরজার দিকে পা বাড়াতোই পঞ্চু ঝাঁপিয়ে পড়ল ওর ঘাড়ে এবং সঙ্গে সঙ্গে কামড় বসাল বাঁ কানে। কানটার প্রায় আধখানা খুলে পড়ল, রক্ত বেরোচ্ছে ফিনিক দিয়ে।

ভেবো চিংকারে বাড়ি মাথায় তুলে ছুটে সিঁড়ি দিয়ে নামতে শুরু করল।

“ওরে বাবা রে, মরে গেলুম, আমার কান গেল। বাঁচাও রাধুনা, বাঁচাও।”

চমকে উঠে রিভলভার হাতে রঞ্জন পড়িমরি ছুটে বেরোল ঘর থেকে। তার পেছনে পেছনে রাধু ছাড়া আর সবাই।

দোতলায় তখন অপূর্ণ মার কালে পঞ্চু। ওর গালটা নিজের গালে চেপে অপূর্ণ মা বলে চলেছে, “বাবা আমার, সোনা আমার।”

রঞ্জন হতভম্ব হয়ে গেল ভেবোকে দেখে। তারপর বলল, “কী করে এমন হল?”

“বানর কামড়ে দিল।”

রাগে কালে হয়ে উঠল রঞ্জনের চাহনি। দাঁতে দাঁত চেপে বলল, “এইসব মাথামোটা ইডিয়টদের নিয়ে আমাদের কাজ করতে হয়। একটার হাত গেল, অন্যটার কান।” কলাবতীর দিকে তাকিয়ে সে বলল “বানর এল কোথা থেকে?”

“আমাদের পোষা বানর।”

রঞ্জন তাকে বলল, “পারবে ওর কানে ব্যাভেজ করে দিতে?” কলাবতী বলল, “পারব।”

ভেবো চিংকার করে উঠল, “না, না, না, ও ব্যাভেজ করবে না। দেখছ না রাধুদাকে কী করে দিয়েছে। আমায় বরং তুলো দাও, আমি কানে চেপে ধরে থাকব। আমাকে আবার সেই চোদ্দটা ইঞ্জেকশন নিতে হবে।”

কলাবতী অশ্রুতে বলল, “চোদ্দটা নয়, এখন চারটে নিলেই হয়।”

কথটা ভেবো শুনতে পেল এবং তেলেবেগুনে জ্বলে থিড়িয়ে উঠল, “চোদ্দটা নয়, চারটে!” তারপর কলাবতীর চুল মুঠোয় ধরে মাথাটা ঝাঁকাতে ঝাঁকাতে বলল, “এমন বানর পোষো কেন, যে মানুষের কান কামড়ে দেয়?”

সত্যশেখর এতক্ষণ চূপ করে দেখছিল, এইবার আর সে নিজেকে সামলাতে পারল না। “খবরদার” বলে গর্জে উঠেই ভেবোর জামার কলার পেছন থেকে ধরে হ্যাঁচকা টান দিয়েই খাল্লড় কষাল। ভেবো ছিটকে মেঝেয় পড়ে গেল। রঞ্জন রিভলভারের বাট দিয়ে সঙ্গে সঙ্গে সত্যশেখরের মাথার পেছনে মারল। সে টলে পড়ে যাচ্ছিল, কলাবতী তাকে জড়িয়ে ধরে নিয়ে ঘরের ভেতরে এনে চেয়ারে বসিয়ে দিল।

“শত্রুতাটা তা হলে ভালভাবেই চালাতে চান।” সত্যশেখর বলল।

“আমার দুটো লোককে আপনারা জখম করে আপসেট করে দিয়েছেন। আর একবার যদি কান্নর গায়ে হাত দেন, ভেবোর হোক আপনারা রেয়াত করবেন না।”

রাধু বলল, “গুরু, হাতে তো ঘোড়া রয়েছে, লোকটাকে একটা দানা খাইয়ে দাও। বড্ড বাড় বেড়েছে। যদি একটা টোটাও থাকত তা হলে—” বন্দুকটা বাঁ হাতে তুলে ধরে সে বুঝিয়ে দিল, তা হলে সে কী করত।

ফার্স্ট এইড বক্স থেকে খানিকটা তুলো বার করে কলাবতী ভেবোর দিকে বাড়িয়ে ধরল। তুলো হাতে নিয়ে ভেবো একবার বক করে কলাবতীর দিকে তাকিয়ে বলল, “বলছ চারটেই হবে?”

“কালু, একদম কোনও হেল্প করবি না।” সত্যশেখর চব্বি সহ

করতে পারল না কলাবতীর এই দয়ার মনোভাবকে। কিন্তু স্বরে বলল, “ব্যাভেক্স তুলো কিছু দিবি না আর। এদের যা প্রাপ্য ভগবান তাই দিয়েছেন।” এই বলে সে আশ্বিনঝরা দৃষ্টি নিয়ে রঞ্জনের দিকে তাকাল।

রঞ্জন ঠোট মুচড়ে হেসে বলল, “ভগবান ভীষণ কিস্টে, আমার প্রাপ্যটা এখনও আমায় দিলেন না। অবশ্য দেওয়ার সুযোগও আর পাবেন না।”

এই সময় ফোন বেজে উঠল। অভ্যাসবশে সত্যশেখর ফোনের দিকে হাত বাড়তেই ওয়েবলি স্কটের নল তার হাতে খোঁচা দিল। হাতঘড়ি দেখে নিয়ে রঞ্জন রিসিভার তুলল। ঘরের সবাই উৎকণ্ঠিত চোখে তাকিয়ে।

“হ্যাঁ বলুন।” অরুণকে রঞ্জন শুনে গেল ওধারের কথা। তারপর বলল, “দু’ঘণ্টা নয়, তিনঘণ্টা পরই ওদের ছেড়ে দোব। সবথেকে জরুরি কথাটা নিশ্চয় মনে আছে, আমাদের ফলো করবেন না, বা মাঝপথে আটকাবার চেষ্টা করবেন না। তা হলে কয়েকটা ডেডবন্ডি পাবেন শুধু। আমরা কিন্তু ওয়েল আর্মড, তিনটে রিভলভার আর বোমা সঙ্গে আছে। মিনিট পনেরোর মধ্যেই আমার বেরোব, উৎসাহের বশে আপনার লোকেরা যাতে কিছু করে না বসে সেজন্য ওদের যা-যা জানবার জানিয়ে দিন।”

রঞ্জন আবার কিছুক্ষণ শুনে বলল, “না, না, এদের গাড়ি নিয়েই যাব। আমরা নেমে গেলে, সত্যাবাবু গাড়ি নিয়ে বাড়ি ফিরে আসবেন নিরাপদে, অবশ্য পুলিশ কথার খেলাপ যদি না করে।.....দেখা যাক।” রিসিভার রেখে সে রাধুকে বলল, “একটা জামা পরে নাও, ব্যাভেক্স দেন পুলিশের চোখে না পড়ে।”

রাধু দাঁত বার করে হেসে বলল, “গুরু দিলে ভাল, তিনটে রিভলভার! বোমা! আরে বোমার খলিটা তো গাড়িতেই রয়ে গেছে, তাড়াছড়োয় আর— ভেবো, কোন ঘরটায় জামা আছে রে?”

“সিঁড়ি দিয়ে উঠে ডান দিকের প্রথম ঘর। দেখবে কাঠের আলমারিতে সারি সারি জামা বুলছে।”

রাধু উঠে দাঁড়াতেই ভেবো মনে করিয়ে দিল, “বন্দুকটা সঙ্গে নাও। বানরটাকে দেখলেই মোক্ষম এক ঘা কষিয়ে মাথা ভেঙে দিও।”

রঞ্জন ঘড়ি দেখে বলল, “তিন মিনিটের মধ্যে নেমে আসবে। আমাদের এখন রওনা হতে হবে।”

সত্যশেখর বলল, “আমরা কোথায় যাব?”

“গাড়িতে আগে উঠুন তারপর যেদিকে চালাতে বলব চালাবেন, তেল কত আছে?” রঞ্জন গম্ভীর গলায় বলল।

“কাল রাতে বারো লিটার ভরেছি।”

মনে মনে হিসেব করে রঞ্জন বলল, “ছম্, হয়ে যাবে।”

এর পর সে মোবাইল ফোনটা বার করে নম্বরের বোতাম টিপতে টিপতে ঘরের বাইরে গেল কারও সঙ্গে কথা বলতে। ঘরের এককোণে মুরারি তখন থেকে ঠায় দাঁড়িয়ে একটি কথাও না বলে। এইবার সে মুখ খুলল, “হেটবাবু, তোমাকে আর কালুদিকে কি মেরে ফেলার জন্য নিয়ে যাবে?”

হালকা সুরে সত্যশেখর বলল, “তাই তো মনে হচ্ছে।” শুনেই ডুকরে উঠে মুরারি দোতলার সিঁড়ি দিকে ছুঁল।

“ওরে অপূর মা রে, সব্বোনাশ হয়ে গেছে রে।” চিৎকার করতে করতে সে দোতলায় উঠল। রাজশেখরের ঘর থেকে ছুটে বেরিয়ে আসতে গিয়ে, “উহহ” বলে কাতরে উঠে অপূর মা এক পা তুলে দাঁড়িয়ে গেল। “হয়েছে কী মুরারি?”

“আর হয়েছে! কালুদি আর হেটবাবুকে খুন করার জন্য গাড়িতে করে ওরা এবার নিয়ে যাবে।” মুরারির চোখ দিয়ে জল গড়িয়ে পড়ল। “আমি গাড়ির সামনে শুয়ে পড়ব, চালাক আমার বৃকের ওপর দিয়ে। আমার আর বেঁচে থাকার দরকার নেই।” বলতে বলতে মুরারি সিঁড়ি দিয়ে নেমে গেল।

সত্যশেখরের ঘরে তখন রাধু বিস্ময়িত চোখে জামাগুলো দেখছে। একটা সিলেক্ট হাওয়াই শার্ট বেছে গিয়ে পরার জন্য বন্দুকটা

খাটের ওপর রেখে বাঁ হাতে জামার হাতা গালল, তারপর আর গায়ে ওঠাতে পারল না। কিছুক্ষণ চেষ্টা করে হাল ছেড়ে দিল। নীচের থেকে ভেবোর চিৎকার শুনতে পেল, “রাধুদা, হল তোমার? এখনি বেরোতে হবে।”

“খাচ্ছি রে।” বলে রাধু আরও দুটো শার্ট বার করে বাঁ কাঁধে ফেলে বাঁ হাতে বন্দুকটা নিয়ে ঘর থেকে বেরোল। ডাইনে তাকিয়ে দেখতে পেল সিঁড়ির মাথায় বসে একটা বানর, তাকে দেখেই অদৃশ্য হয়ে গেল। বাঁ দিকে তাকিয়ে দেখতে পেল ব্যাগাটেলির টেবলটায় হাতে ভর দিয়ে দাঁড়িয়ে দশশাই চেহারার সেই মেয়েটা।

অপূর মাকে দেখেই রাধুর চোখ দপদপ করে উঠল। বন্দুকের মুঠো শক্ত হল। পায়ে পায়ে সে এসেগেল। অপূর মার কাছে এসে এক হাতে বন্দুকটা খাঁড়ার কোণ দেওয়ার মতো করে তুলল। চোখ বন্ধ করে অপূর মা কুঁদোটা মাথার ওপর পড়ার অপেক্ষায় রইল। কয়েক সেকেন্ড পর চোখ খুলে দেখল ডাকাডাকা তার ফলার দিকে জুলজুল করে তাকিয়ে। বাবার দেওয়া, দু’ভরির সোনার হারটা সে আজ পর্যন্ত কখনও গলা থেকে খোলেনি। রাধু হারটাকেই দেখছে। অপূর মা গলায় হাত দিয়ে পিছিয়ে যেতে গিয়ে ভারসাম্য রাখতে না পেরে পড়ে গেল মেঝেয়। রাধুর চোখ পড়ল তার ব্যাভেক্স বাঁধা পায়ে।

বীভৎস হাসিতে ভরে গেল রাধুর মুখ।

### অপূর মা অন্য রূপে

“এইবার আমি বদলা নোব। আমার কাঁধ নিয়েছিস, এবার আমি তোরা পা নোব।” বলেই রাধু বন্দুকটা বাঁ হাতে তুলে অপূর মার ডান পায়ের পাতার ওপর জোরে আঘাত করল। কাটা ছাগলের মতো অপূর মা হটফটিয়ে আছড়ে পড়ল, একটা চাপা “আহ্” ছাড়া মুখ দিয়ে আর কোনও শব্দ বেরোল না। রাধু বন্দুকটা মেঝেয় রেখে নিচু হয়ে বাঁ হাতের মুঠোয় হারটা ধরে সবোমাত্র টান দিয়েছে তখনই সাপের ছোবলের মতো অপূর মার দুটো হাত রাধুর তুল মুঠোয় ধরে মাথাটা টেনে নামিয়ে এনে কপাল দিয়ে রাধুর নাকে হাতুড়ির মতো আঘাত করল; মুহূর্তে রাধুকে চিত করে পেড়ে ফেলে তার বৃকের ওপর হাঁটু রেখে উম্মাদের মতো মাথাটা সে মেঝেয় ঠুকতে ঠুকতে বলে যেতে লাগল, “হেটবাবুকে মারবি? কালুদিকে মারবি? হেটবাবুকে মারবি? কালুদিকে মারবি?”

সেই সময় ভেবো “রাধুদা, রাধুদা, আর এক মিনিটও দেরি করলে কিছু—” বলতে বলতে দোতলায় উঠে এল এবং নেতিয়ে পড়ে থাকা রাধুকে দেখে থমকে গিয়ে “মেরে ফেলেছে, রাধুদাকে মেরে ফেলেছে” বলে চিৎকার করে নেমে গেল।

“মেরে ফেলেছে” শব্দ দুটো অপূর মার অঙ্গকার হয়ে যাওয়া চেতনায় বিন্দুভের চমক দিল। সে বিভ্রিভি করে বলে উঠল, “মরবে না, মরবে না।” উঠে দাঁড়াবার চেষ্টা করে সে পড়ে গেল। এবার ব্যাগাটেলি বোর্ডের টেবলের পায়া ধরে নিজেকে টেনে তুলছে।

“চি চি চি।” অপূর মা মুখ তুলে দেখল পঞ্চ সিঁড়িতে। তার মনে পড়ল কলাবতী দুটো আঙুল তুলে ফাঁক করে দেখালেই পঞ্চ গুলতিটা এনে দিত। অপূর মা দুই আঙুল তুলে ‘ভি’ দেখাল, “নিয়ে আয় বাবা।”

পঞ্চ তরতর করে সিঁড়ি দিয়ে নেমে এসে কলাবতীর ঘরে ঢুকল আর গুলতিটা নিয়ে বেরিয়ে এসে অপূর মার হাতে দিল। এবার ব্যাগাটেলি বোর্ড থেকে একটা লোহার গুলি তুলে নিল অপূর মা।

পা ফেলে হাঁটার ক্ষমতা নেই। সে হামাগুড়ি দিয়ে দোতলার ছাদের দিকে নিজেছে হিচড়ে হিচড়ে টেনে নিয়ে চলল। দু’চোখ বেয়ে জল ঝরছে, মনে মনে নিজেকে বলে যাচ্ছে, “কোরু, আর একটু সহ্য কর, আর একটু আর একটু।”

চালাই লোহার নকশাদার রেলিং ঘেরা ছাদ। অপূর মা রেলিং আঁকড়ে উঠে দাঁড়াল। ছাদের নীচেই হেটবাবুর গাড়িটা দাঁড়িয়ে। গেটের বাইরে যেমন হেলমেট পরা বন্দুক হাতে পুলিশের, তেমনই কৌতূহলী লোকের ভিড়। সবার নজর গাড়িটার দিকে। কেউ লক্ষ করল না রেলিং ধরে দাঁড়ানো, থানকাপড় পরা ঘোমটাখসা আলুথালু

চুল মধ্যবয়সী স্ত্রীলোকটিকে।

মুরারি গাড়ির সামনে দাঁড়িয়ে। সে গাড়িতে এগোতে দেবে না। বুড়ো লোকটিকে হাত ধরে টেনে রঞ্জন সরিয়ে দিল। মুরারি আবার গাড়ির সামনে গিয়ে দাঁড়াল।

“তুমি যদি যেতে না দাও তা হলে এখানেই ওদের গুলি করে মারব। তিন পর্যন্ত গুনব, তার মধ্যে যদি পথ ছাড়ো তো ভাল, নইলে—।” রঞ্জন রিভলভার হাতে গাড়ির পেছনের জানলার কাছে দাঁড়াল। পেছনের সিটে বসে আছে কলাবতী।

“এক—দুই—।” তিন বলার আগেই চোখ মুহুতে মুহুতে মুরারি সরে গেল।

ড্রাইভারের দরজার হাতল ধরে দাঁড়িয়ে সত্যশেখর, গাড়িতে এবার সে উঠবে। ভেবে আগেই উঠে বসেছে সামনের সিটে, হাতে ছোরা নিয়ে। সত্যশেখরকে সোজা করে রাখার দায়িত্বটা তার। পেছনের দরজা খুলে মাথা নামিয়ে রঞ্জন উঠতে যাচ্ছে, হাতে রিভলভার।

অপুর মা লোহার গুলিটা ছিলেয় লাগিয়ে গুলতি তুলে ধরল। শরীরে এখন সে যন্ত্রণা বোধ করছে না। হাত কাঁপছে না। তার কাছে একটাই গুলি। রবারের ছিলে নাক পর্যন্ত এক হাত টেনে এনে একটোখ বন্ধ করল।

সত্যশেখরই প্রথম রিভলভারটা হাত থেকে পড়ে যেতে দেখল, তারপর দেখল রঞ্জনের কোমর থেকে উর্ধ্বাংশ গাড়ির মধ্যে, নীচের দিক গাড়ির বাইরে পড়ে রয়েছে। একটুও শব্দ না করে ব্যাপারটা ঘটে গেল। জীবনে এই প্রথম সত্যশেখর একটা কাজ করল যাতে জানা গেল তার উপস্থিতি বৃদ্ধি যথেষ্টই ভাল। সে চট করে রিভলভারটা তুলে নিয়ে ভেবোর দিকে তাক করে বজ্রগভীর স্বরে বলল, “নেমে আয় শুয়ার।”

গেটের বাইরে থেকে পুলিশ লক্ষ্য করে যাচ্ছিল ওদের গতিবিধি। তারা চমকে গেল সত্যশেখরের হাতে রিভলভার দেখে এবং ছুটে এল সিংহিবাড়ির মধ্যে। সবাই খাঁধায় পড়ে গেল রঞ্জনের খুলি ভেঙে রক্ত বেরোচ্ছে কেন? কলাবতী গাড়ির মধ্যেই গুলিটা কুড়িয়ে পেয়ে প্রথমেই তাকাল দোতলার ছাদের দিকে। যাকে দেখবে ভেবেছিল তাকেই দেখল। তারপর উর্ধ্বাঙ্গে বাড়িতে ঢুকে পঙ্কুর মতো লাফিয়ে লাফিয়ে দোতলায় উঠে ছাদে গিয়েই “পিসিইই” বলে চিৎকার করে ঝাঁপিয়ে পড়ল অপূর মার বৃকে।

“ছাড়ো কালুদি, ছাড়ো, রামাবান্না হয়নি এখনও। কারুর খাওয়া

হয়নি, মুরারিদাকে বলো শকুন্তলাকে ডেকে আনতে, ক’টাদিন আমি এখন তো রামাঘরে যেতে পারব না।”

“যেতে হবে না, আমি রামা করব।”

“খবদার, রামাঘরে ঢুকবে না, রং কালো হয়ে যাবে।”

অ্যান্থলেপ এসে রাধু ও রঞ্জনকে হাসপাতালে নিয়ে গেল। ওদের অবস্থা সম্বতাপন্ন। ভেবোকে নিয়ে গেল পুলিশ। সিংহিবাড়ি কয়েক ঘণ্টার জন্য রাহুর গ্রাসে পড়েছিল, এখন তা থেকে মুক্তি পেল। বাড়ির সবার এজাহার নেওয়ার পর অপূর মাকে পুলিশ ইনস্পেক্টর জিজ্ঞাসাবাদ করে। সেটা এইরকম:

“আপনি একাই ডাকাত দু’জনকে মারলেন?”

ঘোমটা চোখ পর্যন্ত টেনে জবাব হল, “ওম্মা, আমি একা পারব কেন, কালুদি, ছোটকত্তা, মুরারিদা, কত্তাবাবা আর পঙ্কু সবাই মিলে চেষ্টা করে তবেই না সাহস পেয়েছি।”

“পঙ্কু? সে কে?”

“আমার ছেলে।”

“কই, তাকে তো দেখছি না। ডাকুন তাকে।”

সবাই মুখ চাওয়াচাওয়ি করল। তাই তো, গেল কোথায় পঙ্কু? পুলিশ কী বস্ত্র, থানা থেকে পালালে পঙ্কু তা জানে এবং জানে বলেই এখন সে দেবদারু গাছের মগডালে।

রাতে কলাবতী ফোন করে মলয়াকে সবিস্তারে সারাদিনের ঘটনা বলার পর শেষে যোগ করল, “বিশ্বাস করবেন না বড়দি, রিভলভারটা হাতে নিয়ে কাকার সে কী অগ্নিমূর্তি! আমি তো ভাবলুম এই বুঝি ভেবোর ইহলীলা খতম হবে।”

“তুমি ভাবতে পারো কিন্তু আমি ভাবছি না, যতদূর জানি সত্য জীবনে কখনও রিভলভার হাতে ধরেনি। যদি গুলি ছুড়ত তা হলে ভেবো নয়, হয়তো তোমারই ইহলীলা সাদ্ধ হত। তবে ও যে একটা অস্ত্র হাতে ধরেছে, ওই অসমসাহসী কাজের জন্য ওকে আমি ফুলহাতা একটা সোয়েটার নিজে হাতে বুনে দেব। কথাটা তুমি ওকে বলে দেখো, শুনেই বলবে নিউ মার্কেট থেকে কিনে নিজের হাতে বোনা বলে চালাচ্ছে।” মলয়া হেসে উঠল কথার শেষে।

রাতে খাবার টেবলে কলাবতী বলল, “কাকা, তোমাকে বড়দি একটা ফুলহাতা সোয়েটার দেবে নিজের হাতে বুনে।”

জু কুঁচকে সত্যশেখর তাকিয়ে থেকে বলল, “তুই বিশ্বাস করলি? ময়দানে ভুটিয়াদের কাছ থেকে কিনে নিজের হাতে বোনা বলে চালাবে সেটা কি জানিস? ও বকদিঘির মেয়ে, এটা মনে রাখিস। আর মনে রাখিস, আটঘরার মেয়ে হল অপূর মা।”

